



Llywodraeth Cymru
Welsh Government

Rhif: WG51387

Llywodraeth Cymru

Ymgynghoriad – Crynodeb o'r ymatebion

Newidiadau i Hawliau Datblygu a Ganiateir

Pympiau gwres o'r aer, gwefrwyr cerbydau trydan mewn mannau parcio oddi ar y stryd, safleoedd gwersylla dros dro, peiriannau rhoi arian am ailgylchu, datblygiadau gan ymgymrwyr statudol (trydan), tai fforddiadwy a defnydd yn y cyfamser; a newid i'r diffiniad o 'ddatblygiad mawr'.

Rhagfyr 2025

This document is also available in English / Mae'r ddogfen hon ar gael yn Saesneg hefyd
Rydym yn croesawu gohebiaeth a galwadau ffôn yn Gymraeg / We welcome correspondence and telephone calls in Welsh

Cynnwys

1.	Cyflwyniad	3
2.	Ymatebion.....	4
3.	Cynodeb o'r Ymatebion	6
3.1	Pumpiau gwres o'r aer	6
3.2	Gwefru cerbydau trydan oddi ar y stryd.....	21
3.3	Newid defnydd tir dros dro ar gyfer gwersylla	31
3.4	Peiriannau rhoi arian am ailgylchu	38
3.5	Datblygiad gan ymgymrwyr statudol – Trydan	43
3.6	Safleoedd tai fforddiadwy a defnydd yn y cyfamser	51
3.7	Diffiniad o 'ddatblygiad mawr'	63
3.8	Digolledu am ddileu hawliau datblygu a ganiateir yn y dyfodol	65
3.9	Ystyriaethau yn ymwneud â'r Gymraeg.....	66
3.10	Ystyriaethau cyffredinol	68
	Atodiad A – Rhestr yr ymatebwyr	71

1. Cyflwyniad

- 1.1 Lansiodd y ddogfen ymgynghori 'Newidiadau i Hawliau Datblygu a Ganiateir' ar 8 Ebrill 2025 ac yr oedd yn agored i ymatebion hyd 1 Gorffennaf 2025. Gosodwyd 49 o gwestiynau penodol yn y ddogfen ymgynghori, a darparwyd ffurflen safonol i hwyluso ymateb.
- 1.2 Mae'r ddogfen hon yn rhoi crynodeb o'r ymatebion i'r ymgynghoriad, ymateb Llywodraeth Cymru a'r camau nesaf. Mae wedi'i rhannu'n ddwy adran bellach.
- 1.3 Mae Adran 2 yn rhoi crynodeb cyffredinol o'r ymgynghoriad ac yn rhoi manylion am sut y cynhaliwyd yr ymgynghoriad.
- 1.4 Mae Adran 3 yn rhoi crynodeb o'r holl ymatebion a ddaeth i law. Mae hyn yn cynnwys y canlynol:
 - Dadansoddiad ystadegol eang o'r safbwyntiau a fynegwyd ar bob cwestiwn (lle gellid tynnu ystadegau).
 - Crynodeb o'r sylwadau a'r materion a godwyd o dan bob cwestiwn neu grŵp o gwestiynau.
 - Ymateb Llywodraeth Cymru yn dilyn pob cwestiwn neu grŵp o gwestiynau.
- 1.5 Wrth ddadansoddi a chrynhofio'r ymateb i'r ymgynghoriad hwn, nid yw'r adroddiad hwn yn mynd i'r afael â'r canlynol:
 - **Materion sydd y tu allan i gwmpas yr ymgynghoriad:** Lle gwnaed sylwadau sy'n berthnasol i'r ymgynghoriad hwn, ond a wnaed mewn perthynas â materion y tu allan i gwmpas y cwestiwn, gwnaed ymdrechion i grynhoi o dan y cwestiwn cywir. Fodd bynnag, ni fydd sylwadau y tu allan i gylch gwaith yr ymgynghoriad hwn yn cael eu hystyried.
 - **Sylwadau sy'n dehongli'r polisi arfaethedig a'r ddeddfwriaeth bresennol yn anghywir:** Mae ymatebion wedi dod i law sy'n gofyn am newidiadau i'r polisi, sydd naill ai'n adlewyrchu'r bwriadau a nodir yn y papur ymgynghori neu'n adlewyrchu'r ddeddfwriaeth bresennol sydd i aros yr un fath.

2. Ymatebion

- 2.1 Ar 8 Ebrill 2025, hysbyswyd drwy e-bost dros 300 o randdeiliaid, gan gynnwys unigolion a sefydliadau, am gyhoeddi'r ymgynghoriad. Tynnwyd y rhain o'r rhestr ymgynghori graidd a gedwir gan Gyfarwyddiaeth Gynllunio Llywodraeth Cymru, yn ogystal â sawl corff arall a fynegodd ddiddordeb. Roedd hyn yn cynnwys pob awdurdod cynllunio lleol yng Nghymru, cyrff cyhoeddus, grwpiau buddiant arbennig a grwpiau eraill. Roedd yr ymgynghoriad ar gael ar wefan ymgynghori Llywodraeth Cymru.
- 2.2 Cynhyrchwyd 174 o ymatebion yn ystod y cyfnod ymgynghori, yn ogystal â dau ymateb hwyr. Rydym yn ddiolchgar i bawb a ymatebodd. Darllenwyd yr holl ymatebion i'r ymgynghoriad ac fe'u hystyriwyd fel rhan o'r dadansoddiad hwn.

Darparwyd ffurflen ymgynghori fel atodiad i'r ddogfen ymgynghori ac ar wahân ar wefan ymgynghori Llywodraeth Cymru. Gofynnwyd i ymatebwyr aseinio eu hunain i un o chwe chategori eang. Mae

- 2.3 Tabl 2.1 isod yn dangos dadansoddiad o'r ymatebwyr.

Categori	Nifer	% o'r cyfanswm
Busnes / ymgynghorydd	36	20%
Asiantaeth Llywodraeth / sector cyhoeddus arall	11	6%
Awdurdod cynllunio lleol	15	9%
Grŵp neu unigolyn arall (heb ei restru uchod)	83	47%
Cyrff proffesiynol / grwpiau buddiant	21	12%
Sector gwirfoddol / grwpiau cymunedol	10	6%
Cyfanswm terfynol	176	100%

Tabl 2.1: Dadansoddiad o'r ymatebwyr

- 2.4 Roedd cwestiynau ymgynghori 1 i 46 yn gofyn cwestiynau polisi penodol yn ymwneud â'r gwahanol agweddau ar hawliau datblygu a ganiateir sy'n cael eu hystyried. Roedd y cwestiynau'n gofyn am ymatebion cadarnhaol, negyddol, neu 'ddim yn gwybod'. Roedd y cwestiynau ymgynghori hyn hefyd yn rhoi'r opsiwn i ymhelaethu ar yr atebion. Cafodd y cwestiynau ymgynghori eu grwpio yn adrannau, yn ôl pob pwnc hawl datblygu a ganiateir.
- 2.5 Roedd cwestiynau ymgynghori 47 a 48 yn ymdrin yn benodol â'r effeithiau posibl y byddai'r gwelliannau arfaethedig yn eu cael ar y Gymraeg.
- 2.6 Oherwydd y cymysgedd o gwestiynau a ofynnwyd, cydnabuwyd y byddai llawer o ymatebwyr yn cwblhau'r adrannau hynny a fyddai'n berthnasol neu o ddiddordeb iddynt yn unig. O ganlyniad, lle nad oedd ymatebwyr wedi ymateb i gwestiynau o gwbl, cofnodwyd y rhain fel 'heb ateb'. Nid yw'r wybodaeth hon yn rhan o'r dadansoddiad ystadegol. Lle nodwyd 'ddim yn gwybod', ystyriwyd yr ymatebion hyn ac mae'r wybodaeth a ddarparwyd yn rhan o'r dadansoddiad ystadegol ar gyfer pob cwestiwn. Lle rhoddwyd sylwadau gan ymatebwyr a'u bod yn glir eu

barn, ond heb nodi ateb penodol, neilltuwyd naill ai ateb cadarnhaol, ateb negyddol, neu 'ddim yn gwybod' i'r ymatebion hyn. Lle bo angen, talgrynnwyd data ystadegol i'r rhif agosaf, felly mewn rhai achosion efallai na fydd y ganran yn cyfateb i 100%. Mae Adran 3 o'r adroddiad hwn wedi'i rhannu'n naw thema ymgynghori pwrpasol.

- 2.7 Ceir rhestr lawn o ymatebwyr yn Atodiad A. Lle mae ymatebwyr wedi gofyn am gael eu manylion wedi eu hatal yn benodol, byddant yn cael eu trin fel 'dienw' o dan y categori, yn ogystal ag unigolion preifat, lle bydd pob un ohonynt yn cael eu trin fel 'dienw' er mwyn cydymffurfio â'r Rheoliadau Cyffredinol ar Ddiogelu Data.

3. Crynodeb o'r ymatebion

3.1 Pymphiau gwres o'r aer

Cwestiwn 1: A ydych chi'n cytuno y dylai amod G.3(a), sy'n mynnu bod pwmp gwres o'r aer yn cael ei ddefnyddio at ddibenion gwresogi yn unig, gael ei ddileu er mwyn gallu gosod pymphiau gwres aer-i-aer hefyd? Rhwch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	19	2	8
Asiantaeth Llywodraeth / sector cyhoeddus arall	5	0	1
Awdurdod cynllunio lleol	14	0	1
Grŵp neu unigolyn arall (heb ei restru uchod)	51	3	11
Cyrff proffesiynol / grwpiau buddiant	14	0	2
Sector gwirfoddol / grwpiau cymunedol	3	0	2
Cyfanswm	106	5	25
Canran	78	4	18

Y prif themâu

3.1.1 Y brif thema mewn ymateb i gwestiwn 1:

- Roedd mwyafrif yr ymatebwyr yn fodlon â'r cynnig i alluogi gosod pymphiau gwres aer-i-aer.

Trosolwg

3.1.2 Roedd cefnogaeth gref i'r cynnig hwn ar draws pob sector, gyda 78% yn cytuno. Roedd y safbwyntiau a fynegwyd yn yr ymatebion yn aml yn cynnwys tynnu sylw at fuddion fel y canlynol:

- Costeffeithiolrwydd / fforddiadwyedd.
- Addasrwydd ar gyfer cartrefi llai neu gartrefi hŷn.
- Mwy o ddewis i ddefnyddwyr i gyd-fynd â gwahanol eiddo.
- Y gallu i ddarparu oeri yn ystod misoedd cynhesach.
- Buddion o ran iechyd.
- Gostyngiad yn y rhwystrau rheoleiddiol i fabwysiadu technolegau gwresogi carbon isel.

3.1.3 Tynnodd yr ymatebwyr sylw at yr angen am hyblygrwydd i hyrwyddo ehangu datrysiadau gwresogi carbon isel a chefnogi nodau datgarboneiddio yng Nghymru. Ystyrir bod cyd-fynd â newidiadau tebyg yn Lloegr o fudd i gwsmeriaid ac yn helpu gosodwyr sy'n gweithio ar draws y ffin.

- 3.1.4 Codwyd rhai pryderon ynghylch yr angen am ddata ychwanegol ar effeithiau amgylcheddol, lefelau sŵn, a chynnydd posibl yn y galw am drydan oherwydd oeri. Awgrymwyd y dylai unrhyw newidiadau rheoleiddiol gyd-fynd â chanllawiau technegol pellach a rheolaethau sŵn i sicrhau bod y buddion yn cael eu cydbwysu yn erbyn yr anfanteision posibl.

Ymateb Llywodraeth Cymru

- 3.1.5 Mae mwyafrif yr ymatebion yn dangos cefnogaeth gref i'r cynnig i ddileu amod G.3(a). Rydym yn ystyried y bydd buddion posibl y cynnig hwn yn gwella'r dewis ar gyfer defnyddwyr ac yn eu hannog i fabwysiadu technolegau carbon isel ar aelwydydd ledled Cymru.
- 3.1.6 Bydd angen i bob pwmp gwres o'r aer a osodir o dan hawliau datblygu a ganiateir gydymffurfio â safonau'r Cynllun Tystysgrifau Microgynhyrchu (MCS) 020(a), a bydd unrhyw gyfyngiadau eraill megis cyfaint yr uned, nifer, lleoliad, dyluniad ac ystyriaeth o ardaloedd sensitif ac ati hefyd yn berthnasol.

Cwestiwn 2: A ydych chi'n cytuno y dylid dileu'r cyfyngiad sy'n mynnu bod pwmp gwres o'r aer yn cael ei osod 3 metr oddi wrth ffin yr eiddo? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	21	1	7
Asiantaeth Llywodraeth / sector cyhoeddus arall	5	0	1
Awdurdod cynllunio lleol	13	0	2
Grŵp neu unigolyn arall (heb ei restru uchod)	46	7	12
Cyrff proffesiynol / grwpiau buddiant	14	0	2
Sector gwirfoddol / grwpiau cymunedol	4	1	0
Cyfanswm	103	9	24
Canran	76	7	18

Y prif themâu

- 3.1.7 Y brif thema mewn ymateb i gwestiwn 2:
- Roedd mwyafrif yr ymatebwyr yn cefnogi'r cynnig i gael gwared ar y cyfyngiad sy'n mynnu bod pwmp gwres o'r aer yn cael ei osod 3 metr oddi wrth ffin yr eiddo.

Trosolwg

- 3.1.8 Roedd cefnogaeth gref i'r cynnig hwn ar draws pob sector, gyda 76% yn cytuno. Roedd y safbwyntiau a fynegwyd yn yr ymatebion yn aml yn cynnwys y canlynol:

- Gwelliannau technolegol sydd wedi arwain at lefelau sŵn is.
- Yr angen am gysondeb o ran polisi ledled y DU.
- Buddion ar gyfer datgarboneiddio ac ecwiti cymdeithasol.
- Pwysigrwydd cynnal mesurau cadarn ar gyfer rheoli sŵn.
- Hanfodol i Gymru gyrraedd ei thargedau sero net.
- Angen cynnal rhai rheolaethau mewn lleoliadau sensitif fel ardaloedd cadwraeth neu adeiladau rhestredig i warchod amwynder gweledol ac amgylcheddol.
- Mae asesiad sŵn MCS 020 yn safon briodol i reoleiddio pypmiau gwres o'r aer.
- Angen am fecanweithiau gorfodi clir i liniaru unrhyw effeithiau negyddol posibl ar gymdogion a chymunedau.

3.1.9 Tynnodd nifer o ymatebion sylw at y ffaith bod y rheol 3 metr yn effeithio'n anghymesur ar aelwydydd sydd â lle awyr agored cyfyngedig, lle gall fod yn anodd cydymffurfio â'r rheol. Ystyrir y byddai cael gwared arno yn ffordd o alluogi mwy o osodiadau gwresogi carbon isel mewn mwy o eiddo ledled Cymru. Y pryder mwyaf cyffredin gan ymatebwyr yw niwsans sŵn posibl.

3.1.10 Tynnodd rhai ymatebion sylw at y ffaith y byddai cael gwared ar y rheol 3 metr yn lleihau beichiau gweinyddol drwy leihau nifer y ceisiadau cynllunio a gyflwynir, symleiddio gosodiadau, a gostwng costau i ddefnyddwyr ac awdurdodau lleol.

Ymateb Llywodraeth Cymru

3.1.11 Mae mwyafrif yr ymatebwyr yn dangos cefnogaeth gref i'r cynnig i gael gwared ar y rheol 3 metr. Bydd y cynnig hwn yn galluogi mwy o aelwydydd, yn enwedig y rhai sy'n byw mewn cartrefi â lle cyfyngedig yn yr awyr agored, i gael budd o ddatrysiad gwresogi adnewyddadwy. Drwy gynyddu hyblygrwydd wrth leoli pypmiau gwres o'r aer, mae'r polisi'n cefnogi defnydd ehangach, gan helpu i gyflymu cynnydd tuag at dargedau sero net a lleihau dibyniaeth ar danwydd ffosil. Mae hefyd yn hyrwyddo tegwch drwy sicrhau nad yw cyfyngiadau gofodol yn eithrio rhai grwpiau'n anghymesur rhag cymryd rhan yn y newid i ynni glanach.

3.1.12 Mae Llywodraeth Cymru yn glir bod rhaid i MCS (020) a gefnogi dileu'r rheol 3 metr, ac felly rhaid i bob gosodiad o bympiau gwres o'r aer gydymffurfio â'r safonau hyn i gael budd o hawliau datblygu a ganiateir. Lle na cheir cydymffurfedd, bydd angen cais cynllunio.

3.1.13 Cyflwynodd yr MCS eu safonau diwygiedig ar gyfer pypmiau gwres o'r aer ar 20 Mawrth 2025 (wedi'u diwygio ymhellach ar 23 Ebrill), ac er nad yw'r rhain yn berthnasol yng Nghymru eto, byddant yn rhan o'r hawliau datblygu a ganiateir os bydd y cynigion ymgynghori yn cael eu dwyn i rym.

3.1.14 Mae MCS (020) a yn cynnwys methodoleg asesu acwstig ddiwygiedig, yn cefnogi gosodiadau sy'n agosach at ffiniau eiddo yn amodol ar gydymffurfedd acwstig, ac yn gwella canllawiau gosodwyr ar asesiadau sŵn. Mae'r MCS hefyd yn darparu canllawiau ar beth sy'n cyfrif fel rhwystr acwstig. Yn y cyd-destun hwn, bydd

Llywodraeth Cymru yn ceisio cyflwyno amod newydd yn Rhan 40, sef bod rhaid cadw a chynnal a chadw'n barhaol unrhyw rwystr acwstig sy'n ofynnol i sicrhau cydymffurfedd â safonau cynllunio MCS 020(a) ar gyfer gosod, addasu neu ailosod pwmp gwres o'r aer er mwyn sicrhau cydymffurfedd parhaus â gofynion lliniaru sŵn.

- 3.1.15 Cefnogir y gofyniad bod gosodiadau'n bodloni safonau MCS (020)a gan y gwelliant mewn technoleg pypiau gwres a'r cynnydd arfaethedig yng nghyfaith yr uned a ddylai arwain at unedau tawelach a helpu i leihau'r risg o effaith sŵn annerbyniol ar ddefnydd cyfagos.
- 3.1.16 Ar ôl ystyried yr ymatebion i'r ymgynghoriad, mae Llywodraeth Cymru o'r farn y dylid bwrw ymlaen â'r cynnig yn y cam cyntaf o weithredu, yn amodol ar yr ystyriaethau uchod ac yng nghyd-destun y dulliau arfaethedig eraill a nodir yn yr adroddiad hwn.

Cwestiwn 3: A ydych chi'n cytuno y dylai cyfaint allanol presennol pwmp gwres o'r aer gael ei gynyddu o 1 metr ciwbig i 1.5 metr ciwbig? Rhwng eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	21	1	7
Asiantaeth Llywodraeth / sector cyhoeddus arall	4	1	1
Awdurdod cynllunio lleol	11	2	2
Grŵp neu unigolyn arall (heb ei restru uchod)	45	8	12
Cyrff proffesiynol / grwpiau buddiant	14	0	2
Sector gwirfoddol / grwpiau cymunedol	3	0	1
Cyfanswm	98	12	25
Canran	73	9	19

Y prif themâu

- 3.1.19 Y brif thema mewn ymateb i gwestiwn 3:

- Roedd mwyafrif yr ymatebwyr yn cefnogi'r cynnig i gynyddu'r gyfaint allanol a ganiateir ar gyfer pypiau gwres o'r aer i 1.5 metr ciwbig.

Trosolwg

- 3.1.20 Roedd cefnogaeth gref i'r cynnig hwn ar draws pob sector, gyda 73% yn cytuno. Roedd y safbwyntiau a fynegwyd yn yr ymatebion yn aml yn cynnwys y canlynol:

- Caniatáu gwyntyllau mwy o faint, arafach sy'n cynhyrchu llai o sŵn.
- Gwell perfformiad ac effeithlonrwydd.

- Mae'n cefnogi mabwysiadu pypmpiau gwres o'r awyr ar fwy o fathau o eiddo.
- Yr angen am gysondeb o ran polisi ledled y DU.
- Mae'n symleiddio'r broses osod.
- Mae'n annog arloesedd wrth ddylunio pypmpiau gwres.
- Pryderon ynghylch goblygiadau effaith weledol mewn lleoliadau sensitif.
- Dylai pypmpiau gwres o'r aer barhau i gydymffurfio â'r terfynau sŵn presennol.
- Mwy o ddewis i ddefnyddwyr.

3.1.21 Mae rhai ymatebwyr wedi codi pryderon ynghylch effaith weledol bosibl unedau mwy, yn enwedig mewn lleoliadau sensitif fel parciau cenedlaethol neu ardaloedd cadwraeth. Mae Parc Cenedlaethol Eryri, Parc Cenedlaethol Bannau Brycheiniog, Parc Cenedlaethol Arfordir Sir Benfro a Tirweddau Cymru yn nodi eu bod yn gwrthwynebu'r cynnig os na chaiff parciau cenedlaethol eu heithrio.

Ymateb Llywodraeth Cymru

3.1.22 Mae'r ymatebion i'r ymgynghoriad yn dangos cefnogaeth gref i gynyddu'r gyfaint allanol a ganiateir ar gyfer pypmpiau gwres o'r aer i 1.5 metr ciwbig. Mae'r newid arfaethedig i hawliau datblygu a ganiateir yn galluogi ymateb hyblyg i anghenion gwahanol anheddau er mwyn cael budd o effeithlonrwydd perfformiad a gostyngiadau sŵn posibl.

3.1.23 Mae Llywodraeth Cymru yn cydnabod y pryderon a fynegwyd gan rai ymatebwyr y gallai pypmpiau gwres mwy gael effaith negyddol ar ardaloedd sensitif. Mae'r hawliau datblygu a ganiateir sy'n bodoli eisoes yn gosod amrywiol gyfyngiadau ar osod pwmp gwres, gan gynnwys a ydyw o fewn cwrtill y tŷ annedd os yw'r tŷ annedd yn adeilad rhestredig, y byddai'n cael ei osod mewn safle a ddynodwyd yn heneb gofrestredig, neu y byddai'r pwmp gwres o'r aer yn cael ei osod ar wal neu do sy'n wynebu priffordd. Mae ardaloedd dynodedig eraill fel parciau cenedlaethol ar hyn o bryd yn ddarostyngedig i'r un cyfyngiadau ag sy'n berthnasol i leoliadau y tu allan i'r ardaloedd hyn. Dylid nodi bod yr ymgynghoriad hwn yn ceisio caniatáu pypmpiau gwres o'r aer ar wal sy'n wynebu priffordd. Gweler cwestiwn 6 a chwestiwn 8.

3.1.24 Diben parciau cenedlaethol yw gwarchod a gwella harddwch naturiol, bywyd gwyllt a threftadaeth ddiwylliannol y parciau cenedlaethol; a hyrwyddo cyfleoedd i'r cyhoedd ddeall a mwynhau rhinweddau arbennig (y parc). Ni ystyrir y byddai effaith weledol pypmpiau gwres o'r aer ar eiddo o fewn parciau cenedlaethol yn effeithio'n negyddol ar harddwch naturiol, bywyd gwyllt a threftadaeth ddiwylliannol y parc cenedlaethol, yn enwedig os cânt eu hystyried yn erbyn yr opsiynau gwresogi presennol sy'n debygol o gynnwys atebion oddi ar y grid fel tanciau nwy petroliwm hylifol (LPG) neu olew cerosin, sy'n sylweddol fwy ac (ar sail diogelwch) ymhellach o'r annedd nag y byddai pwmp gwres o'r aer o ran yr angen i drosglwyddo gwres i'r annedd. Hefyd, mae llawer o anheddau mewn parciau cenedlaethol o fewn trefi marchnad neu bentrefi â nodweddion mwy trefol, felly byddai datgymhwyso cyffredinol yn anfantais i'r trigolion hynny. Felly, ar y cyfan, ystyrir na fyddai effaith weledol gyfyngedig pypmpiau gwres o'r aer yn drech na buddion technolegau gwres carbon isel o ran eu cyfraniad at ddatgarboneiddio,

tlodi tanwydd a diogelwch ynni. Er gwaethaf hyn, gall awdurdodau cynllunio lleol, gan gynnwys parciau cenedlaethol, wneud cyfarwyddiadau erthygl 4(1) a allai gyfyngu ar hawliau datblygu a ganiateir mewn ardaloedd penodol os oes tystiolaeth glir i gefnogi gwneud hynny.

- 3.1.25 Mae Llywodraeth Cymru o'r farn bod buddion pypiau gwres mwy yn drech na'r effeithiau posibl, ac y bydd y cyfyngiadau arfaethedig yn lliniaru pryderon ymhellach. Ar y sail hon, mae Llywodraeth Cymru o'r farn y dylid bwrw ymlaen â'r cynnig yn y cam cyntaf o weithredu, yn amodol ar gyfyngiadau eraill a nodir yn yr adroddiad hwn.

Cwestiwn 4: A ydych chi'n cytuno y dylai'r cyfyngiad presennol ar un pwmp gwres o'r aer ar neu o fewn cwrtill tŷ annedd gael ei gynyddu i uchafswm o ddau pan fo'r tŷ annedd yn eiddo ar wahân? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	16	5	8
Asiantaeth Llywodraeth / sector cyhoeddus arall	5	0	1
Awdurdod cynllunio lleol	8	1	5
Grŵp neu unigolyn arall (heb ei restru uchod)	48	5	11
Cyrff proffesiynol / grwpiau buddiant	12	2	2
Sector gwirfoddol / grwpiau cymunedol	3	0	1
Cyfanswm	92	13	28
Canran	69	10	21

Y prif themâu

- 3.1.26 Y brif thema mewn ymateb i gwestiwn 4:

- Roedd mwyafrif yr ymatebwyr yn cefnogi cynyddu'r cyfyngiad ar nifer y pypiau gwres o'r aer a ganiateir o un i ddau ar dŷ annedd ar wahan.

Trosolwg

- 3.1.27 Roedd cefnogaeth gref i'r cynnig hwn ar draws pob sector, gyda 69% yn cytuno. Roedd y safbwyntiau a fynegwyd yn yr ymatebion yn aml yn cynnwys y canlynol:

- Helpu i ddiwallu anghenion eiddo mwy.
- Gwellu effeithlonrwydd gwresogi.
- Buddion i gartrefi gwledig.
- Eisiau cael gwared ar y cyfyngiad yn llwyr.
- Ystyried effaith sŵn cronrus.
- Yr angen am gysondeb o ran polisi ledled y DU.
- Pwysigrwydd safonau MCS i atal sŵn fel pryder.

- 3.1.28 Ymatebodd rhai ymatebwyr ‘ydw’ ond maent yn dadlau y dylai cyfyngiadau fod yn seiliedig ar arwynebedd llawr neu ddefnydd ynni yn hytrach nag ar anheddau ar wahân yn unig, ac felly gallent gynnwys anheddau mawr eraill o wahanol fathau fel eiddo lled-wahanedig.

Ymateb Llywodraeth Cymru

- 3.1.29 Mae'r ymatebion i'r ymgynghoriad yn dangos cefnogaeth gref i ganiatáu hyd at ddau bwmp gwres ar annedd ar wahân.
- 3.1.30 O ran pryderon a godwyd ynghylch effaith sŵn gronnus mwy nag un pwmp gwres o'r aer, bydd y terfynau sŵn a'r mesurau lliniaru a nodir yn MCS 020(a) yn berthnasol i ddwy uned, felly ni ddylai dwy uned sydd ar waith gyda'i gilydd fod yn fwy na'r terfyn 40 desibel.
- 3.1.31 Er y cydnabyddir y gallai fod gan fathau eraill o anheddau alw am wresogi sy'n fwy na'r cyfartaledd, mae sawl problem sy'n ei gwneud hi'n anodd o bosibl ehangu'r hawl datblygu a ganiateir y tu hwnt i anheddau ar wahân. Gallai dull maint anheddau fod yn gymhleth o ran yr amrywioldeb yng nghynllun anheddau, yr ansicrwydd ynghylch pa agwedd ar faint yr eiddo a fyddai'n fesuradwy, ac amrywiaeth o ran agosrwydd anheddau. Hefyd, gall y risg uwch o sŵn ac ymyriadau gweledol fod yn fwy heriol i'w fonitro a'i orfodi.
- 3.1.32 Mae Llywodraeth Cymru yn ystyried bod y cynnig yn ddull rhesymol a chymesur o fynd i'r afael ag anghenion gwahanol fathau o eiddo. Rydym o'r farn y dylid bwrw ymlaen ar y sail hon yn y cam cyntaf o weithredu, gan ystyried sut y dylid cymhwyso'r dull mewn ardaloedd sensitif fel y nodir yn ddiweddarach yn yr adroddiad hwn.

Cwestiwn 5: A ydych chi'n credu y dylai hawliau datblygu a ganiateir ganiatáu gosod pypiau gwres o'r aer ar neu o fewn cwrtil bloc o fflatiau annibynnol? Rhewch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	16	0	12
Asiantaeth Llywodraeth / sector cyhoeddus arall	4	1	1
Awdurdod cynllunio lleol	5	7	2
Grŵp neu unigolyn arall (heb ei restru uchod)	39	7	18
Cyrff proffesiynol / grwpiau buddiant	8	3	3
Sector gwirfoddol / grwpiau cymunedol	2	1	1
Cyfanswm	74	19	37
Canran	57	15	28

Y prif themâu

3.1.33 Y brif thema mewn ymateb i gwestiwn 5:

- Roedd mwyafrif yr ymatebwyr yn cefnogi'r egwyddor o ganiatáu gosod pypiau gwres o'r aer ar neu o fewn cwrtil blociau o fflatiau annibynnol.

Trosolwg

3.1.34 Roedd cefnogaeth i'r cynnig hwn ar draws pob sector, gyda 57% yn cytuno. Roedd y safbwyntiau a fynegwyd yn yr ymatebion yn aml yn cynnwys y canlynol:

- Mae'n hyrwyddo effeithlonrwydd ynni a datgarboneiddio'r stoc dai.
- Mae'n sicrhau tegwch o ran ynni i ddeiliaid fflatiau.
- Gallai cymhlethdodau perchnogaeth ei gwneud hi'n anodd.
- Dylid ystyried hygyrchedd cynnal a chadw a diogelwch tân.
- Cydnabod y gallai lle fod yn gyfyngiad.
- Pryderon ynghylch yr effeithiau ar amwynderau gweledol.
- Pwysigrwydd safonau MCS i atal sŵn fel pryder.
- Efallai y byddai ateb cymunedol ar gyfer yr opsiwn gwresogi carbon isel yn well.
- Pryderon ynghylch llygredd sŵn a'r effaith gronnus o fwy nag un pwp gwres o'r aer.

3.1.35 Mae rhai ymatebwyr o'r farn y dylai caniatâd cynllunio llawn barhau ar gyfer fflatiau oherwydd cymhlethdod. Mae awgrymiadau y dylai'r llywodraeth ddatblygu strategaethau cynhwysfawr a chyhoeddi canllawiau i gynorthwyo awdurdodau lleol a safoni gwneud penderfyniadau, gan sicrhau dull cytbwys rhwng hwyluso gosodiadau a rheoli effeithiau.

Ymateb Llywodraeth Cymru

3.1.36 Mae'r ymatebion i'r ymgynghoriad yn dangos cefnogaeth i ganiatáu gosod nifer o bympiau gwres o'r aer ar floc o fflatiau. Fodd bynnag, er bod mwyafrif o gefnogaeth i'r cynnig hwn, a chydabyddiaeth o'r buddion posibl a'r dewis gwell o wresogi y gallai gosodiadau o'r fath eu cynnig, mae hefyd yn amlwg o'r ymatebion bod nifer o bympiau gwres o'r aer yn codi amrywiol faterion a allai gael effeithiau ar drigolion y fflatiau a'r cymunedau a'r amgylchedd cyfagos.

3.1.37 Nid yw Llywodraeth Cymru o'r farn bod cymhlethdodau posibl o ganlyniad i osod nifer o bympiau gwres o'r aer ar floc o fflatiau annibynnol wedi'u datrys yn ddigonol. Mae angen ystyried materion fel lefelau sŵn, gofynion lle, effaith weledol ac agweddau ymarferol eraill ar y gosodiad ymhellach. Am y rheswm hwn, nid yw Llywodraeth Cymru o'r farn y dylid bwrw ymlaen â'r cynnig hwn ar hyn o bryd.

Cywiriad

3.1.38 Nododd un ymatebydd fod y diffiniad o dŷ annedd a nodir yn nosbarth J (Dehongliad) Rhan 40 o'r Gorchymyn Datblygu Cyffredinol a Ganiateir yn diffinio

tŷ annedd fel un sydd 'yn cynnwys adeilad sy'n cynnwys fflatiau yn gyfan gwbl, neu a ddefnyddir at ddibenion tŷ annedd'.

- 3.1.39 Gwneir cywiriad i destun yr ymgynghoriad sy'n ymwneud â'r cynnig hwn. Roedd y ddogfen ymgynghori yn datgan, 'Ar hyn o bryd, nid yw hawliau datblygu a ganiateir yng Nghymru yn caniatáu pypmpiau gwres o'r aer ar neu o fewn cwrtil bloc o fflatiau'. Mae'r datganiad hwn yn anghywir. Mae dosbarth G yn Rhan 40 yn nodi bod gosod, newid neu ailosod pwmp gwres o'r aer ar dŷ annedd, neu o fewn cwrtil tŷ annedd, gan gynnwys ar adeilad o fewn y cwrtil hwnnw (yn amodol ar gyfyngiadau) yn gyfystyr â datblygiad a ganiateir.
- 3.1.40 O dan Ran 40, adran J – Dehongli, mae'n datgan 'mae tŷ annedd yn cynnwys adeilad sy'n cynnwys fflatiau yn gyfan gwbl, neu a ddefnyddir at ddibenion tŷ annedd'. Felly, o dan yr hawliau datblygu a ganiateir sy'n bodoli eisoes, caniateir un pwmp gwres ar bloc o fflatiau ar hyn o bryd, a bydd hyn yn cael ei gadw.

Cwestiwn 6: A ydych chi'n cytuno y dylid caniatáu pypmpiau gwres o'r aer ar wal sy'n wynebu priffordd (lle nad yw'r gosodiad o fewn ardal gadwraeth, ar adeilad rhestredig nac ar heneb gofrestrredig)? Os ydych yn cytuno, a ydych chi'n credu y byddai hyd at ddau bwmp gwres o'r aer ar wal sy'n wynebu priffordd yn dderbyniol? Rhwch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	20	1	7
Asiantaeth Llywodraeth / sector cyhoeddus arall	4	1	2
Awdurdod cynllunio lleol	5	9	1
Grŵp neu unigolyn arall (heb ei restru uchod)	38	16	10
Cyrff proffesiynol / grwpiau buddiant	10	1	3
Sector gwirfoddol / grwpiau cymunedol	1	0	3
Cyfanswm	78	28	26
Canran	59	21	20

Y prif themâu

3.1.41 Y prif themâu mewn ymateb i gwestiwn 6:

- Roedd mwyafrif yr ymatebwyr yn cefnogi'r egwyddor o ganiatáu gosod pypmpiau gwres o'r aer ar wal sy'n wynebu priffordd (lle nad yw'r gosodiad o fewn ardal gadwraeth, ar adeilad rhestredig nac ar heneb gofrestrredig).
- Cefnogaeth gyffredinol y dylid eithrio ardaloedd cadwraeth, adeiladau rhestredig a henebion hynafol cofrestredig o'r newid arfaethedig i hawliau datblygu a ganiateir.

Trosolwg

3.1.42 Roedd cefnogaeth i'r cynnig hwn ar draws pob sector, gyda 59% yn cytuno. Roedd y safbwyntiau a fynegwyd yn yr ymatebion yn aml yn cynnwys y canlynol:

- Mae'n darparu mwy o hyblygrwydd.
- Mae'n darparu mwy o ddewis i ddefnyddwyr.
- Mae'n annog defnyddio systemau gwresogi carbon isel.
- Mae'n helpu Cymru i gyrraedd ei thargedau sero net.
- Mae'n helpu i leddfu tlodi tanwydd.
- Angen dylunio sensitif a sgrinio priodol.
- Pryderon ynghylch cyfyngiadau mewn adeiladau sensitif ac o fewn Safleoedd Treftadaeth y Byd.
- Yr angen am gysondeb o ran polisi ledled y DU.
- Dim gwahaniaeth yn yr effeithiau ar amwynderau rhwng un a dwy uned.
- Anogir dylunio a sgrinio da (e.e. ffensio, plannu) i leihau'r effaith weledol.
- Dylai gosodiadau fod yn destun lefelau sŵn derbyniol.
- Byddai ymddangosiad pypiau gwres o'r aer yn cael ei normaleiddio dros amser.

Safbwyntiau ar osod hyd at ddau bwmp gwres o'r aer ar wal sy'n wynebu priffordd

3.1.43 Roedd barn gymysg ynghylch nifer yr unedau a ganiateir gan y cynnig hwn. Roedd nifer o ymatebwyr yn cefnogi'r cynnig i ganiatáu gosod hyd at ddau bwmp gwres o'r aer ar wal sy'n wynebu priffordd. Mae rhai'n awgrymu cyfyngu i un, oni bai ei fod yn angenrheidiol yn dechnegol. Awgrymodd rhai ymatebwyr y dylai'r datblygiad a ganiateir gynnwys gofyniad i blannu, neu ddulliau sgrinio eraill i leihau'r effaith weledol.

3.1.44 Nododd nifer o ymatebwyr y gallai sŵn traffig ffyrdd guddio sŵn pypiau gwres o'r aer, gan leihau'r effaith ar gymdogion.

Ardaloedd cadwraeth a threftadaeth

3.1.45 Roedd rhai ymatebwyr o'r farn na ddylid caniatáu gosod pypiau gwres o'r aer o flaen anheddau mewn ardaloedd cadwraeth neu ar adeiladau rhestredig neu henebion cofrestredig. Ystyriwyd bod unrhyw effeithiau posibl ar yr asedau treftadaeth hyn yn haeddu ystyriaeth briodol, a dim ond drwy'r broses ymgeisio am ganiatâd cynllunio y gellir gwneud hynny.

3.1.46 Fodd bynnag, roedd ymatebwyr eraill yn cydnabod bod y datblygiad yn hawdd ei wrthdroi ac y dylid ystyried ymestyn hawliau datblygu a ganiateir ar gyfer gosod pypiau gwres o'r aer i adeiladau rhestredig, adeiladau mewn ardaloedd cadwraeth a henebion cofrestredig.

Dau bwmp gwres o'r aer ar wal yn wynebu priffordd

3.1.47 O'r rhai a ymatebodd yn benodol i'r cwestiwn am ddau bwmp gwres o'r aer ar wal yn wynebu priffordd, nododd dros draean gefnogaeth i ddau bwmp gwres o'r aer

ar wal yn wynebu'r briffordd, er bod rhai wedi ychwanegu rhybuddion ynghylch y lleoliad a'r dyluniad. Nid yw'n glir faint o rai eraill a oedd yn cefnogi rhan gyntaf cwestiwn 6 ond nad atebodd yr ail ran, a oedd hefyd yn cefnogi'r ddau bwmp gwres o'r aer.

Ymateb Llywodraeth Cymru

- 3.1.48 Mae'r ymatebion i'r ymgynghoriad yn dangos cefnogaeth i osod pwmp gwres o'r aer ar wal sy'n wynebu priffordd (lle nad yw'r gosodiad o fewn ardal gadwraeth, ar adeilad rhestredig nac ar heneb gofrestredig). Mynegodd yr ymatebwyr gefnogaeth i'r hyblygrwydd gwell y byddai'r cynnig hwn yn ei ganiatáu. Roedd nifer o ymatebwyr o'r farn bod y cynigion yn taro cydbwysedd da rhwng galluogi defnydd a gwarchod amwynder gweledol lle bo angen.
- 3.1.49 O ran y cynnig i ganiatáu hyd at ddau bwmp gwres o'r aer ar wal sy'n wynebu priffordd (heb fod mewn ardal gadwraeth), ystyrir ei fod yn ymateb cymesur i'r angen brys am atebion gwresogi carbon isel ar gyfer eiddo domestig yng Nghymru. Mae caniatáu hyd at ddau bwmp gwres o'r aer ar wal sy'n wynebu'r briffordd, yn amodol ar gydymffurfio â safonau maint, sŵn a dylunio, yn cynrychioli dull cytbwys sy'n cyd-fynd â darpariaethau statudol, blaenoriaethau polisi cenedlaethol, a'r gorchymyn cyffredinol i leihau allyriadau carbon wrth ddiogelu amwynder lleol.
- 3.1.50 Mae Llywodraeth Cymru yn ystyried bod y cynnig yn ddull rhesymol a chymesur o'i gwneud hi'n haws gosod pwmp gwres o'r aer ar wahanol fathau o anheddau. Rydym o'r farn y dylid bwrw ymlaen ar y sail hon yn y cam cyntaf o weithredu, gan roi ystyriaeth bellach i sut y dylid cymhwyso'r dull mewn ardaloedd sensitif.

Cwestiwn 7: A ydych chi'n cytuno y dylid dileu'r cyfyngiad ar beidio â chaniatáu gosod pwmp gwres o'r aer lle mae tyrbin gwynt wedi'i leoli yng nghwrtill annedd? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	20	1	7
Asiantaeth Llywodraeth / sector cyhoeddus arall	5	0	1
Awdurdod cynllunio lleol	13	1	1
Grŵp neu unigolyn arall (heb ei restru uchod)	51	3	10
Cyrff proffesiynol / grwpiau buddiant	10	0	3
Sector gwirfoddol / grwpiau cymunedol	3	0	1
Cyfanswm	102	5	23
Canran	78	4	18

Y prif themâu

3.1.51 Y brif thema mewn ymateb i gwestiwn 7:

- Roedd mwyafrif yr ymatebwyr yn cefnogi'r cynnig i gael gwared ar y cyfyngiad sy'n cyfyngu ar osod pwmp gwres o'r aer lle mae tyrbin gwynt wedi'i leoli yng nghwrttil annedd.

Trosolwg

3.1.52 Roedd cefnogaeth gref i'r cynnig hwn ar draws pob sector, gyda 78% yn cytuno. Roedd y safbwyntiau a fynegwyd yn yr ymatebion yn aml yn cynnwys y canlynol:

- Mae'n rhoi mwy o hyblygrwydd.
- Mae'n gwella annibyniaeth ynni.
- Effaith weledol pwmp gwres o'r aer yn ddibwys.
- Dim rheswm dilys pam na ellir cydleoli pymphiau gwres o'r aer a thyrbinau gwynt ar yr un eiddo.
- Mae'n cefnogi datgarboneiddio a chydnerthedd ynni.
- Mynegi angen i gyfyngu ar sŵn a glynu wrth safonau MCS 020(a).

Ymateb y Llywodraeth

3.1.53 Mae'r ymatebion i'r ymgynghoriad yn dangos cefnogaeth gref i gael gwared ar y cyfyngiad sy'n cyfyngu ar osod pwmp gwres o'r aer lle mae tyrbin gwynt wedi'i leoli yng nghwrttil annedd. Mynegodd yr ymatebwyr gefnogaeth i'r hyblygrwydd gwell y byddai'r cynnig hwn yn ei ganiatáu.

3.1.54 Mae Llywodraeth Cymru o'r farn bod angen rhagor o dystiolaeth i ddeall y sŵn a'r effaith weledol bosibl o osod pwmp gwres o'r aer yn ogystal â thyrbinau gwynt yng nghwrttil annedd. Mae angen ystyried materion fel lefelau sŵn, gofynion lle, effaith weledol ac agweddau ymarferol eraill ar y gosodiad ymhellach. Am y rheswm hwn, nid yw Llywodraeth Cymru o'r farn y dylid bwrw ymlaen â'r cynnig hwn.

Cwestiwn 8: A ydych chi'n cytuno y dylai'r cyfyngiadau a restrir ym mharagraff 2.33 uchod (ac o ran paragraffau 2.31–2.32) gynnwys cyfeiriad at gyfyngu ar osodiadau ar wal (neu do) tŷ annedd neu o fewn cwrttil tŷ annedd (gan gynnwys ar adeilad o fewn y cwrttil hwnnw) sy'n wynebu priffordd mewn ardal gadwraeth? Rhwch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	13	6	9
Asiantaeth Llywodraeth / sector cyhoeddus arall	4	2	1
Awdurdod cynllunio lleol	12	2	1

Grŵp neu unigolyn arall (heb ei restru uchod)	30	12	19
Cyrff proffesiynol / grwpiau buddiant	10	1	4
Sector gwirfoddol / grwpiau cymunedol	3	0	0
Cyfanswm	72	23	34
Canran	56	18	26

Y prif themâu

- Nododd 56% o'r ymatebwyr y byddent yn cefnogi cyfyngu ar osodiad ar wal (neu do) tŷ annedd neu o fewn cwrtil tŷ annedd (gan gynnwys ar adeilad o fewn y cwrtil hwnnw) sy'n wynebu priffordd mewn ardal gadwraeth.
- O'r ymatebwyr hynny nad oeddent yn cytuno â chyflwyno'r cyfyngiadau, roedd rhai'n teimlo bod angen asesu ardaloedd cadwraeth yn unigol ac felly na ellid mabwysiadu dull cyffredinol, tra dywedodd eraill y byddai'r cyflwyniad yn rhy gyfyngol ac y byddai'n llesteirio cyflwyno mentrau sero net.
- Mae mwyafrif yr awdurdodau lleol a ymatebodd i'r ymgynghoriad yn cefnogi'r cynnig.

Trosolwg

3.1.55 Cafwyd ymateb cymysg i'r cynnig hwn ar draws pob sector. Roedd y safbwyntiau a fynegwyd yn yr ymatebion yn aml yn cynnwys y canlynol:

- Angenrheidiol i gynnal cymeriad a gwarchod asedau treftadaeth, yn ogystal ag amwynder gweledol.
- Mae rhai ymatebwyr o'r farn y dylai'r cyfyngiad arfaethedig fod ar waith mewn ardaloedd sensitif eraill (gan gynnwys yr holl dir yn ymwneud ag erthygl 1(5), parciau cenedlaethol a thirweddau cenedlaethol).
- Gallai greu rhwystr diangen i ddatgarboneiddio gwres mewn ardaloedd trefol.
- Mae rhai ymatebwyr yn ystyried bod y cynnig hwn yn rhy gyfyngol.

Ymateb y Llywodraeth

3.1.56 Mae'r ymatebion i'r ymgynghoriad yn dangos cefnogaeth i gynnwys y cyfyngiad sy'n cyfyngu ar osod pwmp gwres o'r aer ar wal (neu do) tŷ annedd neu o fewn cwrtil tŷ annedd (gan gynnwys ar adeilad o fewn y cwrtil hwnnw) sy'n wynebu priffordd mewn ardal gadwraeth.

3.1.57 Diben parciau cenedlaethol yw gwarchod a gwella harddwch naturiol, bywyd gwyllt a threftadaeth ddiwylliannol a hyrwyddo cyfleoedd i'r cyhoedd ddeall a mwynhau'r rhinweddau arbennig a cheisio meithrin lles economaidd a chymdeithasol cymunedau lleol o fewn y parciau cenedlaethol. Mae parciau cenedlaethol hefyd yn cynnwys ardaloedd cadwraeth a fyddai'n dod o dan y cyfyngiad arfaethedig hwn. Felly, ni ystyrir y byddai effaith weledol pwmp gwres o'r aer ar wal neu do tŷ annedd sy'n wynebu priffordd yn ardal sy'n weddill o barc

cenedlaethol (o'i ystyried ochr yn ochr â'r amodau eraill y mae'n rhaid eu bodloni) yn tanseilio diben y parc cenedlaethol¹ ac yn drech na buddion cyfleoedd technoleg carbon isel i drigolion o fewn y parc cenedlaethol. Gall awdurdodau cynllunio lleol, gan gynnwys parciau cenedlaethol, wneud cyfarwyddiadau erthygl 4(1) a allai gyfyngu ar hawliau datblygu a ganiateir mewn ardaloedd penodol os oes tystiolaeth glir i gefnogi gwneud hynny.

- 3.1.58 Mae Llywodraeth Cymru yn ystyried bod y cynnig yn ddull rhesymol a chymesur o warchod lleoliad ardaloedd cadwraeth. Rydym o'r farn y dylid bwrw ymlaen yn y cam cyntaf o weithredu ar y sail hon.

Cwestiwn 9: A ydych chi'n cytuno y dylai'r cyfyngiadau eraill a restrir ym mharagraff 2.33 uchod aros heb eu newid? Rhwch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	11	4	13
Asiantaeth Llywodraeth / sector cyhoeddus arall	4	1	1
Awdurdod cynllunio lleol	12	3	0
Grŵp neu unigolyn arall (heb ei restru uchod)	18	12	31
Cyrff proffesiynol / grwpiau buddiant	7	3	3
Sector gwirfoddol / grwpiau cymunedol	2	0	1
Cyfanswm	54	23	49
Canran	43	18	39

Y prif themâu

- Nododd 43% o'r ymatebwyr y dylai'r cyfyngiadau eraill a restrir ym mharagraff 2.33 o'r ddogfen ymgynghori aros heb eu newid.
- O'r rhai a gytunodd y dylai'r cyfyngiadau aros heb eu newid, roedd rhai o'r farn bod y cyfyngiadau presennol a amlinellir ym mharagraff 2.33 yn rhesymol ac y bydd cynnal y cyfyngiadau yn sicrhau na fydd pypiau gwres o'r aer yn effeithio'n andwyol ar amwynder lleol.

Trosolwg

- 3.1.59 Cafwyd ymateb cymysg i'r cynnig hwn ar draws pob sector. Roedd y safbwyntiau a fynegwyd yn yr ymatebion yn aml yn cynnwys y canlynol:

¹ [Deddf Parciau Cenedlaethol a Mynediad i Gefn Gwlad 1949](#)

- Cytunodd mwyafrif yr ymatebwyr fod y cyfyngiadau a gynhwysir ym mharagraff 2.33 o'r ddogfen ymgynghori yn ddigonol ac yn briodol, felly dylent aros heb eu newid.
- Roedd y rhan fwyaf o awdurdodau cynllunio lleol yn cytuno â'r cwestiwn.
- Roedd rhai ymatebwyr o'r farn y dylai cyfyngiadau gynnwys parciau cenedlaethol a thirweddau cenedlaethol, yn ogystal ag ardaloedd cadwraeth a Safleoedd Treftadaeth y Byd.
- Galwadau am ddileu'r cyfyngiad lle mae pwmp gwres o'r aer wedi'i osod ar do gwastad wedi'i leoli o fewn un metr i ymyl allanol y to hwnnw.
- Nododd nifer fach o ymatebwyr y dylid dileu'r cyfyngiadau yn eu cyfanrwydd gan nad ydynt yn cadw i fyny â newidiadau technolegol. Yn ei hanfod, mae'r cyfyngiadau hyn yn atal y defnydd o bympiau gwres o'r aer.

Ymateb y Llywodraeth

3.1.60 Mae Llywodraeth Cymru o'r farn bod y cynigion yn ddigonol i sicrhau cydbwysedd rhwng gwella'r rhwyddineb a'r cyfle i fabwysiadu pypiau gwres o'r aer ar eiddo domestig, a phwysigrwydd diogelu amwynder preswyl ac amwynder gweledol. Nid ydym yn bwriadu bwrw ymlaen ag unrhyw newidiadau eraill i'r cyfyngiadau a gynhwysir yn 2.33 o'r ddogfen ymgynghori ar hyn o bryd.

Cwestiwn 10: A oes unrhyw faterion cynllunio eraill yn ymwneud â phypiau gwres o'r aer nad ydynt yn cael sylw yn y cwestiynau uchod ac y dymunwch eu codi?

Trosolwg

3.1.61 Roedd y safbwyntiau a fynegwyd yn yr ymatebion yn aml yn cynnwys y canlynol:

- Dylid cynhyrchu canllawiau i sicrhau bod pob parti sydd â diddordeb yn deall yn glir sut y dylid dehongli'r hawliau datblygu a ganiateir diwygiedig. Bydd hyn yn sicrhau bod tryloywder, yn ogystal â chanllawiau cyson yn cael eu cynhyrchu.
- Dylid ystyried dyluniad, lliw, deunyddiau, lleoliad a rhwystrau acwstig, a sut y byddent / dylent weithio.
- Dylai canllawiau fod ar gael hefyd ar gyfer cynlluniau lle mae angen caniatâd cynllunio.
- Dylai fod asesiadau sŵn safonol.
- Barn ynghylch a ydyw codi ffi yn angenrheidiol ar gyfer gosodiadau lle mae angen caniatâd cynllunio.
- Dylid asesu'r gwaith o fonitro'r newidiadau hyn hefyd, er mwyn deall yr effeithiau yn well.

Ymateb y Llywodraeth

3.1.62 Rhoddodd yr ymatebwyr adborth defnyddiol yn yr adran hon. Byddwn yn ystyried a oes angen cynhyrchu canllawiau i gyd-fynd â'r newidiadau arfaethedig i hawliau datblygu a ganiateir.

3.2 Gwefru cerbydau trydan oddi ar y stryd

Cwestiwn 11: A ydych chi'n cytuno y dylid dileu'r cyfyngiad sy'n datgan na all pwyntiau trydan wedi'u gosod ar wal ar gyfer gwefru cerbydau trydan wynebu priffordd a bod o fewn 2 fetr o briffordd? Rhwch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	15	3	10
Asiantaeth Llywodraeth / sector cyhoeddus arall	3	0	1
Awdurdod cynllunio lleol	9	6	0
Grŵp neu unigolyn arall (heb ei restru uchod)	39	6	11
Cyrff proffesiynol / grwpiau buddiant	10	1	1
Sector gwirfoddol / grwpiau cymunedol	4	0	1
Cyfanswm	80	16	24
Canran	67	13	20

Y prif themâu

3.2.1 Y brif thema mewn ymateb i gwestiwn 11:

- Roedd mwyafrif yr ymatebwyr yn cefnogi'r cynnig i gael gwared ar y cyfyngiad na all socedi sydd wedi'u gosod ar y wal wynebu priffordd na bod o fewn 2 fetr i briffordd.

Trosolwg

3.2.2 Roedd cefnogaeth i'r cynnig hwn ar draws pob sector, gyda 67% yn cytuno. Roedd y safbwyntiau a fynegwyd yn yr ymatebion yn aml yn cynnwys y canlynol:

- Byddai'r cynnig yn sicrhau cysondeb â'r Alban a Lloegr.
- Gallai dileu'r cyfyngiad hwn gynyddu'r defnydd o gerbydau trydan ledled Cymru.
- Byddai cael gwared ar y cyfyngiad hwn yn rhoi mwy o hyblygrwydd mewn opsiynau gosod.
- Mae angen ystyried pob ardal o ddiddordeb hanesyddol arbennig, fel ardaloedd cadwraeth ac adeiladau rhestredig.
- Pryderon ynghylch effaith weledol canlyniadau'r cynnig hwn.
- Pryderon ynghylch ceblau yn hongian dros y briffordd gyhoeddus.

Ymateb y Llywodraeth

- 3.2.3 Mae'r ymatebion yn adlewyrchu cefnogaeth eang i'r cynnig hwn, gan bwysleisio mwy o ddewis i ddefnyddwyr, hyblygrwydd ac addasu i newid hinsawdd. Nodir mai dim ond codi tâl am wefru cerbydau o fewn man parcio cyfreithlon oddi ar y stryd y byddai'r cynnig yn ei gefnogi. Gall rhwystro priffordd gyhoeddus gan geblau trydanol neu eitemau cysylltiedig eraill fod yn drosedd o dan Ddeddf Priffyrdd 1980 a gallai fod yn agored i ddirwy neu erlyniad. Mae pryderon wedi'u codi ynghylch yr effaith y bydd hyn yn ei chael ar ardaloedd o gymeriad arbennig (megis ardaloedd cadwraeth ac adeiladau rhestredig).
- 3.2.4 Rydym wedi ymrwmo i fwrw ymlaen â gwelliannau i'r hawliau datblygu a ganiateir ar gyfer gwefru cerbydau trydan. Bydd y newidiadau hyn yn cael eu rhoi ar waith pan fydd yr adnoddau angenrheidiol ar gael yn yr ail gam o weithredu i sicrhau eu bod yn cael eu cyflawni'n effeithiol ac yn unol â blaenoriaethau polisi. Byddwn yn parhau i fonitro datblygiadau a chynnal ymgysylltiad â rhanddeiliaid i gefnogi gweithredu yn y dyfodol.

Cwestiwn 12: A ydych chi'n cytuno y dylai'r uchder a ganiateir ar gyfer piler gwefru cerbyd trydan wedi'i leoli o fewn cwrtil tŷ annedd neu floc o fflatiau aros yn 1.6 metr? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	12	2	14
Asiantaeth Llywodraeth / sector cyhoeddus arall	2	1	1
Awdurdod cynllunio lleol	14	0	1
Grŵp neu unigolyn arall (heb ei restru uchod)	29	9	18
Cyrff proffesiynol / grwpiau buddiant	6	2	5
Sector gwirfoddol / grwpiau cymunedol	2	1	2
Cyfanswm	65	15	41
Canran	54	12	34

Y prif themâu

- 3.2.5 Y brif thema mewn ymateb i gwestiwn 12:

- Roedd cefnogaeth gymedrol i uchder piler gwefru cerbydau trydan sydd wedi'i leoli o fewn cwrtil annedd neu floc o fflatiau aros yn 1.6 metr.

Trosolwg

- 3.2.6 Cafwyd ymateb cymysg i'r cynnig hwn ar draws pob sector. Roedd y safbwyntiau a fynegwyd yn yr ymatebion yn aml yn cynnwys y canlynol:

- Mynegodd rhai ymatebwyr gefnogaeth i gynyddu uchder pileri gwefru cerbydau trydan o fewn cwrtil annedd neu floc o fflatiau o 1.6 metr i hyd at 2.74 metr.
- Byddai'r cynnig yn sicrhau cysondeb â Lloegr.
- Gallai cynyddu'r cyfyngiad uchder gynyddu'r defnydd o gerbydau trydan ledled Cymru.
- Byddai cynyddu uchder y pileri gwefru yn darparu mwy o hyblygrwydd mewn opsiynau gosod.
- Mae angen ystyried pob ardal o ddiddordeb hanesyddol arbennig, fel ardaloedd cadwraeth ac adeiladau rhestredig.
- Codwyd pryderon y gallai cynyddu uchder piler gwefru annedd ddomestig i hyd at 2.7 metr gael effaith annerbyniol ar amwynder gweledol yr ardal.
- Gall unedau talach ymddangos yn ymwithiol, ac yn y nos efallai y bydd ganddynt oleuadau a fydd yn gwaethgu unrhyw effaith weledol.

Ymateb y Llywodraeth

- 3.2.7 Mae'r ymatebion yn adlewyrchu cefnogaeth gymedrol i newid polisi i ganiatáu pileri gwefru hyd at 2.7 metr o uchder, gan bwysleisio mwy o ddewis i ddefnyddwyr, hyblygrwydd ac addasu i newid hinsawdd. Fodd bynnag, codir pryderon ynghylch yr effeithiau gweledol posibl o ganiatáu cynnydd yn uchder pileru gwefru, gan gynnwys yr effaith bosibl y gallai ei chael ar ardaloedd o gymeriad arbennig (megis ardaloedd cadwraeth ac adeiladau rhestredig).
- 3.2.8 Nid ydym yn cynnig gwneud unrhyw newidiadau i uchder pileri gwefru cerbydau trydan o dan hawliau datblygu a ganiateir ar hyn o bryd.

Cwestiwn 13: A ydych chi'n cytuno y dylai'r uchder a ganiateir ar gyfer piler gwefru cerbyd trydan wedi'i leoli mewn man a ddefnyddir yn gyfreithlon ar gyfer parcio oddi ar y stryd, ond nad yw o fewn cwrtil tŷ annedd, neu floc o fflatiau, gael ei gynyddu o 1.6 metr i 2.7 metr? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	15	3	9
Asiantaeth Llywodraeth / sector cyhoeddus arall	2	0	2
Awdurdod cynllunio lleol	9	4	2
Grŵp neu unigolyn arall (heb ei restru uchod)	26	13	17
Cyrff proffesiynol / grwpiau buddiant	9	2	1
Sector gwirfoddol / grwpiau cymunedol	2	0	3
Cyfanswm	63	22	34
Canran	53	18	29

Y prif themâu

3.2.9 Y brif thema mewn ymateb i gwestiwn 13:

- Roedd cefnogaeth gymedrol i gynyddu uchder pileri gwefru cerbydau trydan o 1.6 metr i hyd at 2.7 metr. Atebodd cyfran uchel o ymatebwyr 'ddim yn gwybod' fel eu hateb.

Trosolwg

3.2.10 Cafwyd ymateb cymysg i'r cynnig hwn ar draws pob sector. Roedd y safbwyntiau a fynegwyd yn yr ymatebion yn aml yn cynnwys y canlynol:

- Byddai'r cynnig yn sicrhau cysondeb â Lloegr.
- Gallai dileu'r cyfyngiad hwn gynyddu'r defnydd o gerbydau trydan ledled Cymru.
- Byddai cael gwared ar y cyfyngiad hwn yn rhoi mwy o hyblygrwydd mewn opsiynau gosod.
- Mae angen lle ychwanegol ar gyfer unedau pŵer a chabinetau, systemau oeri ac o bosibl storio batris ar gyfer pileri gwefru mwy.
- Mae angen hyblygrwydd ar leoedd dibreswyl ar gyfer gwefru capasiti uchel.
- Mae angen ystyried pob ardal o ddiddordeb hanesyddol arbennig, fel ardaloedd cadwraeth ac adeiladau rhestredig.
- Pryderon ynghylch effaith weledol canlyniadau'r cynnig hwn.
- Effaith bosibl goleuadau ar bileri gwefru ar yr ardal yn ogystal ag ar ecoleg.

3.2.11 Nodwyd gan sawl ymatebydd bod ar y gwefrwyr cyflym mwy hefyd angen llif uchel o ardal oeri, a allai fod yn swmlyd. Nododd rhai ymatebwyr y gallai pileri gwefru uwch arwain at gynnydd yn yr effaith weledol niweidiol yn yr ardal, yn enwedig yn y nos, pan fydd y pileri hyn wedi'u goleuo'n llachar.

Ymateb y Llywodraeth

3.2.12 Mae'r ymatebion yn adlewyrchu cefnogaeth eang i'r newid polisi hwn, gan bwysleisio mwy o ddewis i ddefnyddwyr, a hyblygrwydd, ond codir pryderon ynghylch yr effaith y bydd hyn yn ei chael ar ardaloedd o gymeriad arbennig (megis ardaloedd cadwraeth ac adeiladau rhestredig), yn ogystal â'r effaith weledol y bydd hyn yn ei chael ar ardaloedd lleol, yn ogystal â'r effaith ecolegol a achosir gan oleuadau.

3.2.13 Rydym wedi ymrwmo i fwrw ymlaen â gwelliannau i'r hawliau datblygu a ganiateir ar gyfer gwefru cerbydau trydan. Bydd y newidiadau hyn yn cael eu rhoi ar waith pan fydd yr adnoddau angenrheidiol ar gael yn yr ail gam o weithredu i sicrhau eu bod yn cael eu cyflawni'n effeithiol ac yn unol â blaenoriaethau polisi. Byddwn yn parhau i fonitro datblygiadau a chynnal ymgysylltiad â rhanddeiliaid i gefnogi gweithredu yn y dyfodol.

Cwestiwn 14: A ydych chi'n credu y dylai fod llain glustogi leiaf rhwng piler gwefru cerbyd trydan 2.7 metr ac eiddo preswyl (gan gynnwys fflatiau)?

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	10	4	14
Asiantaeth Llywodraeth / sector cyhoeddus arall	1	1	2
Awdurdod cynllunio lleol	13	0	2
Grŵp neu unigolyn arall (heb ei restru uchod)	16	19	20
Cyrff proffesiynol / grwpiau buddiant	5	1	5
Sector gwirfoddol / grwpiau cymunedol	3	1	1
Cyfanswm	48	26	44
Canran	41	22	37

Y prif themâu

3.2.14 Y brif thema mewn ymateb i gwestiwn 14:

- Cafwyd ymateb cymysg i'r cynnig i gael llain glustogi gofynnol rhwng piler gwefru cerbydau trydan 2.7 metr ac eiddo preswyl.
- Atebodd nifer uchel o ymatebwyr 'ddim yn gwybod' i'r cwestiwn.

Trosolwg

3.2.15 Cafwyd ymateb cymysg i'r cynnig hwn ar draws pob sector. Roedd y safbwyntiau a fynegwyd yn yr ymatebion yn aml yn cynnwys y canlynol:

- Gwelir bod angen llain glustogi i liniaru sŵn, golau ac effeithiau gweledol ac ar gyfer diogelwch tân.
- Gallai sgrinio mewn ardaloedd sy'n agos at asedau tirwedd a threftadaeth sensitif fod o fudd.
- Roedd rhai ymatebwyr o'r farn y gallai llain glustogi gyfyngu ar nifer y pileri gwefru y gellid eu gosod mewn ardal.
- Ni fyddai ychwanegu llain glustogi yn gyson â Lloegr.

Ymateb y Llywodraeth

3.2.16 Mae'r ymatebion yn adlewyrchu ansicrwydd ynghylch y cynnig hwn ac yn awgrymu y dylid cynnal astudiaethau pellach o'r amrywiol effeithiau posibl i asesu maint llain glustogi priodol.

3.2.17 Ar hyn o bryd, ystyrir bod angen ymchwil ychwanegol a dadansoddiad cynhwysfawr i sicrhau bod unrhyw newidiadau yn y dyfodol yn gadarn, yn seiliedig ar dystiolaeth, ac yn cyd-fynd ag arfer gorau.

Cwestiwn 15: A ydych chi'n cytuno y dylid dileu'r cyfyngiad sy'n atal gosod piler gwefru trydan sy'n wynebu priffordd ac o fewn dau fetr o briffordd? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	15	2	11
Asiantaeth Llywodraeth / sector cyhoeddus arall	2	0	2
Awdurdod cynllunio lleol	9	3	3
Grŵp neu unigolyn arall (heb ei restru uchod)	37	8	12
Cyrff proffesiynol / grwpiau buddiant	10	1	2
Sector gwirfoddol / grwpiau cymunedol	4	0	1
Cyfanswm	77	14	31
Canran	63	11	25

Y prif themâu

3.2.18 Y brif thema mewn ymateb i gwestiwn 15:

- Roedd mwyafrif yr ymatebwyr yn cefnogi'r cynnig i gael gwared ar y cyfyngiad na all piler gwefru trydan wynebu priffordd nac fod o fewn 2 fetr i briffordd.

Trosolwg

3.2.19 Roedd cefnogaeth i'r cynnig hwn ar draws pob sector, gyda 63% yn cytuno. Roedd y safbwyntiau a fynegwyd yn yr ymatebion yn aml yn cynnwys y canlynol:

- Byddai'r cynnig yn sicrhau cysondeb â Lloegr.
- Gallai dileu'r cyfyngiad hwn gynyddu'r defnydd o gerbydau trydan ledled Cymru.
- Byddai cael gwared ar y cyfyngiad hwn yn rhoi mwy o hyblygrwydd mewn opsiynau gosod.
- Mae angen ystyried pob ardal o ddiddordeb hanesyddol arbennig, fel ardaloedd cadwraeth ac adeiladau rhestredig.
- Mae angen rhagor o wybodaeth ar rai ymatebwyr cyn teimlo y gallant wneud sylwadau ar y cynnig hwn.
- Mwy o annibendod ar y strydoedd.

Ymateb y Llywodraeth

3.2.20 Nodir mai dim ond codi tâl am wefru cerbydau o fewn man parcio cyfreithlon oddi ar y stryd y byddai'r cynnig yn ei gefnogi.

3.2.21 Mae'r ymatebion yn adlewyrchu cytundeb cyffredinol â'r cynnig hwn, gan fod ganddo'r potensial i gynyddu diweddariad cerbydau trydan ledled Cymru, yn

enwedig gan y bydd yn dod â deddfwriaeth yn unol â Lloegr. Codir pryderon ychwanegol ynghylch yr effaith y byddai'r symud hwn yn ei chael ar amwynder gweledol, yn ogystal â'r effaith ar asedau treftadaeth.

- 3.2.22 Rydym wedi ymrwymo i fwrw ymlaen â gwelliannau i'r hawliau datblygu a ganiateir ar gyfer gwefru cerbydau trydan. Bydd y newidiadau hyn yn cael eu rhoi ar waith pan fydd yr adnoddau angenrheidiol ar gael yn yr ail gam o weithredu, i sicrhau eu bod yn cael eu cyflawni'n effeithiol ac yn unol â blaenoriaethau polisi. Byddwn yn parhau i fonitro datblygiadau a chynnal ymgysylltiad â rhanddeiliaid i gefnogi gweithredu yn y dyfodol.

Cwestiwn 16: A ydych chi'n cytuno y dylai hawliau datblygu a ganiateir ganiatáu ar gyfer gosod uned gorchuddio cyfarpar neu gypyrddau storio sy'n angenrheidiol i gynnal pileri gwefru annomestig ar gyfer ailwefru cerbydau trydan? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	16	1	11
Asiantaeth Llywodraeth / sector cyhoeddus arall	2	0	2
Awdurdod cynllunio lleol	13	1	1
Grŵp neu unigolyn arall (heb ei restru uchod)	38	4	15
Cyrff proffesiynol / grwpiau buddiant	10	0	1
Sector gwirfoddol / grwpiau cymunedol	3	0	2
Cyfanswm	82	6	32
Canran	68	5	27

Y prif themâu

- 3.2.23 Y brif thema mewn ymateb i gwestiwn 16:

- Roedd mwyafrif yr ymatebwyr yn cefnogi'r cynnig i ganiatáu gosod uned gorchuddio cyfarpar neu gypyrddau storio ar gyfer pileri gwefru annomestig ar gyfer gwefru cerbydau trydan.

Trosolwg

- 3.2.24 Roedd cefnogaeth i'r cynnig hwn ar draws pob sector, gyda 68% yn cytuno. Roedd y safbwyntiau a fynegwyd yn yr ymatebion yn aml yn cynnwys y canlynol:

- Byddai'n cyd-fynd â darpariaethau Lloegr a'r Alban.
- Hwyluso defnydd cyflymach o ddulliau gwefru cerbydau trydan.
- Lleihau oedi a chostau cynllunio.
- Cefnogi ac ehangu rhwydwaith gwefru cerbydau trydan dibynadwy a hygyrch.

- Cefnogi nodau sero net.
- Mae uned gorchuddio cyfarpar yn hanfodol ar gyfer gwefrwyr cerbydau trydan masnachol pwerus a chyfarpar cysylltiedig. Byddai caniatáu'r rhain o dan reoliadau datblygu a ganiateir yn symleiddio'r defnydd ac yn cefnogi'r defnydd o gerbydau trydan.
- Angen ystyried maint, lleoliad, effaith weledol a sŵn unedau gorchuddio cyfarpar i warchod amwynder, yn enwedig mewn ardaloedd sensitif neu breswyl. Pryderon ynghylch effeithiau sŵn sy'n gysylltiedig ag unedau gorchuddio cyfarpar cerbydau trydan mwy.
- Pryderon y gallai maint uned o'r fath gael effaith weledol andwyol, ac y dylid cyflwyno pellteroedd gwahanu addas.
- Gall unedau mwy arwain at golli mannau gwyrdd neu'r cyfleusterau presennol ar gyfer parcio ceir.
- Mae angen ystyried pob ardal o ddiddordeb hanesyddol arbennig, fel ardaloedd cadwraeth ac adeiladau rhestredig.

Ymateb y Llywodraeth

- 3.2.25 Mae mwyafrif yr ymgynghoreion a ymatebodd i'r cwestiwn hwn o blaid caniatáu gosod unedau gorchuddio cyfarpar neu gypyrddau storio ar gyfer seilwaith gwefru cerbydau trydan annomestig. Fodd bynnag, mae Llywodraeth Cymru yn cydnabod y pryder a fynegwyd gan nifer o ymatebwyr, gan gynnwys awdurdodau cynllunio lleol, y gallai unedau o'r raddfa hon gael rhai effeithiau ar amwynderau, a/neu effeithio ar briffyrdd, mannau parcio a faint o dirlunio sydd ar gael mewn safle penodol.
- 3.2.26 Rydym wedi ymrwymo i fwrw ymlaen â gwelliannau i'r hawliau datblygu a ganiateir ar gyfer gwefru cerbydau trydan. Bydd y newidiadau hyn yn cael eu rhoi ar waith pan fydd yr adnoddau angenrheidiol ar gael yn yr ail gam o weithredu, i sicrhau eu bod yn cael eu cyflawni'n effeithiol ac yn unol â blaenoriaethau polisi. Byddwn yn parhau i fonitro datblygiadau a chynnal ymgysylltiad â rhanddeiliaid i gefnogi gweithredu yn y dyfodol.

Cwestiwn 17: A ydych chi'n cytuno â'r cyfyngiadau arfaethedig eraill ar gyfer unedau gorchuddio cyfarpar neu gypyrddau storio, gan gynnwys y cyfyngiad o hyd at 29 metr ciwbic o faint a dim mwy nag un uned fesul maes parcio? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	10	4	13
Asiantaeth Llywodraeth / sector cyhoeddus arall	1	2	2
Awdurdod cynllunio lleol	9	5	1
Grŵp neu unigolyn arall (heb ei restru uchod)	18	13	25
Cyrff proffesiynol / grwpiau buddiant	6	2	2

Sector gwirfoddol / grwpiau cymunedol	3	0	2
Cyfanswm	47	26	45
Canran	40	22	38

Y prif themâu

3.2.27 Y brif thema mewn ymateb i gwestiwn 17:

- Cafwyd ymateb cymysg i'r cynnig i osod terfyn ar faint yr unedau gorchuddio cyfarpar neu gypyrddau storio, a gosod terfyn ar nifer yr unedau i un fesul maes parcio.
- Atebodd nifer fawr o ymatebwyr (38%) 'ddim yn gwybod' i'r cwestiwn.

Trosolwg

3.2.28 Cafwyd ymateb cymysg i'r cynnig hwn ar draws pob sector. Roedd y safbwyntiau a fynegwyd yn yr ymatebion yn aml yn cynnwys y canlynol:

- Byddai'r terfyn maint arfaethedig yn cyd-fynd â darpariaethau Lloegr.
- Ystyrir bod y terfyn maint arfaethedig naill ai'n rhy fawr neu'n rhy gyfyngol neu'n rhy fach.
- Gallai cyfyngu i un uned fesul maes parcio fod yn gyfyngol yn enwedig ar gyfer meysydd parcio mawr neu aml-lawr y gallai fod arnynt angen sawl uned ar gyfer capasiti gwefru digonol.
- Mae technoleg amrywiol yn golygu y gallai fod angen sawl cwpwrdd storio ar rai gosodiadau.
- Pryderon ynghylch effeithiau negyddol posibl ar amwynder lleol, tirwedd, ardaloedd cadwraeth, adeiladau rhestredig, a thirweddau dynodedig.
- Colli seilwaith gwyrdd posibl.
- Galw am ddiffiniad cliriach o beth sy'n cyfrif fel 'maes parcio' at ddibenion hawliau datblygu a ganiateir er mwyn rhoi sicrwydd, yn enwedig mewn safleoedd cymunedol neu gymhleth.

Ymateb y Llywodraeth

3.2.29 Mae 40% o'r rhai a ymatebodd i'r cwestiwn hwn yn cefnogi mewn egwyddor y terfyn maint arfaethedig, un uned fesul maes parcio, a chyfyngiadau arfaethedig eraill ar leoli a dylunio. Fodd bynnag, mae Llywodraeth Cymru yn cydnabod bod rhai ymatebwyr, er eu bod yn gefnogol, hefyd naill ai'n pryderu am yr effeithiau posibl ar amwynderau o ganlyniad i osod unedau o'r fath neu'n credu bod y cyfyngiadau arfaethedig yn rhy gyfyngol.

3.2.30 Mae Llywodraeth Cymru yn cydnabod efallai na fydd y cyfyngiadau arfaethedig ar faint a nifer yr unedau yn diwallu anghenion pob senario gwefru cerbydau trydan. Fodd bynnag, mae'r system gynllunio wedi'i chynllunio i gydbwysu anghenion a blaenoriaethau cystadleuol er budd y cyhoedd. Mae'r cynnig hwn yn ceisio cefnogi'r ddarpariaeth o seilwaith gwefru cerbydau trydan mewn mannau parcio oddi ar y stryd, gan ystyried yr effeithiau posibl ar amwynderau lleol hefyd. Mae

Llywodraeth Cymru o'r farn bod y cynnig yn taro'r cydbwysedd cywir yn fras, ac mae'r ymatebion i'r ymgynghoriad yn cefnogi'r dull hwn yn gyffredinol.

- 3.2.31 Bydd Llywodraeth Cymru yn ystyried yr angen i ymgorffori cyfyngiadau neu amodau ychwanegol i helpu i fynd i'r afael â phryderon a godwyd gan rai ymatebwyr, gan gynnwys nifer o awdurdodau lleol, er mwyn helpu i leihau effeithiau posibl.
- 3.2.32 Rydym wedi ymrwymo i fwrw ymlaen â gwelliannau i'r hawliau datblygu a ganiateir ar gyfer gwefru cerbydau trydan. Bydd y newidiadau hyn yn cael eu rhoi ar waith pan fydd yr adnoddau angenrheidiol ar gael yn yr ail gam o weithredu, i sicrhau eu bod yn cael eu cyflawni'n effeithiol ac yn unol â blaenoriaethau polisi. Byddwn yn parhau i fonitro datblygiadau a chynnal ymgysylltiad â rhanddeiliaid i gefnogi gweithredu yn y dyfodol.

Cwestiwn 18:A oes unrhyw faterion cynllunio eraill yn ymwneud â gwefrwyr cerbydau trydan wedi'u lleoli mewn man a ddefnyddir yn gyfreithlon ar gyfer parcio oddi ar y stryd nad ydynt yn cael sylw yn y cwestiynau uchod ac y dymunwch eu codi?

Trosolwg

- 3.2.33 Tynnodd yr ymatebion i'r ymgynghoriad sylw at nifer o faterion pellach ynghylch gwefrwyr cerbydau trydan, ac mae rhai ohonynt yn gysylltiedig â'r cynigion rheoliadau datblygu a ganiateir a rhai ohonynt y tu hwnt i gwmpas yr ymgynghoriad.
- 3.2.34 Roedd y safbwyntiau a fynegwyd yn yr ymatebion yn aml yn cynnwys y canlynol:
- Galwad i alluogi gwefru cerbydau trydan integredig ar y stryd i drigolion heb fynedfeydd.
 - Dylai gwefrwyr cerbydau trydan fod yn hygyrch i unigolion ag anableddau, gan sicrhau bod pwyntiau gwefru o fewn cyrraedd, yn ddi-rwystr, ac wedi'u lleoli i gynnal diogelwch llwybrau, gydag unedau gorchuddio cyfarpar neu gypyrddau storio wedi'u gosod i osgoi rhwystr.
 - Mynegwyd cefnogaeth i hyrwyddo technoleg gwefru deuffordd, yn enwedig mewn ardaloedd gwledig sy'n dueddol o gael toriadau pŵer.
 - Mae angen diffiniad clir o 'man a ddefnyddir yn gyfreithlon ar gyfer parcio oddi ar y stryd'.
 - Dylid rhoi canllawiau clir i awdurdodau cynllunio lleol ar yr opsiynau ar gyfer codi tâl ar y stryd gan ddefnyddio cyflenwadau cartref.
 - Ni ddylai gosodiadau gwefrydd cerbydau trydan ar y meysydd parcio presennol fod angen data traffig na chynhyrchu teithiau mewn ceisiadau cynllunio, gan nad ydynt yn newid defnydd y safle na gweithgaredd cerbydau yn sylweddol.
 - Dylid ystyried y risg o lifogydd mewn perthynas â datblygu gwefru cerbydau trydan.

- Cefnogaeth i gysoni darpariaethau gosod gwefrwyd cerbydau trydan ar draws llywodraethau datganoledig a'r DU i leihau cymhlethdod a symleiddio prosesau i gontractwyr a defnyddwyr fel ei gilydd.

Ymateb y Llywodraeth

- 3.2.35 Nid yw'r cynigion presennol i ddiwygio rheoliadau datblygu a ganiateir ar gyfer gwefrwyd cerbydau trydan sydd wedi'u lleoli mewn man a ddefnyddir yn gyfreithlon ar gyfer parcio oddi ar y stryd yn cynnwys o fewn ei gwmpas parcio ar y stryd na materion sy'n ymwneud â chroesi seilwaith palmentydd. Nid yw'r rheoliadau datblygu a ganiateir ychwaith yn cwmpasu trefniadau hygrychedd, na chanopiâu.
- 3.2.36 Er nad oes diffiniad statudol o fan a ddefnyddir yn gyfreithlon ar gyfer parcio oddi ar y stryd, caiff hyn ei ddehongli fel tir a ddefnyddir ar gyfer parcio oddi ar y stryd sydd â chaniatâd cynllunio ar gyfer defnydd o'r fath neu lle mae'n ddefnydd cyfreithlon sefydledig.
- 3.2.37 Rhoddodd yr ymatebwyr adborth defnyddiol yn yr adran hon. Byddwn yn ystyried a oes angen cynhyrchu canllawiau i gyd-fynd ag unrhyw newidiadau arfaethedig yn y dyfodol i hawliau datblygu a ganiateir.
- 3.2.38 Rydym wedi ymrwmo i fwrw ymlaen â gwelliannau i'r hawliau datblygu a ganiateir ar gyfer gwefru cerbydau trydan. Bydd y newidiadau hyn yn cael eu rhoi ar waith pan fydd yr adnoddau angenrheidiol ar gael yn yr ail gam o weithredu, i sicrhau eu bod yn cael eu cyflawni'n effeithiol ac yn unol â blaenoriaethau polisi. Byddwn yn parhau i fonitro datblygiadau a chynnal ymgysylltiad â rhanddeiliaid i gefnogi gweithredu yn y dyfodol.

3.3 Newid defnydd tir dros dro ar gyfer gwersylla

Cwestiwn 19: A ydych chi'n cytuno â'r dosbarth newydd arfaethedig o fewn Rhan 4 Atodlen 2 Gorchymyn 1995 fel y'i hamlinellir uchod, sy'n caniatáu safleoedd gwersylla hamdden dros dro am hyd at 60 niwrnod mewn blwyddyn galendr? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	13	1	11
Asiantaeth Llywodraeth / sector cyhoeddus arall	1	1	2
Awdurdod cynllunio lleol	8	6	1
Grŵp neu unigolyn arall (heb ei restru uchod)	36	15	14
Cyrff proffesiynol / grwpiau buddiant	6	2	2
Sector gwirfoddol / grwpiau cymunedol	3	2	0
Cyfanswm	67	27	30
Canran	54	22	24

Trosolwg

- 3.3.1 Cefnogodd mwyafrif yr ymatebwyr y cynnig i ymestyn hyd hawliau datblygu a ganiateir ar gyfer defnydd tir dros dro fel y cynigiwyd yn y ddogfen ymgynghori.
- 3.3.2 Roedd y safbwyntiau a fynegwyd yn yr ymatebion yn aml yn cynnwys y canlynol:
- Byddai'r cynnig yn cefnogi arallgyfeirio gwledig, a hyfywedd defnydd lletygarwch gwledig.
 - Roedd rhai ymatebwyr o'r farn nad oedd y ddarpariaeth 28 diwrnod bresennol yn ddigon o hyd i gynigion o'r fath ddod yn hyfyw yn economaidd.
 - Pryderon y byddai'r cynigion yn gwrthdaro â chyfarwyddiadau erthygl 4(1) a allai ddod i rym mewn gwahanol ardaloedd.
 - Byddai llacio rheoliadau datblygu a ganiateir yn galluogi busnesau i ffynnu ac i brofi rhai syniadau busnes yn y lle cyntaf.
 - Mae rhai ymatebwyr yn awgrymu bod angen cyngor pellach gan Cyfoeth Naturiol Cymru a Dŵr Cymru mewn perthynas ag Asesiad Rheoliadau Cynefinoedd er mwyn galluogi rhoi'r broses gymeradwyo ymlaen llaw ar waith.
 - Cynigiodd sawl ymatebydd y dylid cyflwyno terfyn ar nifer y lleiniau gwersylla, fel sy'n wir yn Lloegr, lle mae hawliau datblygu a ganiateir yn ymestyn i 50 llain neu lai yn unig.
- 3.3.3 Nodwyd, o'r ymatebion 'nac ydw', bod 13 naill ai'n gwrthwynebu egwyddor meysydd gwersylla dros dro yn gyffredinol neu'n gwrthwynebu darparu meysydd gwersylla mewn parciau cenedlaethol.
- 3.3.4 Ymddengys bod rhai ymatebwyr wedi camddechongli'r ymgynghoriad fel cynnig y dylid cyfyngu cyfarwyddyd erthygl 4(1) i atal y defnydd o wersylla yng nghyd destun problemau priffyrdd yn unig. Mae'r ymatebion yn mynegi barn nad yw'r cynnig yn ystyried dyletswyddau statudol parciau cenedlaethol a Rheoliadau Cadwraeth Cynefinoedd a Rhywogaethau 2017.

Ymateb y Llywodraeth

- 3.3.5 Cefnogodd mwyafrif yr ymatebwyr y cynnig i ymestyn hyd hawliau datblygu a ganiateir ar gyfer defnydd tir dros dro fel y cynigiwyd yn y ddogfen ymgynghori, ac rydym o'r farn y dylid gweithredu'r cynnig fel y cynigiwyd yn y cam cyntaf o weithredu.
- 3.3.6 Nodwn y pryderon a godwyd gan nifer o ymatebwyr ynghylch defnyddio tir dros dro ar gyfer gwersylla mewn parciau cenedlaethol. Nodwn y dibenion statudol ar gyfer parciau cenedlaethol. Gall hyrwyddo mwynhad y cyhoedd o'r rhinweddau arbennig sy'n arwain at ddynodi parc cenedlaethol fel y cyfryw gynnwys gwersylla, fel profiad uniongyrchol o dawelwch y profiad gwledig, a hefyd fel galluogwr ar gyfer mynediad at nodweddion eraill.

- 3.3.7 Mae gwersylla yn opsiwn llety sy'n galluogi agosrwydd a phrofiad o nodweddion arbennig parciau cenedlaethol a thirweddau eraill, ac y mae hefyd yn darparu cyfleoedd llety sydd yn sylweddol is o ran cost na dewisiadau llety mwy traddodiadol. Byddai lleihau neu dynnu'r gallu i wersylla mewn ardaloedd helaeth o Gymru, lle mae'n bodoli ar hyn o bryd, yn effeithio'n anghymesur ar deuluoedd ac unigolion ag incwm is. Byddai hefyd yn effeithio ar y cyfleoedd arallgyfeirio gwledig sydd ar gael i berchnogion a gweithredwyr ffermydd yn yr ardaloedd hynny.
- 3.3.8 Rydym hefyd yn nodi'r sylwadau a gyfeiriodd at Egwyddor Sandford, sy'n awgrymu, lle mae gwrthdaro rhwng y ddau ddiben statudol, y dylid rhoi blaenoriaeth i gadwraeth harddwch naturiol. Nid ydym yn cytuno bod bodolaeth hawliau datblygu a ganiateir ar gyfer gwersylla dros dro yn effeithio'n gynhenid ar allu awdurdodau parciau cenedlaethol i gyflawni eu dyletswyddau a mynd ar drywydd y ddau ddiben statudol. Lle mae awdurdodau parciau yn gweld angen penodol i wneud hynny gallant gyflwyno cyfarwyddyd o dan erthygl 4(1) o Orchymyn 1995, gan ei dynnu'n ôl, a'i gwneud yn ofynnol i gais cynllunio gael ei gyflwyno. Byddai'n ofynnol i'r awdurdod parc perthnasol ddarparu tystiolaeth i gyfiawnhau cyfarwyddyd o'r fath, a'i gwmpas.
- 3.3.9 Ymddengys bod rhai ymatebwyr, gan gynnwys awdurdodau parciau cenedlaethol, yn camddeall y cyfeiriad at ddefnyddio cyfarwyddiadau o dan erthygl 4(1). Nid oedd y ddogfen ymgynghori yn cynnig cyfyngu na chyfyngu ar ddefnyddio cyfarwyddyd o'r fath mewn perthynas â gweithgaredd gwersylla, ac ni fyddwn yn ceisio gwneud hynny wrth ddrafftio Rheoliad wedi'i ddiwygio.
- 3.3.10 Cododd sawl awdurdod cynllunio lleol bryderon ynghylch adnoddau ar gyfer gorfodi, a mesur yn gywir dyddiau gweithredu. Mae gorfodi rheolaeth gynllunio yn fater arferol i awdurdodau cynllunio lleol, ac mae'r gofyniad hwn eisoes yn bodoli o dan y gyfundrefn hawliau datblygu a ganiateir bresennol. Mae Llywodraeth Cymru yn y broses o gynyddu incwm ffioedd cynllunio yn sylweddol er mwyn rhoi adnoddau y mae eu hangen yn fawr i adrannau cynllunio lleol. Mater i awdurdod cynllunio lleol yw dyrannu'r adnodd hwn i swyddogaethau cynllunio, gan gynnwys gorfodi, fel y maent yn ei ystyried yn briodol.
- 3.3.11 Tynnodd nifer o ymatebwyr sylw at wrthdaro canfyddedig rhwng yr estyniad arfaethedig o ddefnydd dros dro a chyfundrefnau rheoleiddio eraill. Nid yw'r cynigion yn ceisio gwneud mwy nag ymestyn nifer y dyddiau i'r rhai sydd eisoes wedi'u caniatáu; nid ydynt yn ceisio diwygio'r ddyletswydd i gydymffurfio â gofynion deddfwriaethol o unrhyw gyfundrefn reoleiddio arall, ac ni ellid defnyddio cyfraith gynllunio i wneud hynny chwaith. Dylid parhau i fynd i'r afael â'r materion hyn yn y dyfodol gan eu bod o dan y fframwaith rheoleiddio ehangach.
- 3.3.12 Mae rheoliad 75 o Reoliadau Cadwraeth Cynefinoedd a Rhywogaethau 2017 yn nodi, lle rhoddir caniatâd cynllunio gan orchymyn datblygu (megis Gorchymyn 1995), na ddylid cychwyn datblygiad sy'n debygol o gael effaith sylweddol ar safle Ewropeaidd neu safle morol alltraeth Ewropeaidd (naill ai ar ei ben ei hun neu ar y cyd â chynlluniau neu brosiectau eraill), ac nad yw'n gysylltiedig yn uniongyrchol â rheoli'r safle nac yn angenrheidiol ar gyfer rheoli'r safle, nes bod y datblygwr wedi

cael hysbysiad ysgrifenedig o gymeradwyaeth yr awdurdod cynllunio lleol o dan reoliad 77. Mae'r ddyletswydd hon yn parhau heb ei newid.

Cwestiwn 20a: A ydych chi'n cytuno â'r cyfyngiad arfaethedig ar ddefnyddio tir dros dro ar gyfer gwersylla o fewn 100 metr o gwrtil 'adeilad a warchodir'? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	6	5	14
Asiantaeth Llywodraeth / sector cyhoeddus arall	2	0	1
Awdurdod cynllunio lleol	7	6	2
Grŵp neu unigolyn arall (heb ei restru uchod)	22	22	21
Cyrff proffesiynol / grwpiau buddiant	2	5	3
Sector gwirfoddol / grwpiau cymunedol	4	0	1
Cyfanswm	43	38	42
Canran	35	31	34

Trosolwg

3.3.13 Roedd yr ymatebion i'r cwestiwn hwn yn gytbwys o ran cefnogaeth a gwrthwynebiad i'r cynnig. Roedd y safbwyntiau a fynegwyd yn yr ymatebion yn cynnwys y canlynol:

- Ystyrir bod ffin 100 metr mewn perthynas ag 'adeilad a warchodir' yn rhy feichus ac yn afresymol. Mynegwyd pryderon y byddai cyflwyno'r ffin 100 metr yn arwain at dynnu caniatâd i weithredu busnes.
- Mae rhai ymatebwyr yn ystyried nad oes cyfiawnhad dros y ffin 100 metr, gyda thystiolaeth i gefnogi'r gostyngiad yn effaith sŵn dros y pellter hwn.
- Ystyrir bod y ffin 100 metr yn annigonol ar gyfer gwarchod amwynder trigolion lleol.
- Ystyriwyd bod llain glustogi 100 metr yn rhwymedigaeth rhy feichus ac awgrymwyd bod angen i bellter y llain glustogi fod yn llai.
- Roedd nifer o ymatebwyr o'r farn y dylai'r llain glustogi 100 metr fod yn fwy.
- Awgrymiadau y dylid ehangu'r diffiniad o annedd a warchodir.

Ymateb y Llywodraeth

3.3.14 Ar ôl ystyried yr ymatebion i'r ymgynghoriad ynghylch y radiws arfaethedig o 100 metr o amgylch adeilad a warchodir, rydym wedi ymgynghori ymhellach â gweithwyr proffesiynol cynllunio ac lechyd y Cyhoedd ar y mater. Nid yw'n bosibl gosod pellter cyson ar sail genedlaethol ar gyfer gwasgariad sŵn sy'n deillio o faes gwersylla sy'n cael ei ddefnyddio, gan fod hyn yn amodol ar amgylchiadau lleol iawn, gan gynnwys lefelau trefol a gwledig o ran sŵn amgylchynol.

- 3.3.15 Yn absenoldeb unrhyw ddewis arall a awgrymir, byddwn yn ceisio cyflwyno'r diffiniad o 'adeilad a warchodir' o fewn gwelliannau Gorchymyn 1995 yn y cam cyntaf o weithredu, gan dynnu hawliau datblygu a ganiateir o fewn 100 metr i adeilad o'r fath. Lle mae meysydd gwersylla dros dro eisoes yn gweithredu o fewn yr ardal hon, bydd gofyn iddynt geisio caniatâd cynllunio i barhau â'r defnydd hwn ar ôl i welliant Gorchymyn 1995 ddod i rym. Gan fod caniatâd cynllunio wedi'i dynnu'n ôl gan Orchymyn, ni fyddai ffi am gyflwyno cais o'r fath. Pan fydd awdurdod cynllunio lleol yn gwrthod caniatâd ar gyfer cais o'r fath, efallai y bydd gan yr ymgeisydd hawl i iawndal gan yr awdurdod cynllunio lleol. Byddai gan yr ymgeisydd hefyd hawl i apelio yn erbyn y gwrthodiad i Weinidogion Cymru.
- 3.3.16 Awgrymodd nifer o ymatebwyr ffactorau ychwanegol y gellid eu hystyried fel rhan o'r broses hysbysu ymlaen llaw. Byddwn yn rhoi ystyriaeth pellach i'r rhain wrth ddrafftio'r Gorchymyn.

Cwestiwn 20b: A ydych chi'n cytuno â'r rhestr o fathau o dir sydd wedi'u heithrio o'r dosbarth newydd?

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	4	2	18
Asiantaeth Llywodraeth / sector cyhoeddus arall	1	2	1
Awdurdod cynllunio lleol	7	7	1
Grŵp neu unigolyn arall (heb ei restru uchod)	18	16	28
Cyrff proffesiynol / grwpiau buddiant	5	2	3
Sector gwirfoddol / grwpiau cymunedol	4	1	0
Cyfanswm	39	30	51
Canran	33	25	43

Trosolwg

- 3.3.17 Mae ein dadansoddiad o'r ymatebion i'r cwestiwn hwn yn cynnwys awgrymiadau ar gyfer cynnwys dynodiadau tir ychwanegol a godwyd mewn ymatebion i gwestiynau eraill.
- 3.3.18 Cynigiodd nifer o randdeiliaid, gan gynnwys awdurdod cynllunio lleol, y Sefydliad Cynllunio Trefol Brenhinol yng Nghymru, Cadw, Tirweddau Cymru a grwpiau cymunedol sy'n gysylltiedig â pharciau cenedlaethol, ehangu'r diffiniad o ardaloedd gwarchodedig i gynnwys tir sy'n destun amrywiol ddynodiadau statudol, gan gynnwys y canlynol:
- Y parciau cenedlaethol cyfan
 - Ardaloedd o harddwch naturiol eithriadol
 - Safleoedd o ddiddordeb gwyddonol arbennig
 - Tir o fewn ardaloedd cadwraeth arbennig

- Safleoedd Ramsar
- Ardaloedd gwarchodaeth arbennig
- Safleoedd Treftadaeth y Byd
- Parciau a gerddi cofrestredig
- Tir o fewn 100 metr i heneb gofrestrredig neu adeilad rhestredig
- Coetir hynafol

3.3.19 Cyfeiriodd awdurdodau'r parciau cenedlaethol a Tirweddau Cymru hefyd at ddibenion statudol y parciau cenedlaethol. Yng nghyd-destun yr holl ddynodiadau uchod, nododd yr ymatebwyr fod dwysáu defnydd tir dros dro o 28 i 60 diwrnod yn cynyddu'r tebygolrwydd y bydd effaith yn codi yn yr ardaloedd dynodedig hyn.

3.3.20 Roedd barn wahanol ynghylch cynnwys adeiladau rhestredig, eu cwrtil a'u lleoliad o fewn y dynodiad hwn. Cododd rhai ymatebwyr sy'n rheoli adeiladau rhestredig bryderon y byddai'r incwm a gynhyrchir o safleoedd gwersylla dros dro ac a ddefnyddir i gynnal a chadw'r adeilad rhestredig yn cael ei golli. Roedd ymatebwyr eraill yn awyddus bod diwygiadau i Orchymyn 1995 yn ceisio gwarchod cwrtil a lleoliad adeiladau rhestredig.

3.3.21 Gofynnodd y Swyddfa Rheoleiddio Niwclear hefyd am ymestyn y dynodiad i ardaloedd a ddiffinnir o dan Reoliadau Ymbelydredd (Parodrwydd Argyfwng a Gwybodaeth Gyhoeddus) 2019 fel parth cynllunio brys manwl.

Ymateb y Llywodraeth

3.3.22 Fel y nodwyd yn ein hymateb i gwestiwn 19, nid ydym yn cefnogi tynnu'n ôl y caniatâd cynllunio cyfredol i ddefnyddio tir dros dro ar gyfer gwersylla ar draws holl barciau cenedlaethol ac ardaloedd o harddwch naturiol eithriadol yng Nghymru. Rydym wedi mynd i'r afael ag Egwyddor Sandford a'r defnydd posibl o gyfarwyddiadau erthygl 4(1) yn ein hymateb i gwestiwn 19. Fodd bynnag, nodir bod y posibilrwydd o effaith andwyol ar y dirwedd yn deillio o ddwysáu defnydd dros dro. Rydym yn cytuno y dylai cais cynllunio fod yn ofynnol a bod y lefel o graffu y mae ei hangen i asesu a fyddai'r dwysáu defnydd hwn mewn tirwedd warchodedig yn dderbyniol.

3.3.23 Heblaw am effaith ar y dirwedd, roedd y rhanddeiliaid yn cytuno â'r rhestr eithrio a gynigiwyd ac wedi nodi dynodiadau statudol y gallai gwersylla arnynt am unrhyw gyfnod beri effeithiau cynllunio lle byddai angen craffu arnynt trwy gyflwyno cais cynllunio. Roedd hyn yn cynnwys diogelwch y gwersyllwyr, y posibiliad o niwed ecolegol neu effaith sylweddol ar asedau etifeddiaeth. Gan y gallai rhai o'r effeithiau hyn fod yn barhaol neu achosi niwed anghildroadwy, rydym o'r farn y dylid eu heithrio o'r darpariaethau newydd. Nid yw pob dynodiad a awgrymwyd wedi cael ei gynnwys, gan ein bod wedi ceisio ymateb cymesur i'r effeithiau a nodwyd. Ar gyfer yr ardaloedd dynodedig hynny o dir a gafodd eu heithrio o'r rheoliadau datblygu a ganiateir a gynigiwyd, byddai cyflwyno cais cynllunio yn caniatáu cynnwys amod, lle rhoddir cymeradwyaeth, er mwyn sicrhau y ceir lliniaru priodol.

3.3.24 Yn ystod y cam cyntaf o weithredu, rydym yn cynnig cyflwyno dosbarth newydd o hawliau datblygu a ganiateir yn cynnwys dwy amserlen:

- 28 diwrnod – lle mae'r tir o fewn parc cenedlaethol, ardal o harddwch naturiol eithriadol neu Safle Treftadaeth y Byd; a
- 60 diwrnod ym mhob man arall, ac eithrio'r mathau o dir a nodir isod.

Ar gyfer y ddau gyfnod uchod, ni fyddai caniatâd i ddatblygu yn achos y canlynol:

- a) mewn ardal cadwraeth arbennig;
- b) mewn safle o ddiddordeb gwyddonol arbennig;
- c) ar safle heneb gofrestredig; neu
- d) mewn ardal â pherygl i ddiogelwch;
- e) mewn ardal storio ffrwydron milwrol;
- f) ar safle o ddiddordeb gwyddonol arbennig;
- g) mewn ardal gwarchodaeth arbennig;
- h) ar safle Ramsar;
- i) ar safle adeilad rhestredig;
- j) o fewn parth llifogydd 2 neu 3.

Cwestiwn 21: A oes unrhyw faterion cynllunio eraill yn ymwneud â safleoedd gwersylla dros dro nad ydynt yn cael sylw yn y cwestiynau uchod ac y dymunwch eu codi?

Trosolwg

3.3.25 Nododd nifer o ymatebwyr ddynodiadau tir ychwanegol a allai fod o fewn y diffiniad o dir gwarchodedig lle na ddylid rhoi hawliau datblygu a ganiateir ar gyfer gwersylla.

3.3.26 Ailadroddodd nifer o ymatebwyr eu gwrthwynebiad mewn egwyddor i roi hawliau datblygu a ganiateir ar gyfer meysydd gwersylla mewn parciau cenedlaethol, ac ymdrinnir â hyn yn fanwl yn ein hymateb i gwestiwn 19. Roedd eraill a oedd yn berchen ar feysydd gwersylla, neu'n eu gweithredu, yn cefnogi'r egwyddor o gydraddoldeb â Lloegr am gyfnod o 60 diwrnod o ddefnydd a ganiateir ym mhob blwyddyn galendr.

3.3.27 Awgrymodd nifer o ymatebwyr y dylai'r gwelliant gyflwyno cap ar faint y lleiniau fel y terfyn o 50 lleiniau a gyflwynwyd o dan y newid deddfwriaethol yn Lloegr. Awgrymodd eraill y dylai'r newid atal defnyddio safleoedd cyfagos ar gyfer gwersylla mewn ymgais i osgoi'r terfyn 60 diwrnod. Roedd rhai ymatebwyr o'r farn y dylai'r hysbysiad ymlaen llaw gynnwys hysbysiad ffurfiol o ddyddiadau gwersylla. Awgrymodd un ymatebydd na ddylai'r rheolau hyn fod yn berthnasol i ffrindiau na theulu perchennog y tir.

3.3.28 Nododd nifer o ymatebwyr y byddai angen caniatâd cynllunio ar gyfer gosod strwythurau i gynnal meysydd gwersylla dros dro. Nododd eraill fod y broses

dystysgrif eithrio gwersylla a charafanau yn ychwanegu ffactor ychwanegol o gymhlethdod oherwydd yr eithriadau a roddir o dan y cyfundrefnau hynny.

Ymateb y Llywodraeth

- 3.3.29 Mae'r materion sy'n ymwneud â chynnwys y parciau cenedlaethol cyfan o fewn y diffiniad o dir gwarchodedig yn cael eu trafod yn ein hymateb i gwestiwn 19. Nid ydym yn ystyried y byddai cyflwyno cap ar nifer y lleiniau, ynghyd â chyflwyno parth gwaharddedig newydd o fewn 100 metr i annedd a warchodir, a'r diffiniad ehangach arfaethedig o dir wedi'i eithrio, yn ymateb cymesur i'r problemau a achosir gan ddwysáu defnydd gwersylla.
- 3.3.30 Rydym yn cynnig cyflwyno proses gymeradwyo ymlaen llaw newydd ar gyfer meysydd gwersylla fel rhan o'r cam cyntaf o'r gweithredu. Byddai hwn yn broses ddau gam, gan alluogi awdurdodau cynllunio lleol i sgrinio allan unrhyw safleoedd yn gynnar lle nad yw gwaredu dŵr gwastraff a mynediad i'r safle yn debygol o fod yn broblem. Byddai ail gam yn caniatáu i awdurdod cynllunio lleol ystyried y ddau fater hwn mewn mwy o fanylder, gan ymgynghori â'r ymgynghoreion statudol lle bo angen.
- 3.3.31 Nid ydym yn bwriadu cyflwyno ffi am ystyried y cais hwn am gymeradwyaeth ymlaen llaw, ar hyn o bryd. Fodd bynnag, byddwn yn cadw llygad ar nifer y ceisiadau o'r fath ar y cyd ag awdurdodau cynllunio lleol, ac os bydd y llwyth gwaith y mae ei angen i'w prosesu yn cyfiawnhau hynny, byddwn yn ystyried cyflwyno'r ffi briodol maes o law.

3.4 Peiriannau rhoi arian am ailgylchu

Cwestiwn 22: A ydych chi'n cytuno â'r dimensiynau diwygiedig ar gyfer datblygu a ganiateir ar gyfer tai allan peiriannau rhoi arian am ailgylchu, hyd at uchafswm o 40 metr sgwâr, a hyd at uchafswm o 3.5 metr o uchder? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	6	2	15
Asiantaeth Llywodraeth / sector cyhoeddus arall	2	0	1
Awdurdod cynllunio lleol	8	2	3
Grŵp neu unigolyn arall (heb ei restru uchod)	20	5	25
Cyrff proffesiynol / grwpiau buddiant	3	0	4
Sector gwirfoddol / grwpiau cymunedol	0	0	3
Cyfanswm	39	30	51
Canran	33	25	43

Trosolwg

3.4.1 Roedd nifer o ymatebwyr yn ansicr ynghylch y dimensiynau maint arfaethedig ar gyfer peiriannau rhoi arian am ailgylchu o ystyried y diffyg sicrwydd ynghylch a fyddent yn cael eu gosod. Roedd y safbwyntiau a fynegwyd yn yr ymatebion yn cynnwys y canlynol:

- Pryder ynghylch yr effaith weledol ac amwynderau.
- Pryder nad yw'r cynigion yn diffinio math na maint o eiddo masnachol lle byddai peiriannau rhoi arian am ailgylchu o'r fath yn cael eu hadeiladu.
- Pwysleisiodd rhai ymatebwyr yr angen am gysondeb ar draws gweinyddiaethau.
- Yr angen i archwilio agosrwydd peiriannau rhoi arian am ailgylchu i gwrtil annedd, a sut y gallai hyn effeithio ar y nifer sy'n cael eu defnyddio mewn lleoliadau trefol.

Ymateb y Llywodraeth

3.4.2 Mae Llywodraeth Cymru yn parhau'n ymrwymedig i gyflwyno cynllun dychwelyd ernes a darparu rheoliadau datblygu a ganiateir i gynorthwyo hyn fel rhan o'r ail gam o weithredu.

3.4.3 Bydd manylion pa fanwerthwyr y bydd yn ofynnol iddynt weithredu cynllun dychwelyd ernes, ac a fydd y swyddogaeth honno'n cynnwys peiriannau hunanwasanaeth neu wasanaeth dychwelyd ernes dros y cownter, yn cael eu datrys gan y corff llywodraethu sy'n gyfrifol am ddatblygu a gweithredu'r cynllun dychwelyd ernes. Mae cynigion ar gyfer y cynllun dychwelyd cynwysyddion diodydd yn destun [ymgyngoriad pellach gan Lywodraeth Cymru](#) ar hyn o bryd.

3.4.4 Mae Llywodraeth Cymru wedi penderfynu cynnwys ailgylchu gwydr o fewn y cynllun dychwelyd ernes, sy'n codi materion penodol sy'n gwarantu dull ar wahân o ymdrin â hawliau datblygu a ganiateir, o'i gymharu â gweinyddiaethau eraill y DU. Yn ogystal, mae'r cynigion a nodir yn y papur ymgynghori yn cynnwys dimensiynau ar gyfer adeiladau allanol yn seiliedig ar fesuriad y cynhyrchion marchnad presennol a'u haddasrwydd i'w defnyddio yng Nghymru.

3.4.5 Rydym o'r farn bod y dimensiynau arfaethedig yn gyfaddawd addas rhwng galluogi gosod peiriannau rhoi arian am ailgylchu mewn lleoliadau addas gan ddefnyddio technoleg brofedig heb greu effaith oherwydd màs na graddfa. Mae'r mesuriadau hyn yn cynnwys darparu unrhyw gynfasau neu addurniadau ar gyfer gosodiadau o'r fath. Os bydd gweithredwyr yn dymuno gosod peiriannau rhoi arian am ailgylchu mwy na'r rhai a ganiateir o dan y newidiadau hyn er mwyn sicrhau parhad ag arferion mewn mannau eraill, gallant geisio gwneud hynny drwy wneud cais am ganiatâd cynllunio.

3.4.6 Fel gyda phob cynnig arall yn yr ymgynghoriad hwn, bydd amgylchiadau lleol lle nad yw cyflwyno rheoliadau datblygu a ganiateir o'r fath yn addas, a gall yr awdurdod cynllunio lleol perthnasol ystyried cyflwyno cyfarwyddyd erthygl 4(1).

Cwestiwn 23: A ydych chi'n cytuno na ddylai cynllun dychwelyd ernes fod yn ddarostyngedig i unrhyw eithriadau penodol yn ymwneud â chydsyniad hysbysebu ac y dylai fod yn ddarostyngedig i'r un cyfyngiadau ag sy'n bodoli ar gyfer datblygiadau eraill tebyg, fel peiriannau codi arian? Rhewch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	6	1	16
Asiantaeth Llywodraeth / sector cyhoeddus arall	2	0	1
Awdurdod cynllunio lleol	12	1	1
Grŵp neu unigolyn arall (heb ei restru uchod)	22	2	24
Cyrff proffesiynol / grwpiau buddiant	3	0	3
Sector gwirfoddol / grwpiau cymunedol	1	0	2
Cyfanswm	46	4	47
Canran	47	4	48

Trosolwg

- 3.4.7 Cafodd y cynnig i beidio â chynnig unrhyw eithriad penodol i Reoliadau Cynllunio Gwlad a Thref (Rheoli Hysbysebion) 1992 ar gyfer cynllun dychwelyd ernes gefnogaeth eang gan yr ymatebwyr.

Ymateb y Llywodraeth

- 3.4.8 Ystyrir bod Rheoliadau 1992 yn mynd i'r afael yn ddigonol â'r pryderon a godwyd, gan gynnwys y gofyniad i bob arwydd goleuedig fod yn destun caniatâd penodol. Ni fyddwn yn cyflwyno unrhyw welliannau penodol i Reoliadau 1992 sy'n ymwneud â pheiriannau rhoi arian am ailgylchu.

Cwestiwn 24: A ydych chi'n cytuno bod y pellter 15 metr oddi wrth gwrtil adeilad a ddefnyddir at ddibenion preswyl yn bellter digonol i liniaru effaith sŵn ailgylchu gwyr? Os nad ydych yn cytuno, a oes gennych unrhyw wybodaeth a fyddai'n helpu i gyfiawnhau pellter gwahanol? Rhewch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	5	3	15
Asiantaeth Llywodraeth / sector cyhoeddus arall	2	1	0
Awdurdod cynllunio lleol	2	6	6

Grŵp neu unigolyn arall (heb ei restru uchod)	15	9	25
Cyrff proffesiynol / grwpiau buddiant	0	2	5
Sector gwirfoddol / grwpiau cymunedol	0	2	1
Cyfanswm	24	23	52
Canran	24	23	53

Trosolwg

- 3.4.9 Cododd llawer o ymatebwyr bryderon y byddai'r gofyniad i ailgylchu gwydr yn achosi effaith ychwanegol ar amwynderau oherwydd yr acwsteg uwch o ailgylchu gwydr, hyd yn oed lle byddai mecanweithiau 'gollwng gan bwyll' i leihau torri'r gwydr. Mynegodd nifer bryderon nad oedd y pellter arfaethedig o 15 metr o gwrtil annedd yn addas ar gyfer sicrhau bod amwynder yn cael ei warchod.
- 3.4.10 Nododd nifer o ymatebwyr hefyd y byddai effaith sŵn yn deillio o ailgylchu gwydr yn newid oherwydd proffil sŵn cefndir y lleoliad, a fyddai'n wahanol yn ystod tywyllwch nos.

Ymateb y Llywodraeth

- 3.4.11 Mae cynigion Llywodraeth Cymru i gyflwyno peiriannau rhoi arian am ailgylchu yn cynnwys darpariaeth sy'n gwahardd datblygiad o fewn 15 metr o gwrtil annedd, fel y'i cyflwynwyd yn yr Alban ac a gynigiwyd yn Lloegr. Mae Llywodraeth Cymru yn cynnig bwrw ymlaen â gofyniad ailgylchu gwydr yr ymgynghorwyd arno yn ymarfer 2021, sy'n gynllun unigryw nas cyflwynwyd yn Lloegr na'r Alban, ac felly nid yw wedi'i adlewyrchu yn y newidiadau i'r rheoliadau datblygu a ganiateir sydd eisoes wedi'u cyflwyno yn yr Alban.
- 3.4.12 Er bod rhywfaint o gefnogaeth i ailgylchu deunydd nad yw'n wydr, mae'r effaith andwyol bosibl ar sŵn a seinwedd sy'n deillio o ailgylchu gwydr mewn peiriannau rhoi arian am ailgylchu, boed hynny drwy falu neu ddulliau 'gollwng gan bwyll', wedi arwain at ymatebion meddylgar gan ymgynghoreion y mae angen eu hystyried ymhellach.
- 3.4.13 Byddwn yn ymgysylltu ymhellach â rhanddeiliaid arbenigol i nodi a ellid cyflwyno cyfres addas o reoliadau datblygu a ganiateir mewn ail gam o'r gweithredu, yn benodol ar gyfer peiriannau rhoi arian am ailgylchu sy'n cynnig ailgylchu gwydr. Gallai hyn gynnwys gofyniad lliniaru sŵn, mwy o bellter o ran cyfleusterau, ac oriau gweithredu cyfyngedig.

Cwestiwn 25: A ydych chi'n credu bod y cyfyngiadau eraill ar y dosbarth datblygu a ganiateir newydd o dan Ran 42 Atodlen 2 Gorchymyn 1995 yn dderbyniol? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
------------------	------------	----------------	-----------------------

Busnes / ymgynghorydd	5	1	15
Asiantaeth Llywodraeth / sector cyhoeddus arall	2	1	0
Awdurdod cynllunio lleol	11	1	2
Grŵp neu unigolyn arall (heb ei restru uchod)	14	2	33
Cyrff proffesiynol / grwpiau buddiant	3	0	2
Sector gwirfoddol / grwpiau cymunedol	0	0	3
Cyfanswm	35	5	55
Canran	37	5	58

Trosolwg

3.4.14 Roedd nifer o ymatebwyr yn ansicr ynghylch y cyfyngiadau i'r dosbarth datblygu a ganiateir newydd o dan Ran 42 o atodlen 2 Gorchymyn 1995. Roedd y safbwyntiau a fynegwyd yn yr ymatebion yn cynnwys y canlynol:

- Dim digon o fanylion yn y cynnig ymgynghori ynghylch agosrwydd at y briffordd i wybod a fyddai'n ofynnol iddynt wneud cais am ganiatâd cynllunio ar gyfer llawer o safleoedd.
- Pryderon ynghylch effaith andwyol bosibl ar gerddwyr, yn enwedig y rhai sydd â nam ar eu golwg.
- Dylid cynnwys Safleoedd Treftadaeth y Byd, a chwrtil adeilad rhestredig o fewn y cyfyngiad.
- Wrth ystyried lleoliad peiriannau rhoi arian am ailgylchu ni ddylid cynnwys tir sy'n agored i berygl llifogydd, coed neu beri bod mannau parcio yn cael eu colli.

Ymateb y Llywodraeth

3.4.15 Mae Safleoedd Treftadaeth y Byd a chwrtil adeiladau rhestredig eisoes wedi'u cynnwys fel y pwynt bwled olaf o dan baragraff 6.6 o'r ddogfen ymgynghori, sy'n nodi'r diwygiad arfaethedig i Ran 42 o atodlen 2 Gorchymyn 1995. Rydym yn ystyried bod manylion y newidiadau arfaethedig yn ddigonol i ystyried a oes angen caniatâd cynllunio ar gyfer tu blaen adeiladau ar hyd y briffordd, wrth asesu manylion safleoedd penodol.

3.4.16 Rhaid i weithredwyr safleoedd gydymffurfio â'r amodau ar gyfer unrhyw ganiatâd cynllunio sydd eisoes wedi'i roi, megis y ddarpariaeth leiaf o leoedd parcio i gwsmeriaid. Lle bodlonir y rhain byddai trosi lleoedd parcio ychwanegol yn safle ar gyfer gweithfa cynllun dychwelyd ernes yn fater gweithredol.

3.4.17 Nodwn y sylw ynghylch y risg o lifogydd. Mae Nodyn Cyngor Technegol (TAN) 15: Datblygu, llifogydd ac erydu arfordirol yn nodi nad yw'n debygol y bydd cyfleusterau gwaredu gwastraff a gynigir mewn ardaloedd heb seilwaith amddiffyn rhag llifogydd sy'n bodoli eisoes sy'n destun llifogydd yn rheolaidd, neu o bosibl, yn dderbyniol. Wrth symud y rheoliad datblygu a ganiateir hwn yn ei flaen mewn ail gam, byddwn yn cynnwys tir o fewn parthau llifogydd 2 a 3 o fewn y cyfyngiad, sy'n golygu na chaniateir datblygu yn yr ardaloedd hyn heb wneud cais am

ganiatâd cynllunio. Byddai datblygu cynlluniau dychwelyd ernes yn y manau hyn yn destun asesiad canlyniadau llifogydd, a fyddai'n nodi effeithiau posibl llygredd ar ddŵr wyneb a dŵr daear.

Cwestiwn 26: A oes unrhyw faterion cynllunio eraill yn ymwneud â pheiriannau rhoi arian am ailgylchu nad ydynt yn cael sylw yn y cwestiynau uchod ac y dymunwch eu codi?

Trosolwg

- 3.4.18 Nododd ymatebwyr y dylai gosod peiriannau rhoi arian am ailgylchu ystyried yr angen am ddigon o le parcio i alluogi eu defnydd ac i atal colli manau parcio oherwydd bod y peiriannau hyn wedi'u gosod. Nododd rhai ymatebwyr y gallai gosod peiriannau rhoi arian am ailgylchu effeithio'n andwyol ar gydymffurfedd ag amodau sy'n gysylltiedig â rhoi caniatâd cynllunio.

Ymateb y Llywodraeth

- 3.4.19 Rydym wedi mynd i'r afael â'r angen i gydymffurfio â'r amodau presennol o dan ein hymateb i gwestiwn 25. Byddwn yn rhoi ystyriaeth bellach i'r angen i osod amodau ar oriau gweithredu sy'n cyfateb i oriau gweithredu'r busnes perthnasol, wrth ystyried mesurau i warchod y seinwedd rhag ailgylchu gwydr, fel yr amlinellwyd o dan ein hymateb i gwestiwn 24.

3.5 Datblygiad gan ymgwymerwyr statudol – Trydan

Cwestiwn 27: A ydych chi'n cytuno y dylai'r diffiniad o ymgwymerwyr statudol gael ei ddiwygio i alluogi darparu gwasanaethau mesurydd deallus? Rhewch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	9	0	12
Asiantaeth Llywodraeth / sector cyhoeddus arall	2	0	1
Awdurdod cynllunio lleol	12	1	1
Grŵp neu unigolyn arall (heb ei restru uchod)	23	7	17
Cyrff proffesiynol / grwpiau buddiant	5	0	1
Sector gwirfoddol / grwpiau cymunedol	3	0	0
Cyfanswm	54	8	32
Canran	57	9	34

Trosolwg

- 3.5.1 Roedd nifer fach o ymatebwyr yn gwrthwynebu'r egwyddor gyffredinol o ddefnyddio mesuryddion clyfar, fodd bynnag, nid yw'r sylwadau hyn yn berthnasol i'r cwestiwn.
- 3.5.2 Nododd yr ymatebwyr a oedd yn cytuno â'r cynnig y buddion o gynnwys gwasanaethau mesuryddion clyfar o fewn y diffiniad hwn, a oedd yn cynnwys mwy o ddefnydd o fesuryddion clyfar, a fyddai yn ei dro yn llywio penderfyniadau gan gwsmeriaid ynghylch defnydd trydan a chystadleuaeth rhwng cyflenwyr, yn ogystal â moderneiddio seilwaith ynni domestig.

Ymateb y Llywodraeth

- 3.5.3 Mae consensws cyffredinol yn cefnogi'r newid hwn, ac rydym o'r farn y dylid cyflwyno o fewn yr ail gam o weithredu.

Cwestiwn 28: A ydych chi'n cytuno â chynyddu maint datblygu a ganiateir ar gyfer gosodiad trydan o 29 metr ciwbig i 45 metr ciwbig, yn ddarostyngedig i'r cyfyngiadau diwygiedig arfaethedig nad yw unrhyw osodiad amnewid yn fwy na 3 metr o uchder ac nad yw'n fwy na 29 metr ciwbig os ydyw o fewn 5 metr o annedd? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	5	1	14
Asiantaeth Llywodraeth / sector cyhoeddus arall	2	0	1
Awdurdod cynllunio lleol	10	1	1
Grŵp neu unigolyn arall (heb ei restru uchod)	20	7	23
Cyrff proffesiynol / grwpiau buddiant	2	0	3
Sector gwirfoddol / grwpiau cymunedol	1	0	2
Cyfanswm	40	9	44
Canran	43	10	47

Trosolwg

- 3.5.4 Cafwyd ymateb cymysg i'r cynnig i gynyddu maint datblygu a ganiateir ar gyfer gosodiad trydan o dan ddatblygiad a ganiateir i 45 metr ciwbig yn amodol ar y cyfyngiadau diwygiedig i uchder ac agosrwydd at annedd. Atebodd 47% o'r ymatebwyr 'ddim yn gwybod'. Roedd y safbwyntiau a fynegwyd yn yr ymatebion yn cynnwys y canlynol:

- Pryderon ynghylch amwynder gweledol preswyl.
- Yr angen i ystyried lliniaru ar gyfer rhywogaethau a warchodir.

- Byddai is-orsafoedd modern 11 cilofolt yn arwain at osodiad o ddim ond 1.8 metr o uchder, lled a hyd, ac ni fyddai'r cyfyngiad i 29 metr ciwbig o fewn 5 metr i annedd yn gyfiawn.
- Awgrymu ymestyn y warchodaeth i adeiladau rhestredig a henebion hynafol.
- Angen ystyried effaith rheoliadau datblygu a ganiateir mwy ar angorfeydd neu gyfanrwydd strwythurol dyfrffyrdd.
- Angen moderneiddio'r seilwaith i ddiwallu'r galw.
- Cydnabod ymrwymadau polisi Llywodraeth Cymru i ynni adnewyddadwy a di-garbon, a fydd yn arwain at alw cynyddol am drydan gan ddefnyddwyr.

Ymateb y Llywodraeth

- 3.5.5 Dylid nodi bod yr hawliau datblygu a ganiateir hyn eisoes yn bodoli, er i ddimensiynau llai. Byddai'r estyniad i 45 metr ciwbig yn galluogi cynnydd maint cymedrol, er enghraifft, o weithfa 3 metr x 3.2 metr x 3 metr, i weithfa 3 metr x 5 metr x 3 metr.
- 3.5.6 Nodwn y pryderon a fynegwyd gan rai ymatebwyr ynghylch yr angen i ystyried gwarchod nodweddion tirweddau dynodedig wrth gyflwyno hawliau datblygu a ganiateir estynedig ar gyfer gosod is-orsafoedd trydan.
- 3.5.7 Rydym o'r farn bod y cynnydd bach hwn yn nifer yr hawliau datblygu a ganiateir yn taro'r cydbwysedd cywir o ran hwyluso moderneiddio'r rhwydwaith trydan a chynyddu'r capasiti i ddiwallu'r galw, gan sicrhau hefyd bod datblygiad sy'n debygol o achosi effaith ar amwynderau yn parhau i fod yn destun y broses ymgeisio ffurfiol. Rydym o'r farn y dylid bwrw ymlaen â'r cynnig hwn fel rhan o'r ail gam o weithredu.

Cwestiwn 29: A ydych chi'n cytuno y dylai ymgymrwyr trydan allu amnewid llinell gyfathrebu drydan bresennol mewn parc cenedlaethol, ardal o harddwch naturiol eithriadol neu safle o ddiddordeb gwyddonol arbennig heb fod angen ceisio caniatâd cynllunio, ar yr amod bod uchder, dyluniad neu safle'r llinell gyfathrebu newydd yn adlewyrchu uchder, dyluniad neu safle'r llinell gyfathrebu bresennol? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	8	1	13
Asiantaeth Llywodraeth / sector cyhoeddus arall	2	0	1
Awdurdod cynllunio lleol	10	2	2
Grŵp neu unigolyn arall (heb ei restru uchod)	24	12	15
Cyrff proffesiynol / grwpiau buddiant	4	1	1
Sector gwirfoddol / grwpiau cymunedol	2	2	0
Cyfanswm	50	18	32

Canran	50	18	32
---------------	-----------	-----------	-----------

Trosolwg

3.5.8 Roedd cefnogaeth gymedrol i'r cynnig i ganiatáu i ymgymerydd trydan allu amnewid llinell gyfathrebu trydan bresennol mewn parc cenedlaethol, ardal o harddwch naturiol eithriadol neu safle o ddiddordeb gwyddonol arbennig heb fod angen ceisio caniatâd cynllunio yn amodol ar amodau. Roedd y safbwyntiau a fynegwyd yn yr ymatebion yn cynnwys y canlynol:

- Risg y gallai arferion gwaith arwain at aflonyddwch i dderbynyddion sensitif.
- Mynegwyd barn gref ar egwyddor gosod ceblau trydan o dan y ddaear, yn hytrach na'u hamnewid gan rai cyfatebol.
- Gallai arwain at golli cyfle i geisio gwelliannau fel rhan o unrhyw beth newydd.

3.5.9 Nododd nifer o ymatebwyr, lle mae amnewid yn arwain at un sy'n union yr un fath neu'n debyg iawn, y gallai hyn fod yn dderbyniol o ran cynllunio. Nododd nifer o ymatebwyr hefyd y gellid dehongli 'adlewyrchu', o bosibl, yn eang ac y gellid ymhelaethu ar y diffiniad.

Ymateb y Llywodraeth

3.5.10 Mae dosbarth G2a o Ran 17 o atodlen 2 Gorchymyn 1995 yn nodi:

'Caniateir datblygiad G.2 gan ddosbarth G yn amodol ar yr amodau canlynol—

(a) yn achos unrhyw ddatblygiad dosbarth G(a) sy'n cynnwys neu'n disodli llinell drydan bresennol, cydymffurfio ag unrhyw amodau sydd wedi'u cynnwys mewn caniatâd cynllunio sy'n ymwneud ag uchder, dyluniad neu safle'r llinell drydan bresennol y gellir eu cymhwyso i'r llinell newydd'

3.5.11 Rydym yn ystyried bod hwn yn ddiffiniad digon manwl gywir i lywio'r asesiad o amnewid cyfatebol fel y'i disgrifir yn yr ymgynghoriad. Mae amnewid llinell am un cyfatebol yn amodol ar gydymffurfio â'r amodau sydd ynghlwm wrth roi caniatâd i adeiladu'r llinell drydan yn y lle cyntaf, a ddylai fynd i'r afael ag unrhyw gyfyngiadau angenrheidiol i ddulliau adeiladu neu osod. Yn ogystal, ni fyddai'r newid hwn i hawliau datblygu a ganiateir yn disodli'r dyletswyddau a roddir ar ymgymerydd trydan i gydymffurfio â chyfundrefnau deddfwriaethol eraill. Mae angen cymeradwyaeth ymlaen llaw ar gyfer datblygiad lle rhoddir caniatâd o dan orchymyn datblygu, fel yr amlinellir yn rheoliad 75 o Reoliadau Cadwraeth Cynefinoedd a Rhywogaethau 2017.

3.5.12 Nodwn y safbwyntiau ynghylch cyfleoedd i osod llinellau o dan y ddaear pe byddai caniatâd cynllunio yn cael ei geisio i ailosod llinellau trydan. Y safbwynt yr ydym yn ei ffafrio o ran polisi cynllunio ynglŷn â llinellau pŵer newydd yw, lle bo modd, y dylid eu gosod o dan y ddaear. Fodd bynnag, cydnabyddir bod yn rhaid cymryd safbwynt cytbwys rhwng unrhyw effeithiau amgylcheddol negyddol a chostau a allai wneud prosiectau derbyniol fel arall yn anhyfyw. Lle nad yw gosod llinellau o

dan y ddaear yn bosibl neu'n berthnasol, dylid ymgysylltu'n rhagweithiol â chwmnïau ynni a'r cyhoedd i liniaru effaith weledol unrhyw linellau trosglwyddo newydd posibl.

- 3.5.13 Mae Llywodraeth Cymru wedi sefydlu'r Grŵp Cyngori Annibynnol Grid Trydan y Dyfodol i Gymru i ddatblygu gwell dealltwriaeth o'r dulliau posibl o ddarparu seilwaith trosglwyddo trydan, gan gynnwys ystyried peilonau a gosod ceblau trydan o dan y ddaear. Bydd y gwaith hwn yn ceisio'r atebion mwyaf priodol i Gymru. Bydd canlyniadau'r grŵp cyngori yn llywio safbwynt Llywodraeth Cymru yn y dyfodol.

Cwestiwn 30: A ydych chi'n credu bod y terfyn 1,000 metr ar amnewid llinell gyfathrebu electronig bresennol yn rhesymol ac yn gymesur o hyd, o ystyried y cyfyngiadau eraill ar uchder, dyluniad, a safle'r llinell gyfathrebu newydd? Rhwch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	4	2	15
Asiantaeth Llywodraeth / sector cyhoeddus arall	2	0	1
Awdurdod cynllunio lleol	7	3	3
Grŵp neu unigolyn arall (heb ei restru uchod)	20	5	25
Cyrff proffesiynol / grwpiau buddiant	4	0	2
Sector gwirfoddol / grwpiau cymunedol	2	1	1
Cyfanswm	39	11	47
Canran	40	11	48

Trosolwg

- 3.5.14 Cafwyd ymateb cymysg i gwestiwn 30. Atebodd 48% o'r ymatebwyr 'ddim yn gwybod'. Roedd y safbwyntiau a fynegwyd yn yr ymatebion yn cynnwys y canlynol:

- Ystyrir bod y cynnig yn agrededig ac yn gymesur.
- Gellid cynyddu'r terfyn 1,000 metr.
- Gallai'r terfyn atal cyflwyno neu ddisodli technoleg newydd.
- Mae llinellau ffibr optig fwyaf effeithiol mewn hyd sengl, a gallai'r terfyn o 1 cilometr ar gyfer hyd newydd leihau eu heffeithlonrwydd.
- Byddai'n well eu gosod o dan y ddaear.

Ymateb y Llywodraeth

- 3.5.15 Rydym yn nodi'r pwyntiau ynghylch effeithlonrwydd ffibr optig ac er nad ydym ar hyn o bryd yn cynnig cynyddu'r terfyn 1,000 metr, byddwn yn cadw hyn dan arolwg mewn ymgynghoriad â rhanddeiliaid arbenigol perthnasol.

Cwestiwn 31: A ydych chi'n cytuno â'r diffiniad ehangach arfaethedig o waith ymchwilio a ganiateir o dan ddosbarth G(c) Rhan 17 Atodlen 2 Gorchymyn 1995? Rhewch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	3	0	18
Asiantaeth Llywodraeth / sector cyhoeddus arall	2	0	1
Awdurdod cynllunio lleol	11	2	1
Grŵp neu unigolyn arall (heb ei restru uchod)	12	3	33
Cyrff proffesiynol / grwpiau buddiant	2	2	2
Sector gwirfoddol / grwpiau cymunedol	2	0	1
Cyfanswm	32	7	56
Canran	34	7	59

Trosolwg

3.5.16 Atebodd y rhan fwyaf o'r ymatebwyr 'ddim yn gwybod' i gwestiwn 31. Roedd y safbwyntiau a fynegwyd yn yr ymatebion yn cynnwys y canlynol:

- Pwysleisiwyd bod y gofyniad i adfer tir i'w gyflwr blaenorol ar ôl cwblhau gwaith ymchwilio yn bwysig.
- Angen amserlen benodol ar gyfer cwblhau'r gwaith.
- Dylid ehangu rheoliadau datblygu a ganiateir i leihau ansicrwydd.
- Awgrym y dylid cynnwys gosod mastiau meteorolegol dros dro ar gyfer prosiectau ynni adnewyddadwy ar y tir o dan ddosbarth G hefyd.
- Angen osgoi chwilio am fawn a'r rhyddhau carbon cysylltiedig.
- Angen sicrhau mai'r technegau a ddefnyddir i gynnal ymchwiliadau yw'r rhai mwyaf modern a lleiaf ymwithiol.

3.5.17 Roedd y rhai a wnaeth sylwadau o blaid y cynnig o'r farn bod y diwygiadau yn ehangu'r diffiniad yn rhesymol, gan alluogi ffurfiau newydd o waith ymchwiliol a'r gallu i fodloni'r gofynion cynyddol i gynnal gwaith o'r fath cyn gosod seilwaith trydanol.

Ymateb y Llywodraeth

3.5.18 Nodwn y gefnogaeth i gyflwyno'r diffiniad wedi'i foderneiddio hwn o waith ymchwiliol, ac rydym o'r farn y dylid bwrw ymlaen â'r cynigion fel yr ymgynghorwyd arnynt fel rhan o'r ail gam o weithredu. Byddwn yn rhoi ystyriaeth bellach i'r potensial ar gyfer diffiniad ehangach o hawliau datblygu a ganiateir sy'n ymwneud â datblygu ynni adnewyddadwy mewn adolygiad yn y dyfodol.

Cwestiwn 32: A ydych chi'n cytuno â chyflwyno hawl datblygu a ganiateir newydd ar gyfer ymgymerydd trydan o dan ddosbarth G(c) Rhan 17 Atodlen 2 Gorchymyn 1995, i'w galluogi i adeiladu dull amgáu yn unol â'u dyletswyddau o dan erthygl 11 Rheoliadau Diogelwch, Ansawdd a Pharhad Trydan 2002? Rhwng eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	5	1	14
Asiantaeth Llywodraeth / sector cyhoeddus arall	2	0	1
Awdurdod cynllunio lleol	11	1	1
Grŵp neu unigolyn arall (heb ei restru uchod)	18	3	26
Cyrff proffesiynol / grwpiau buddiant	3	0	2
Sector gwirfoddol / grwpiau cymunedol	2	1	0
Cyfanswm	41	6	44
Canran	45	7	48

Trosolwg

- 3.5.19 Roedd cefnogaeth eang i'r cynnig hwn gyda 45% yn cytuno. Rhoddodd y Grid Cenedlaethol, fel y prif fuddiolwr i welliant o'r fath, ymateb gwybodus a darluniadol a oedd yn tynnu sylw at y ffaith y gallai'r gwelliant arfaethedig greu canlyniadau anfwriadol. Cynghorodd y Grid Cenedlaethol:

'Mae dosbarth G(f) [o Orchymyn 1995] eisoes yn gwneud darpariaeth ar gyfer 'unrhyw ddatblygiad arall a gyflawnir yn, ar, dros neu o dan dir gweithredol yr ymgymerydd'. Gellir defnyddio'r ddarpariaeth hon eisoes ar gyfer codi ffensys diogelwch a dulliau eraill o gau tir. Gallai creu hawl datblygu a ganiateir newydd yn benodol ar gyfer ffensio gael y canlyniad anfwriadol o dorri ffensio allan o ddosbarth G(f), a gosod cyfyngiad o 2.5 metr. O ystyried y diffyg dadlau ynghylch defnydd y Grid Cenedlaethol o ddosbarth G(f) ar gyfer ffensio / cau ar dir gweithredol sy'n fwy na 2.5 metr, nid yw'r cyfyngiad arfaethedig (anfwriadol) i 2.5 metr yn ymddangos yn gyfiawn.

- 3.5.20 Bydd cyflwyno darpariaeth newydd sy'n ymwneud yn benodol â dulliau cau tir ac yn cyfyngu'r uchder i 2.5 metr yn gam yn ôl, a bydd yn arwain at ymgymerydd statudol (yn enwedig NGET fel yr ymgymerydd trawsyrru) yn gorfod ceisio caniatâd cynllunio ar gyfer gwaith sydd ar hyn o bryd wedi'i gynnwys yn nosbarth G(f), ac nad yw'n ddadleuol ym mhrofiad y Grid Cenedlaethol. Byddai'r canlyniad anfwriadol hwn yn cynyddu amserlenni rhaglenni, na fyddai'n hwyluso'r newid gwyrdd.'

Ymateb y Llywodraeth

- 3.5.21 Rydym yn cytuno â chrynodeb y Grid Cenedlaethol o'r risg y gallai cyflwyno gwelliant o'r fath dynnu caniatâd yn ôl yn anfwriadol ar gyfer codi ffensys sydd

eisoes wedi'u cynnwys o dan ddosbarth G(f) Gorchymyn 1995. Ni fyddwn yn bwrw ymlaen â'r gwelliant hwn.

Cwestiwn 33: A oes unrhyw faterion cynllunio eraill yn ymwneud â thrydan nad ydynt yn cael sylw yn y cwestiynau uchod ac y dymunwch eu codi?

Trosolwg

3.5.22 Tynnwyd sylw yn yr ymatebion i'r ymgynghoriad at nifer o faterion pellach ynghylch datblygu gan ymgwymerwyr statudol, ac mae rhai ohonynt yn gysylltiedig â chynigion y rheoliadau datblygu a ganiateir, a rhai ohonynt y tu hwnt i gwmpas yr ymgynghoriad.

3.5.23 Roedd y safbwyntiau a fynegwyd yn yr ymatebion yn aml yn cynnwys tynnu sylw at y canlynol:

- Effaith llinellau uwchben a pheilonau yng nghefn gwlad Cymru, a'r effaith bosibl ar gymunedau, tirweddau, llesiant, a llygredd sŵn ger cartrefi.
- Cefnogwyd yn gryf gefnogaeth i osod pob cebl newydd o dan y ddaear.
- Dymuniad i reoliadau datblygu a ganiateir Cymru ar gyfer seilwaith trydan fod yn gyson â rhai Lloegr a, lle bo modd, yr Alban.
- Pryderon ynghylch effaith sŵn canfyddedig o beilonau trydan ger datblygiadau preswyl sy'n deillio o linellau o'r fath.

3.5.24 Awgrymodd y Grid Cenedlaethol y byddai gosod trydydd gwifren ar linellau presennol sy'n cynnwys dwy wifren ar bolion pren yn cynyddu capasiti'r rhwydwaith presennol yn sylweddol i ddiwallu ceisiadau am bwyntiau gwefru solar, gwynt a gwefru ceir trydan a chysylltiad pwmp gwres.

3.5.25 Awgrymodd y Grid Cenedlaethol hefyd nifer o welliannau eraill i reoliadau datblygu a ganiateir ar gyfer ymgwymerwyr trydan er mwyn hwyluso a chyflymu'r broses o wella seilwaith trydan. Mae'r rhain yn cynnwys gwelliannau i baragraff G.1 Gorchymyn 1995 drwy ddileu'r terfyn cyfaint o 25% ar gyfer cynyddu maint gosodiadau trydan a nodir ym mharagraff G.1(c)(ii), ond cadw'r terfyn uchder ym mharagraff G.1(b)(ii). Cynigiodd y Grid Cenedlaethol hefyd ddileu'r gofyniad am gymeradwyaeth ymlaen llaw ar gyfer rhai gweithfeydd, gan gynnwys ystafelloedd cyfnewid cludadwy ac asedau is-orsafoedd.

3.5.26 Mae Adran Diogeled Ynni a Sero Net Llywodraeth y DU yn y broses o gynnal ei hymgyngghoriad ei hun ar welliannau i seilwaith y rhwydwaith trydan, a lansiwyd ar 7 Gorffennaf. Awgrymodd rhai ymatebwyr y dylai Llywodraeth Cymru hefyd ystyried canlyniad yr ymgynghoriad hwnnw pan gaiff ei gwblhau.

Ymateb y Llywodraeth

3.5.27 Rydym yn ymwybodol o ymgynghoriad Llywodraeth y DU ar seilwaith y rhwydwaith trydan a mynediad i dir, a byddwn yn ystyried sylwadau a chasgliadau

perthnasol wrth fwrw ymlaen â'n gwaith yn y maes hwn fel rhan o'r ail gam o weithredu.

- 3.5.28 Nodwn gynigion y Grid Cenedlaethol ar gyfer estyniadau i hawliau datblygu a ganiateir, gan gynnwys awgrym o drydydd cebl ar linellau sy'n cynnwys dwy wifren ar bolion pren, dileu'r terfyn cyfaint ar estyniadau i'r adeiladau presennol ar gyfer peiriannau a chyfarpar, a dileu'r angen i gydymffurfio â'r broses gymeradwyo ymlaen llaw. Byddwn yn ystyried yr awgrymiadau hyn ymhellach fel rhan o'r ail gam o weithredu.

3.6 Safleoedd tai fforddiadwy a defnydd yn y cyfamser

Cwestiwn 34: A ydych chi'n cytuno â chyflwyno hawl datblygu a ganiateir newydd yn Rhan 12A ar gyfer defnydd tai yn y cyfamser? Beth ddylai'r cyfnod hwyaf fod ar gyfer tai yn y cyfamser?

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	3	2	15
Asiantaeth Llywodraeth / sector cyhoeddus arall	1	1	2
Awdurdod cynllunio lleol	3	7	3
Grŵp neu unigolyn arall (heb ei restru uchod)	11	10	29
Cyrff proffesiynol / grwpiau buddiant	6	2	1
Sector gwirfoddol / grwpiau cymunedol	3	0	1
Cyfanswm	27	22	51
Canran	27	22	51

Trosolwg

- 3.6.1 Cafwyd 100 o ymatebwyr i gwestiwn 34. Atebodd mwyafrif yr ymatebwyr 'ddim yn gwybod' i'r cwestiwn hwn ac nid oedd barn fwyafrifol ar y mater. Atebodd ychydig dros chwarter yr ymatebwyr 'ydw', gyda hanner yr ymatebwyr yn ateb, 'ddim yn gwybod'. Croesawodd sefydliadau'r sector preifat a phroffesiynol, sawl awdurdod cynllunio lleol a sefydliadau sydd â diddordeb mewn darparu tai y cynigion hyn, gan geisio telerau hirach ar gyfer tai dros dro. Fodd bynnag, roedd yn ymddangos bod rhywfaint o gonsensws ar draws y sector cyhoeddus nad oedd y ddarpariaeth 12 mis bresennol yn ddigonol i gyfiawnhau'r gofynion ariannol ac adnoddau i sicrhau tai fforddiadwy dros dro ar dir. Mynegwyd barn hefyd, a lle bydd cynlluniau o'r fath yn cael eu cyflwyno, y byddai'n annhebygol y byddai digon o amser i baratoi, cyflwyno ac ystyried cais mawr am ddatblygiad preswyl i gadw'r datblygiad y tu hwnt i'r cyfnod o 12 mis.
- 3.6.2 Tynnwyd sylw gan awdurdodau'r parciau cenedlaethol, y Sefydliad Cynllunio Trefol Brenhinol yng Nghymru a Chomisiwn Dylunio Cymru at bryderon ynghylch sefydlogrwydd tebygol tai fforddiadwy a ddatblygwyd o dan reoliadau datblygu a

ganiateir, a rhoddwyd enghreifftiau lle mae hyn wedi digwydd yn flaenorol. Codwyd pryderon ganddynt y byddai colli ymgynghoriad cyhoeddus yn niweidiol i ffydd y cyhoedd yn y system sy'n dilyn cynllun. Mynegwyd pryderon hefyd y gallai rhoi caniatâd drwy reoliadau datblygu a ganiateir arwain at ddatblygiad nad oedd yn cyd-fynd ag egwyddorion creu lleoedd cynaliadwy neu ddarparu amwynderau cyhoeddus, a fyddai fel arfer yn cael eu sicrhau drwy graffu ar gais cynllunio.

- 3.6.3 Mynegodd rhai ymatebwyr bryder y byddai rhoi caniatâd drwy reoliadau datblygu a ganiateir yn sefydlu egwyddor datblygiad preswyl lle nad yw ar hyn o bryd yn unol â pholisi cynllunio, gan ei gwneud hi'n anodd amddiffyn yn erbyn gwrthodiad dilynol.
- 3.6.4 Roedd rhai ymatebwyr o'r farn y byddai defnyddio rheoliadau datblygu a ganiateir dros dro i gynhyrchu datblygiadau tai fel defnydd yn y cyfamser yn tynnu arian, ac felly'n tanseilio'r gwaith tuag at ddatblygu atebion tai mwy parhaol.

Ymateb y Llywodraeth

- 3.6.5 Diolchwn i'r ymatebwyr am eu cyfraniadau ar y mater hwn. Mae'r ymatebion yn dangos bod angen ymchwil ychwanegol a dadansoddiad cynhwysfawr i sicrhau bod unrhyw newidiadau yn y dyfodol yn gadarn, yn seiliedig ar dystiolaeth, yn cyd-fynd ag arfer gorau, ac y gellid cynnwys mesurau diogelwch addas i sicrhau nad yw egwyddorion cynllunio yn cael eu tanseilio'n anfwriadol. Bydd yr ymatebion a geir yn cael eu hystyried wrth i ni fwrw ymlaen â'r gwaith hwn.
- 3.6.6 Mae Llywodraeth Cymru yn parhau i fod wedi ymrwymo i ddull sy'n cael ei arwain gan gynllun, fel y nodir yn y Polisi Cynllunio Cenedlaethol gan sicrhau bod yr holl dai, boed yn parhaol neu dros dro, wedi'u hintegreiddio â strategaethau datblygu lleol ac yn cyfrannu'n gadarnhaol at greu lleoedd.

Cwestiwn 35: Yn ogystal â rheolaethau ar ffenestri ystafelloedd cyfanheddol sy'n rhy agos i'w gilydd, pa gyfyngiadau eraill y dylai'r hawl datblygu a ganiateir ar gyfer defnydd yn y cyfamser fod yn ddarostyngedig iddynt? Rhowch eich rhesymau

Trosolwg

- 3.6.7 Cyflwynodd yr ymatebwyr ystod eang o gyfyngiadau eraill y dylai rheoliadau datblygu a ganiateir fod yn ddarostyngedig iddynt yn y cyfamser. Roedd hyn yn cynnwys darpariaeth parcio ceir, maint lleiaf gardd, addasiadau i bobl anabl, graddfa a maint unedau, amwynder a mannau agored, agosrwydd at drafnidiaeth gyhoeddus, datblygu ar dir a ddatblygwyd yn flaenorol, dim ond i'w gyfyngu i'w ddefnyddio fel tai fforddiadwy, a chynaliadwyedd datblygu ymhlith eraill.

Ymateb y Llywodraeth

- 3.6.8 Fel y nodwyd uchod, rydym o'r farn bod angen ymchwil ychwanegol a dadansoddiad cynhwysfawr i sicrhau bod unrhyw newidiadau yn y dyfodol yn

gadarn, yn seiliedig ar dystiolaeth, ac yn cyd-fynd ag arfer gorau. Byddwn yn ystyried y sylwadau a geir fel rhan o'r gwaith hwnnw.

Cwestiwn 36: A ydych chi'n credu na ddylai darpariaeth ar gyfer ymgynghoriad cyhoeddus gael ei chynnwys yn yr hawl datblygu a ganiateir newydd ar gyfer defnydd tai yn y cyfamser? Os na, pa ddull ar gyfer cyhoeddusrwydd neu ymgynghori â'r cyhoedd y dylid ei gynnwys? Rhowch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	3	2	14
Asiantaeth Llywodraeth / sector cyhoeddus arall	1	3	0
Awdurdod cynllunio lleol	1	10	1
Grŵp neu unigolyn arall (heb ei restru uchod)	9	12	27
Cyrff proffesiynol / grwpiau buddiant	2	5	2
Sector gwirfoddol / grwpiau cymunedol	1	2	1
Cyfanswm	17	34	45
Canran	18	35	47

Trosolwg

- 3.6.9 Er bod cyfran sylweddol o ymatebwyr wedi nodi 'ddim yn gwybod' mewn ymateb i'r cwestiwn hwn, roedd dros draean o'r ymatebwyr yn anghytuno y dylid dileu ymgynghoriad cyhoeddus ar gynigion datblygu tai a ddilyniir drwy reoliadau datblygu a ganiateir. Fodd bynnag, nodwyd gan ymatebwyr bod ymgynghori ac ymgysylltu â'r cyhoedd yn debygol o arwain at oedi wrth alluogi datblygiad hyd yn oed lle'r oedd safle yn amlwg yn addas ar gyfer defnydd o'r fath. Awgrymodd nifer o awdurdodau cynllunio lleol y gellid defnyddio proses ymgynghori cyn ymgeisio 28 diwrnod, fel sydd ar waith ar hyn o bryd ar gyfer ceisiadau mawr.
- 3.6.10 Mynegodd Comisiwn Dylunio Cymru y farn bod peidio â chynnwys cymunedau mewn penderfyniadau sy'n effeithio arnynt yn groes i Ddeddf Llesiant Cenedlaethau'r Dyfodol (Cymru) 2015.

Ymateb y Llywodraeth

- 3.6.11 Roedd y rhan fwyaf o'r ymatebwyr o'r farn bod angen ymgynghori â'r cyhoedd cyn datblygiad o'r fath am amrywiaeth o resymau. Byddwn yn ystyried y sylwadau hyn fel rhan o sicrhau bod unrhyw newidiadau yn y dyfodol yn gadarn, yn seiliedig ar dystiolaeth, ac yn cyd-fynd ag arfer gorau.

Cwestiwn 37: A ddylai cynigion datblygu sy'n cydymffurfio â pholisïau 'safle eithriedig' gael eu cynnwys o fewn dosbarth hawl datblygu a ganiateir

newydd? Os na, pam na ddylid cynnwys polisïau o'r fath? Rhowch eich rhesymau

Crynodeb ystadegol

Sefydliad	Dylent	Na ddylent	Ddim yn gwybod
Busnes / ymgynghorydd	3	2	15
Asiantaeth Llywodraeth / sector cyhoeddus arall	2	1	0
Awdurdod cynllunio lleol	1	11	1
Grŵp neu unigolyn arall (heb ei restru uchod)	6	11	30
Cyrff proffesiynol / grwpiau buddiant	4	4	0
Sector gwirfoddol / grwpiau cymunedol	1	1	2
Cyfanswm	17	30	48
Canran	18	32	51

Trosolwg

- 3.6.12 Nid oedd ychydig o dan draean o'r ymatebwyr yn cefnogi'r cynnig hwn gyda dros hanner yn ateb 'ddim yn gwybod'. Roedd nifer o ymatebwyr o'r farn bod y cynnig yn ceisio mynd i'r afael â symptomau oedi mewn penderfyniadau cynllunio yn hytrach na'r achos, ac y byddai'n well gwneud ymdrech i sicrhau bod gan y gwasanaeth cynllunio adnoddau rhesymol a chyfyngiadau gormodol er mwyn gwneud penderfyniadau amserol.
- 3.6.13 Roedd rhai ymatebwyr a oedd â chyfrifoldeb am ddarparu tai yn gweld hyn fel cyfle i gynyddu'r ddarpariaeth yn gyflym. Fodd bynnag, dadleuodd nifer o ymatebwyr nad oedd cyfiawnhad dros ddatblygu anheddau 100% fforddiadwy ar safleoedd anghynaliadwy waeth beth fo'r angen am dai, yn enwedig gan fod safleoedd o'r fath yn debygol iawn o fod yng nghefn gwlad agored neu y tu hwnt i ffin yr anheddiad.
- 3.6.14 Nododd llawer o ymatebwyr, gan gynnwys sawl awdurdod cynllunio lleol, nad oedd safleoedd eithriad wedi bod yn destun yr un lefel o asesiad â safleoedd tai a ddyrannwyd drwy broses y cynllun datblygu lleol, megis asesiadau effaith neu ymchwiliadau safle, a bod angen ystyried y materion hyn o hyd. Awgrymodd rhai y gallai cyflwyno proses dyrannu safleoedd eithriadol mewn cynlluniau datblygu lleol yn y dyfodol ar gyfer safleoedd sy'n union gerllaw ffiniau aneddiadau oresgyn hyn.
- 3.6.15 Nododd rhai ymatebwyr fod polisïau'r cynllun datblygu lleol ar faterion fel cynllun safle, dyluniad a seilwaith ecolegol yn amrywio'n sylweddol, a oedd yn tanseilio egwyddor caniatâd tybiedig cenedlaethol drwy reoliadau datblygu a ganiateir. Dywedasant hefyd y gellid goresgyn hyn, yn eu barn nhw, fodd bynnag, gyda gofyniad i gydymffurfio â chanllawiau cynllunio atodol.
- 3.6.16 Nododd nifer o ymatebwyr hefyd, gan gynnwys rhai awdurdodau cynllunio lleol, fod defnyddio rheoliadau datblygu a ganiateir ar gyfer datblygiadau o'r fath, heb alluogi cyfranogiad cymunedol, yn debygol o arwain at adwaith andwyol. Nododd

un awdurdod cynllunio lleol, er nad yw ymgysylltu â'r gymuned o reidrwydd yn arwain at ymatebion gwybodus, fod cymunedau o leiaf yn teimlo bod eu pryderon wedi cael eu hystyried. Felly roedd cymunedau'n fwy tebygol o dderbyn penderfyniadau yr oeddent yn anghytuno â nhw pe baent wedi'u grymuso i ymgysylltu.

Ymateb y Llywodraeth

- 3.6.17 Roedd yr ymatebion i'r cwestiwn hwn yn amrywiol ac ystyrir bod angen ymchwil ychwanegol a dadansoddiad cynhwysfawr i sicrhau bod unrhyw newidiadau yn y dyfodol yn gadarn, yn seiliedig ar dystiolaeth, ac yn cyd-fynd ag arfer gorau.

Cwestiwn 38: A ddylai cymeradwyo o flaen llaw fod yn broses dau gam lle mae'r cam cyntaf yn cynnwys cwmpasu'r wybodaeth ychwanegol y mae'n ofynnol ei chyflwyno? Rhwng eich rhesymau

Crynodeb ystadegol

Sefydliad	Dylai	Na ddylai	Ddim yn gwybod
Busnes / ymgynghorydd	3	1	15
Asiantaeth Llywodraeth / sector cyhoeddus arall	4	0	1
Awdurdod cynllunio lleol	5	6	3
Grŵp neu unigolyn arall (heb ei restru uchod)	12	7	29
Cyrff proffesiynol / grwpiau buddiant	7	2	0
Sector gwirfoddol / grwpiau cymunedol	3	0	1
Cyfanswm	34	16	49
Canran	34	16	49

Trosolwg

- 3.6.18 Yng nghyd-destun yr ymatebion i gwestiwn 37 a amlinellwyd uchod, lle nad oedd rheoliadau datblygu a ganiateir ar gyfer datblygiad preswyl ar safleoedd eithriad yn cael ei gefnogi'n gyffredinol, atebodd mwyafrif yr ymatebwyr 'dylai' neu 'ddim yn gwybod' i'r cwestiwn hwn. Pe byddai rheoliadau datblygu a ganiateir o'r fath yn cael eu cyflwyno, ystyriwyd yn gyffredinol bod egwyddor gyffredinol proses gwmpasu dau gam yn briodol, ar yr amod nad oedd y broses yn feichus ac nad oedd yn cael ei defnyddio gan awdurdod cynllunio lleol fel dull o ohirio pwysau ar ystyriaeth ffurfiol o gynigion.
- 3.6.19 Ailadroddodd nifer o randdeiliad y farn bod cyflwyno rheoliadau datblygu a ganiateir o'r fath yn cael ei ystyried fel rhywbeth a fyddai'n dileu'r cyfle i gymunedau lleol ac aelodau ddweud eu dweud ar gynigion, gan gynnwys cymryd rhan mewn penderfyniadau ar gynlluniau a'u heffeithiau a allai greu pryder lleol gwirioneddol.

- 3.6.20 Mynegodd rhai ymatebwyr y farn bod proses gymeradwyo ymlaen llaw mewn perygl o danseilio'r dull cenedlaethol o greu lleoedd ac egwyddorion bioamrywiaeth, ac y dylid eithrio rhai dynodiadau tirwedd fel parciau cenedlaethol, ardaloedd o harddwch naturiol eithriadol ac ardaloedd cadwraeth.
- 3.6.21 Nododd rhai awdurdodau cynllunio lleol y byddai cyflwyno proses gymeradwyo ymlaen llaw yn negyddu eu gallu i fynd ar drywydd neu amrywio cynigion ar gyfer Cytundeb Adran 106, a allai wneud safleoedd anaddas yn dderbyniol fel arall. Effaith cymeradwyaeth ymlaen llaw o'r fath fyddai datblygiad fel 'fait accompli'. Gofynnwyd hefyd, pe byddai'r broses gymeradwyo ymlaen llaw yn gyfwerth â gwaith ar gais cynllunio, a fyddai'r ffi am gymeradwyaeth ymlaen llaw yn cyfateb i'r ymrwymiad adnoddau.
- 3.6.22 Nododd un awdurdod cynllunio lleol fod methodoleg safleoedd ymgeisiol yn disgwyl cyflwyno cyfres gynhwysfawr o ddogfennau a asesir wedyn gan arbenigwyr fel rhan o'r broses o ystyried dyrannu. Nodwyd, erbyn i gynllun datblygu lleol gael ei fabwysiadu, y byddai angen diweddarau'r gwaith arolygu a'r adroddiadau. O'r herwydd, ystyrir y byddai budd delio â'r materion hyn drwy'r broses gymeradwyo ymlaen llaw yn gyfyngedig.

Ymateb y Llywodraeth

- 3.6.23 Roedd yr ymatebion i'r cwestiwn hwn yn amrywiol heb gonsensws clir ac ystyrir bod angen ymchwil ychwanegol a dadansoddiad cynhwysfawr i sicrhau bod unrhyw newidiadau yn y dyfodol yn gadarn, yn seiliedig ar dystiolaeth, ac yn cydfynd ag arfer gorau.

Cwestiwn 39: Pa wybodaeth y dylid ei chyflwyno yn rhan o gyflwyniad am gymeradwyaeth o flaen llaw (neu mewn proses cymeradwyo o flaen llaw dau gam, beth fyddai'r rhestr o faterion y byddai awdurdod cynllunio lleol yn dewis o'u plith wrth gwmpasu'r hyn y dylid ei gyflwyno yn ystod yr ail gam)? Eglurwch eich awgrymiadau.

Trosolwg

- 3.6.24 Cyflwynwyd cyfanswm o 36 o ymatebion mewn perthynas â chwestiwn 39. Roedd hyn yn cynnwys 12 awdurdod cynllunio lleol o bob cwr o Gymru ynghyd ag amrywiol ddarparwyr tai cymdeithasol, sefydliadau a chynrychiolwyr o'r diwydiant. Roedd y safbwyntiau a fynegwyd yn yr ymatebion yn cynnwys y canlynol:
- Yn y cyfamser, ni ddylid caniatáu datblygiad ar gyfer tai.
 - Bydd yn anodd llunio rhestr bendant o wybodaeth / materion ategol yn amrywio o safle i safle yn dibynnu ar gyd-destun y safle a chyfyngiadau lleol.
 - Ni ddylai darparu tai fforddiadwy drechu ystyriaethau cynllunio eraill sy'n ymwneud â derbynioldeb safle o ran cynllunio.
 - Pwyslais ar bwysigrwydd datganiad dylunio a mynediad.

- Dylai gwybodaeth amgylcheddol a gyflwynir fod yn berthnasol ac yn gymesur â'r risgiau amgylcheddol posibl sy'n berthnasol i'r cynllun, wedi'i llywio gan y gwarchodaeth a roddir i dderbynyddion o dan bolisi a deddfwriaeth genedlaethol berthnasol.
- Mae angen asesiad effaith treftadaeth / asesiad lleoliad, i gynnwys ystyriaeth o'r effaith ar ddynodiadau treftadaeth o lefel leol i lefel genedlaethol, fel sy'n ofynnol gan ddeddfwriaeth a pholisi.
- Dylid darparu manylion unrhyw ymgynghoriad a gynhaliwyd fel rhan o'r broses cyn-gymeradwyo fel bod barn y gymuned yn cael ei hystyried fel rhan o unrhyw broses cyn cymeradwyo. Mae cyfranogiad cymunedol yn bwysig.
- Mae rhai ymatebwyr yn awgrymu defnyddio pynciau cwmpasu'r asesiad o'r effaith amgylcheddol fel model. Mae'n bwysig bod pynciau fel archaeoleg a'r amgylchedd hanesyddol yn cael eu cynnwys.
- Dylid cyflwyno diwyg manwl o'r cynllun, gan gynnwys cynllun safle, gweddoluniau a chroestoriadau sy'n dangos lefelau.
- Pryderon na fydd y broses yn cyflymu'r ddarpariaeth ond y bydd yn arwain at fwy o gymhlethdod, dryswch ac ansicrwydd gyda datblygwyr.
- Gallai'r dull dau gam fod yn debyg i ymgynghoriad cyn ymgeisio a chais cynllunio llawn neu farn gwmpasu ac asesiad o'r effaith amgylcheddol. Byddai'r cam cyntaf yn nodi unrhyw faterion (megis mynediad, parcio, bioamrywiaeth, ac ati) a byddai'r ail gam yn cynnwys cyflwyno'r manylion hynny.
- Os caiff safleoedd eu hasesu fel rhan o baratoi'r cynllun datblygu lleol, byddai hyn yn galluogi asesiad o'r effaith ar y Gymraeg yn seiliedig ar dystiolaeth a rhagamcanion yn lle gorfod asesu pob safle yn unigol fel sy'n digwydd ar hyn o bryd.
- Mae'r angen am gytundeb adran 106 yn un o'r pethau sy'n arafu'r broses o ddarparu tai fforddiadwy yn sylweddol. Pe byddai modd cytuno ar ofynion adran 106 yng ngham 1, gellid cyflymu hyn.
- Dylid nodi cyfyngiadau sylfaenol ar safle fel llifogydd, halogiad ac ansefydlogrwydd tir cyn cyflwyno hysbysiad ymlaen llaw. Mae hyn yn galluogi'r datblygwr i ddarparu'r holl wybodaeth berthnasol gyda'u cyflwyniad cychwynnol.

Ymateb y Llywodraeth

- 3.6.25 Mae'n werth nodi bod rhai ymatebwyr wedi gwrthod egwyddor y dull cymeradwyaeth ymlaen llaw / dull dwy haen, gan nodi bod y broses gynllunio wedi dod yn llawer mwy cymhleth oherwydd haenau ychwanegol o bolisi a rheoleiddio. Yn eu barn nhw, ni fydd y broses hon yn cyflymu'r ddarpariaeth yn sylweddol ond bydd yn arwain at fwy o gymhlethdod a dryswch, gan greu ansicrwydd gyda datblygwyr.
- 3.6.26 Mae'r ymatebion i'r ymgynghoriad wedi dangos nad oes cefnogaeth gyffredinol i system gymeradwyaeth ymlaen llaw, na chonsensws ynghylch yr wybodaeth y byddai ei hangen i weithredu'n effeithiol o dan system o'r fath. Mae'r ymgynghoriad wedi codi rhai ystyriaethau pwysig y mae angen eu harchwilio

ymhellach cyn gwneud unrhyw newidiadau i hawliau datblygu a ganiateir sy'n ymwneud â defnydd yn y cyfamser.

Cwestiwn 40: Sut dylai lefel yr wybodaeth a gyflwynir gael ei chadw'n gymesur â graddfa a chymhlethdod y datblygiad a bod yn ofyniad llai na hwnnw sy'n gysylltiedig â chais cynllunio? Eglurwch eich awgrymiadau.

Trosolwg

- 3.6.27 Mynegwyd amrywiaeth o safbwyntiau, o'r rhai nad ydynt yn cefnogi rheoliadau datblygu a ganiateir a/neu system gymeradwyaeth ymlaen llaw, i'r rhai a gredai y gallai roi cyfle i rymuso awdurdod cynllunio lleol yn eu proses gwneud penderfyniadau.
- 3.6.28 Roedd consensws eang bod lefel yr wybodaeth y mae ei hangen i gefnogi datblygiad o'r fath yn amgylchiadol iawn ac na fyddai'n bosibl diffinio rhestr a fyddai'n gwasanaethu'n gyson ar sail genedlaethol. Mae rhai ymatebwyr o'r farn y dylai proses y cynllun datblygu lleol a'r broses gymeradwyaeth ymlaen llaw rhyngddynt allu darparu'r holl ddogfennau y mae eu hangen i sicrhau bod cynllun y safle, ei ddyluniad, a'i broses gadw / darparu seilwaith gwyrdd yn cael eu hystyried mor drylwyr ag y byddent drwy'r broses ymgeisio am ganiatâd cynllunio. Roedd rhai o'r farn y byddai hyn yn gofyn am fwy o fuddsoddiad mewn paratoi cynllun datblygu lleol i alluogi hyn.
- 3.6.29 Roedd rhai awdurdodau cynllunio lleol o'r farn, pe byddai safleoedd tai fforddiadwy / safleoedd eithriad yn cael eu nodi a'u hasesu fel rhan o broses y cynllun datblygu lleol, byddai'r ymgynghoriad a'r cyfyngiadau a nodwyd yn diffinio eu haddasrwydd ar unwaith. Gellid rhoi'r broses ar waith ar gam y cynllun datblygu drwy ddefnyddio cynlluniau meistr, briffiau safle neu godau dylunio. Gallai cais am gymeradwyaeth ymlaen llaw wedi hynny fod yn gymharol syml gan fod y datblygiad yn dderbyniol mewn egwyddor, ar yr amod bod y manylion sy'n weddill yn cael eu cymeradwyo.
- 3.6.30 Roedd yr ymatebwyr o'r farn y dylid rhoi mwy o bwyslais ar ddatblygwyr i gyflwyno ceisiadau o ansawdd uchel gyda'r holl fanylion perthnasol, ond fe wnaethant hefyd dynnu sylw at bryderon y gallai penderfyniadau fod yn destun her gyfreithiol pe na chât pob mater ei ystyried yn briodol.

Ymateb y Llywodraeth

- 3.6.31 Un thema gyffredin a gododd oedd pryderon y gallai lleihau'r gofynion sy'n gysylltiedig ag asesu cynigion datblygu arwain at ganlyniadau anfwriadol. Mae lefel yr wybodaeth y mae ei hangen ar hyn o bryd yn sicrhau bod effaith cynigion datblygu yn cael ei hasesu'n llawn. Mynegodd ymatebwyr y gallai hepgor manylion arwain at ganlyniadau creu lleoedd gwaeth a/neu fwy o risg o niwed i'r amgylchedd. Nodwyd gan rai ymatebwyr y byddai angen eithriadau sy'n ymwneud ag ardaloedd sy'n arbennig o sensitif pe byddai'r rheoliadau datblygu a ganiateir yn cael eu sefydlu'n ymarferol.

- 3.6.32 I grynhoi, nid oedd consensws ymhlith yr ymatebwyr o ran sut y dylid cadw lefel yr wybodaeth yn gymesur â graddfa a chymhlethdod y datblygiad, nac yn fwy cyffredinol a ddylai'r gofynion fod yn llai na'r rhai sy'n gysylltiedig â chais cynllunio. Ystyrir ei bod yn angenrheidiol archwilio rhai o'r materion a godwyd yn fanylach er mwyn rhoi gwell dealltwriaeth o sut y gallai'r ffactorau hyn effeithio ar effeithiolrwydd system newydd sy'n cael ei rhoi ar waith yn ymarferol.

Cwestiwn 41: A oes buddion yn gysylltiedig â chyfyngu ar y mathau o dai y gellir eu hadeiladu o dan yr hawliau datblygu a ganiateir? Os oes, esboniwch ba fuddion a ddisgwyllir. Rhowch eich rhesymau

Crynodeb ystadegol

Sefydliad	Dylai	Na ddylai	Ddim yn gwybod
Busnes / ymgynghorydd	3	2	14
Asiantaeth Llywodraeth / sector cyhoeddus arall	1	2	0
Awdurdod cynllunio lleol	4	5	3
Grŵp neu unigolyn arall (heb ei restru uchod)	6	10	27
Cyrff proffesiynol / grwpiau buddiant	4	3	1
Sector gwirfoddol / grwpiau cymunedol	3	1	0
Cyfanswm	21	23	45
Canran	24	26	51

Trosolwg

- 3.6.33 Nid oedd consensws cyffredinol o blaid nac yn erbyn y cwestiwn hwn, er bod dros hanner yr ymatebwyr wedi nodi 'ddim yn gwybod'. Nododd rhai ymatebwyr y gallai defnyddio llyfr patrwm ar gyfer mathau o ddatblygiadau symleiddio a chyflymu'r broses gynllunio ar gyfer tai fforddiadwy, a darparu rheolaeth a chysondeb o ran safonau dylunio a gofod. Roedd eraill o'r farn y byddai'r gofyniad i gydymffurfio â chod dylunio yn atal darpariaeth tai fforddiadwy is-safonol. Pe byddai dull llyfr patrwm yn cael ei fabwysiadu, byddai angen iddo ystyried y cymysgedd tai priodol i wasanaethu'r gymuned, gan gynnwys tai ar gyfer unigolion sengl ac ar gyfer pobl hŷn.
- 3.6.34 Nid oedd awdurdodau cynllunio lleol yn cefnogi'r fethodoleg llyfr patrwm yn gyson ar gyfer mathau o ddatblygiad o'r fath. Er eu bod yn cefnogi'r egwyddor, nododd sawl un y byddai angen i batrymau o'r fath fod, neu fod angen eu diwygio i fod yn gydnaws â chymeriad lleol ac arddulliau a gofynion dylunio.
- 3.6.35 Nododd sawl ymatebydd y gallai mwy o reolaeth a chysondeb alluogi manylebau dylunio carbon isel ac o ansawdd uchel, safonau gofod gwell ac atal amodau byw is-safonol.
- 3.6.36 Roedd yr ymatebwyr o'r farn bod angen datblygu dylunio trefol, creu lleoedd a phensaernïaeth fel rhan o'r broses ddylunio, a'u hasesu fel rhan o'r broses

gynllunio, yn enwedig os ydym am gyflawni'r ansawdd a'r cysylltedd lleoliad a safle sy'n benodol mewn polisi a deddfwriaeth genedlaethol, ac efallai na fyddai dull llyfr patrwm yn cyflawni hyn.

Ymateb y Llywodraeth

- 3.6.37 Gellid mynd i'r afael â rhai o'r materion a godwyd gan ymatebwyr drwy fesurau syml, megis cael gwared ar rai rheoliadau datblygu a ganiateir mewn meysydd penodol o sensitifrwydd hanesyddol neu amgylcheddol. Fodd bynnag, mae angen ystyriaeth bellach ar eraill er mwyn cael gwell dealltwriaeth. Mae'r ymgynghoriad wedi codi rhai materion pwysig y mae angen eu harchwilio ymhellach cyn gwneud unrhyw newidiadau i hawliau datblygu a ganiateir sy'n ymwneud â defnydd yn y cyfamser.

Cwestiwn 42: A fydd defnyddio hawliau datblygu a ganiateir ar gyfer darparu safleoedd tai fforddiadwy yn arbed amser a chostau o gymharu â chyflwyno cais cynllunio ar gyfer yr un datblygiad? Rhwch eich rhesymau

Crynodeb ystadegol

Sefydliad	Bydd	Na fydd	Ddim yn gwybod
Busnes / ymgynghorydd	4	1	13
Asiantaeth Llywodraeth / sector cyhoeddus arall	2	1	1
Awdurdod cynllunio lleol	2	9	3
Grŵp neu unigolyn arall (heb ei restru uchod)	11	8	27
Cyrff proffesiynol / grwpiau buddiant	5	2	1
Sector gwirfoddol / grwpiau cymunedol	1	1	2
Cyfanswm	25	22	47
Canran	27	23	50

Trosolwg

- 3.6.38 Nid oedd consensws mewn ymateb i'r cwestiwn hwn. Roedd y rhai a gefnogodd y cynnig o'r farn y gallai defnyddio rheoliadau datblygu a ganiateir ar gyfer tai fforddiadwy gyflymu'r broses o wneud penderfyniadau, rhoi mwy o sicrwydd ynghylch datblygu, a thrwy hynny leihau risg. Roedd pryderon hefyd y gallai proses gymeradwyo ymlaen llaw ddod yr un mor ddwys o ran amser ac adnoddau â chais llawn.
- 3.6.39 Ailadroddwyd pryderon ynghylch y diffyg democrataidd canfyddedig sy'n deillio o ddefnyddio rheoliadau datblygu a ganiateir ar gyfer adeiladu tai fforddiadwy. Ailadroddwyd hefyd bryderon ynghylch y risg o safonau is o ran dylunio ac amwynder. Roedd rhai o'r farn, lle byddai hyn yn arwain at ganlyniadau anffafriol, y byddai'n cymryd cyfnod hir i weithredu cywiriad neu adferiad, ac yn ystod y cyfnod hwnnw mae'n debygol y byddai adeiladau o'r fath eisoes yn cael eu meddiannu.

3.6.40 At ei gilydd, roedd nifer debyg o ymatebwyr yn cytuno ac yn anghytuno y byddai rheoliadau datblygu a ganiateir ar gyfer darparu safleoedd tai fforddiadwy yn arwain at arbedion amser a chost. Atebodd y rhan fwyaf o'r awdurdodau cynllunio lleol 'na fydd'.

Ymateb y Llywodraeth

3.6.41 Mae'n amlwg o'r crynodeb ystadegol nad oes consensws ymhlith yr ymatebwyr ynghylch a fyddai hawliau datblygu a ganiateir ar gyfer safleoedd tai fforddiadwy yn arwain at arbedion amser a chost, o'i gymharu â chymryd yr un datblygiad trwy gyflwyno cais cynllunio.

3.6.42 Er y gallai hawliau datblygu a ganiateir, yn ddamcaniaethol, arwain at arbedion cost ac amser ar gyfer darparu tai fforddiadwy, nid yw'n ymddangos bod unrhyw gytundeb y byddai hyn yn wir yn ymarferol nac yn ddymunol. Yn y pen draw, byddai graddfa'r cyflymder a'r arbedion cost yn dibynnu ar ofynion, manylder a gweithrediad unrhyw ddarpariaethau a gyflwynir. Yn yr un modd, o ystyried y pryderon a godwyd, mae'n bosibl y gallai ansawdd canlyniadau creu lleoedd ddirywio yn gymesur â graddfa'r dadreoleiddio a gyflwynir trwy reoliadau datblygu a ganiateir.

3.6.43 Ystyrir bod angen ymchwiliad pellach i'r pryderon yr amlinellwyd uchod. Bydd hyn yn llywio dealltwriaeth fwy trylwyr o ran gwybod a fyddai dadreoleiddio rhai mathau o ddatblygiad yn arwain at aliniad annerbyniol â'r egwyddorion creu lleoedd sy'n sail i system gynllunio Cymru.

Cwestiwn 43: A oes unrhyw faterion cynllunio eraill yn ymwneud â thai fforddiadwy a defnydd yn y cyfamser nad ydynt yn cael sylw yn y cwestiynau uchod ac y dymunwch eu codi?

Crynodeb ystadegol

3.6.44 Cyflwynwyd cyfanswm o 37 o ymatebion mewn perthynas â chwestiwn 43. Roedd hyn yn cynnwys wyth gan awdurdodau cynllunio lleol, yn ogystal â darparwyr tai cymdeithasol, sefydliadau a chynrychiolwyr y diwydiant.

Trosolwg

3.6.45 Codwyd ystod eang o faterion eraill, a grynhoir isod:

- Dylai cartrefi fforddiadwy gael rheoliadau datblygu a ganiateir sy'n galluogi gosod gwefrwyr cerbydau trydan ar wedd flaen adeiladau.
- Pryder ynghylch yr effaith ar weithrediadau ffermio cyfagos.
- Pryder y gallai fod effeithiau negyddol ar yr iaith a diwylliant Cymru heb bolisi gosod lleol.
- Pryder y gallai rheoliadau datblygu a ganiateir osgoi ymgynghori a chraffu cynnar y dibynnir arnynt i asesu risgiau diogelwch sy'n gysylltiedig â

datblygiad a diffyg y gallu i wrthwynebu neu ofyn am liniaru ar gyfer datblygiad sy'n peri risgiau gweithredol neu ddiogelwch.

- Byddai cefnogaeth gynnar i landlordiaid cymdeithasol cofrestredig a chynghorau yn gwella dyluniad eu cynlluniau.
- Dylid ystyried Bil Digartrefedd a Dyrannu Tai Cymdeithasol (Cymru) ar y cyd â'r adolygiad hwn, a dylid adolygu'r broses bresennol ar gyfer datblygu a diweddarau cynlluniau datblygu lleol yn gyson er mwyn sicrhau bod anghenion tai yn y dyfodol yn cael eu diwallu.
- Mae'r anallu i fynnu rhwymedigaethau cynllunio yn fater mawr nad yw'n ymddangos ei fod wedi'i ystyried yn briodol, ac mae'n debygol o arwain at ddatblygiadau nad ydynt wedi'u hintegreiddio'n iawn na'u gwasanaethu gan gyfleusterau neu wasanaethau cymunedol.
- Pryder na ddylai gwarchodaeth amgylchedd hanesyddol Cymru gael ei gwanhau trwy dynnu datblygiadau tai yn ôl o'r broses gynllunio, gan fod y rhain ymhlith y dosbarthiadau datblygu sydd â'r effaith fwyaf ar olion archaeolegol a chymeriad tirweddau / aneddiadau hanesyddol.
- Mae'r cynigion yn dileu gallu awdurdodau cynllunio lleol i ddiogelu defnydd gwerth is, gan gynnwys defnydd cymunedol, mannau agored, a safleoedd diwydiannol.
- Mae defnyddio gorchmynion datblygu lleol a briffiau datblygu yn fecanweithiau pellach a allai helpu i hyrwyddo darparu tai.
- Mae'n hanfodol adeiladu lle mae trafnidiaeth gyhoeddus a seilwaith yn bodoli.
- Dylai datblygiadau ddarparu safonau byw a gofynion sylfaenol ar gyfer mannau cysgu, bwyta, coginio a glanweithdra ar wahân, yn ogystal â lle awyr agored a reolir ar gyfer hamdden.
- Dim ond os oes cynllun datblygu lleol cyfoes sydd wedi bod yn destun Arfarniad o Gynaliadwyedd, os yw'r safle dan sylw wedi'i ddyrannu, ac os oes polisi gosod lleol ar waith i ddelio ag iaith ddiwylliannol y dylai rheoliadau datblygu a ganiateir fod yn berthnasol.
- Dylai Llywodraeth Cymru ystyried caniatáu trosi adeiladau amaethyddol ac adeiladau coedwigaeth i ddefnydd preswyl o dan ddatblygiad a ganiateir i gyfrannu at dai fforddiadwy.

3.6.46 Mae'r Swyddfa Reoleiddio Niwclear wedi cynghori y gallai datblygiadau ar safleoedd niwclear, neu yng nghyffiniau safleoedd niwclear, gael effaith ar drefniadau cynllunio brys manwl neu beri peryglon allanol i safleoedd niwclear. Felly, mae'r Swyddfa Reoleiddio Niwclear yn cynnig nad yw defnydd yn y cyfamser o fewn parth cynllunio manwl ar gyfer argyfyngau yn destun datblygiad a ganiateir ond yn dilyn y weithdrefn gynllunio safonol.

3.6.47 Mae Shelter Cymru yn gofyn am ganllawiau clir ynghylch y math o lety y gellir ei ddarparu. Dylai fod o ansawdd uchel ac yn addas i ddiwallu anghenion trigolion. Y mae hefyd yn annog monitro agos i sefydlu'r effaith ar ganlyniadau digartrefedd.

Ymateb y Llywodraeth

3.6.48 Cawsom ystod eang o ymatebion defnyddiol i'r cwestiwn hwn, yn cynrychioli barn ystod eang o randdeiliaid. O ystyried cwrpas y materion a'r awgrymiadau a

godwyd, ystyrir ei bod yn angenrheidiol archwilio'r rhain yn fanylach cyn nodi unrhyw newidiadau arfaethedig i'r system bresennol.

3.7 Diffiniad o 'ddatblygiad mawr'

Cwestiwn 44: A ydych chi'n cytuno y dylai nifer yr anheddau ym mharagraff (c)(i) y diffiniad o 'ddatblygiad mawr' gynyddu i 25? Rhwch eich rhesymau

Crynodeb ystadegol

Sefydliad	Ydw	Nac ydw	Ddim yn gwybod
Busnes / ymgynghorydd	2	2	16
Asiantaeth Llywodraeth / sector cyhoeddus arall	2	1	2
Awdurdod cynllunio lleol	12	0	1
Grŵp neu unigolyn arall (heb ei restru uchod)	15	16	18
Cyrff proffesiynol / grwpiau buddiant	5	2	3
Sector gwirfoddol / grwpiau cymunedol	2	1	1
Cyfanswm	38	22	41
Canran	38	22	41

Trosolwg

3.7.1 Cafwyd ymateb cymysg i'r cynnig hwn ar draws pob sector. Roedd y safbwyntiau a fynegwyd yn yr ymatebion yn aml yn cynnwys y canlynol:

- Gallai fod effaith anghymesur ar ddatblygiad preswyl mewn ardaloedd gwledig, o'i gymharu ag ardaloedd trefol.
- Pryder y gallai'r cynnig gael effaith negyddol ar leoedd sydd â chyfran uwch o siaradwyr Cymraeg ar hyn o bryd.
- Dylid cynyddu'r diffiniad o 10 i 50 o anheddau.
- Gallai arwain at ostyngiad yn y pwysau ar adnoddau.

3.7.2 Cefnogodd 12 allan o 14 awdurdod cynllunio lleol y cynnig i ddiwygio'r diffiniad o 'ddatblygiad mawr' i 25 o anheddau. Mynegodd ymatebwyr y gallai'r cynnig helpu safleoedd lle'r oedd hyfywedd yn heriol, yn ogystal â chael ei groesawu gan rai awdurdodau mwy trefol. Fodd bynnag, codwyd cwestiynau ynghylch sut y bydd newid yn effeithio ar bolisiau cynllun datblygu lleol gan ddefnyddio'r diffiniad hwn o 'ddatblygiad mawr', yn ogystal â'r gofynion ar gyfer datganiadau gwybodaeth ddaearyddol ac ynni ategol ar gyfer datblygiadau mawr.

Ymateb y Llywodraeth

3.7.3 Er gwaethaf yr amrywiaeth o ymatebion i'r ymgynghoriad, rydym o'r farn bod y newid hwn yn hanfodol i greu system gynllunio fwy cymesur ac effeithlon. Mae'r trothwyon presennol (10 neu ragor o anheddau fel datblygiad mawr) yn gosod gofynion gweithdrefnol sylweddol ar safleoedd bach a chanolig, gan greu oedi a

chostau. Mae codi'r trothwy i 25 o anheddau yn cyd-fynd â strategaeth ehangach y llywodraeth i arallgyfeirio'r farchnad dai a chyflymu'r broses o gyflawni targedau tai Llywodraeth Cymru.

- 3.7.4 Rydym yn cydnabod yr amrywiad yn y safbwyntiau a ddarparwyd gan ymatebwyr. Drwy leihau beichiau diangen ar ddatblygiadau cymedrol wrth gynnal gwaith craffu trylwyr ar gyfer prosiectau mwy, fodd bynnag, mae'r newid yn cefnogi dull graddol o reoleiddio cynllunio, yn gwella sicrwydd i ddatblygwyr, ac yn helpu i ddatgloi safleoedd sydd wedi'u hatal.

Cwestiwn 45: Pe byddai nifer yr anheddau'n newid, fel yr amlinellir yng nghwestiwn 9.1, a ddylai'r arwynebedd safle ym mharagraff (c)(ii) newid hefyd? Rhowch eich rhesymau, ac os ydych yn cytuno, nodwch beth fyddai'r arwynebedd safle priodol.

Crynodeb ystadegol

Sefydliad	Dylai	Na ddylai	Ddim yn gwybod
Busnes / ymgynghorydd	4	2	14
Asiantaeth Llywodraeth / sector cyhoeddus arall	2	1	1
Awdurdod cynllunio lleol	14	0	0
Grŵp neu unigolyn arall (heb ei restru uchod)	15	10	22
Cyrff proffesiynol / grwpiau buddiant	5	1	1
Sector gwirfoddol / grwpiau cymunedol	2	1	1
Cyfanswm	42	15	39
Canran	44	16	41

Trosolwg

- 3.7.5 Cefnogwyd y cynnig hwn gan fwyafrif yr awdurdodau cynllunio lleol. Roedd anghysondeb, fodd bynnag, yn arwynebedd y safle awgrymedig, yn amrywio o un i ddwy hectar. Roedd hyn yn rhannol o ganlyniad i dybiaethau anghyson ynghylch nifer yr anheddau fesul hectar, yn amrywio o 20 i 50, a chanfyddiad o'r angen am gywerthedd. Un hectar oedd y cyfartaledd moddol ar gyfer ymatebion yn cefnogi'r cynnig.
- Dylai newidiadau i drothwy arwynebedd y safle fod yn gymesur â nifer yr anheddau.
 - Angen sicrhau bod digon o le ar gael ar gyfer preifatrwydd, lle agored a hamdden, yn ogystal ag osgoi gorlenwi.
 - Awgrym y dylid defnyddio dwysedd fel meincnod yn lle arwynebedd y safle. Byddai hynny wedyn yn gymesur ag ardaloedd gwledig a threfol.
- 3.7.6 Roedd y rhai nad oeddent yn cefnogi'r gwelliant hwn yn ei wrthwynebu am yr un rheswm â'r newid yn nifer yr anheddau yng nghwestiwn 44.

Ymateb y Llywodraeth

- 3.7.7 Fel gyda'r diwygiad arfaethedig yng nghwestiwn 44, ystyrir y bydd y newid hwn yn creu proses fwy cymesur ac effeithlon ar gyfer ceisiadau. Mae'r trothwyon presennol yn gosod gofynion gweithdrefnol sylweddol ar safleoedd bach a chanolig, gan greu oedi a chostau. Byddai codi trothwy arwynebedd y safle yn cyd-fynd â strategaeth ehangach y llywodraeth i arallgyfeirio'r farchnad dai a chyflymu cyflawni targedau tai Llywodraeth Cymru.
- 3.7.8 Fodd bynnag, o ystyried cwmpas y materion a'r awgrymiadau a godwyd, ystyrir ei bod yn angenrheidiol archwilio'r cynigion yn fanylach cyn gwneud unrhyw newidiadau i'r system bresennol, gan nad yw'r ymgynghoriad wedi arwain at arwydd clir o sut y dylid cyfrifo trothwy arwynebedd y safle ar gyfer datblygiad mawr, yn ôl dwysedd neu ffigur sefydlog.

3.8 Digolledu am ddileu hawliau datblygu a ganiateir yn y dyfodol

Cwestiwn 46: A oes unrhyw faterion cynllunio eraill yn ymwneud â digolledu am ddileu hawliau datblygu a ganiateir yn y dyfodol nad ydynt yn cael sylw yn y cwestiynau uchod ac y dymunwch eu codi?

Trosolwg

- 3.8.1 Ychydig iawn o sylwadau sylweddol a gynigiwyd i'r cwestiwn hwn, ac roeddent yn ymhelaethu'n bennaf ar faterion a godwyd mewn cwestiynau ymgynghori eraill, neu nad oeddent yn berthnasol i'r ymgynghoriad.
- 3.8.2 Mynegwyd y safbwyntiau canlynol gan ymatebwyr unigol nad ydym yn eu hystyried yn berthnasol i'r materion a godwyd, neu'n ymestyn y tu hwnt i gwmpas yr ymarfer ymgynghori hwn:
- Mae defnyddio ac ehangu hawliau datblygu a ganiateir yn erydu craffu a chyfranogiad cymunedol mewn materion cynllunio (lle mae hyn yn berthnasol i gwestiynau penodol, mae wedi cael sylw uchod).
 - Dylid ystyried ehangu hawliau datblygu a ganiateir i alluogi adeiladu annedd newydd.
 - Dylid darparu grantiau ar gyfer parcio oddi ar y ffordd.
 - Dylai adeiladu anheddau unigol mwy cynaliadwy fod yn haws.
 - Dylid ehangu datblygiad a ganiateir ar gyfer anheddau sydd eisoes yn bodoli.
 - Dylid galluogi mwy o ddatblygiad a ganiateir, 'gyda'r opsiwn ar gyfer cynllunio cyflym ac ymgynghoriadau cyn cynllunio'.
 - Dylid ystyried argymhellion y tasglu tai fforddiadwy yn llawn.
 - Cais i nodi cyngor safonol proffesiynol Sefydliad Brenhinol y Syrfewyr Siartredig a gyhoeddwyd yn ddiweddar ynghylch prynu gorfodol a digolledu statudol.

- 3.8.3 Cododd un o'r ymatebwyr y mater y gallai cyfarwyddiadau erthygl 4(1) hŷn barhau i wneud awdurdod cynllunio lleol yn atebol i dalu iawndal lle gwrthodir caniatâd, a dylid diwygio deddfwriaeth i atal hyn.

Ymateb y Llywodraeth

- 3.8.4 Nid ydym yn cytuno y dylid eithrio cyfarwyddiadau erthygl 4(1) hanesyddol rhag digolledu. Os yw awdurdod cynllunio lleol yn bwriadu cadw cyfarwyddyd, ac yn gwrthod caniatâd o ganlyniad, mae'n gyfrifol am wneud y penderfyniad hwnnw, sy'n amddifadu unigolyn o ganiatâd y byddai eraill yn cael budd ohono. Felly, ystyrir y dylai'r awdurdod cynllunio lleol barhau i fod yn atebol am ddigolledu unigolion mewn amgylchiadau o'r fath.
- 3.8.5 Nodwn y sylw ynghylch argymhellion y tasglu tai fforddiadwy. Mae Llywodraeth Cymru wedi derbyn yr holl argymhellion, a chadeiriodd Ysgrifennydd y Cabinet dros Lywodraeth Leol a Thai gyfarfodydd Grŵp Gweithredu Argymhellion y Tasglu ym mis Gorffennaf a mis Medi 2025.
- 3.8.6 O ran y sylwadau a godwyd mewn perthynas â datblygu a ganiateir 'carlam', mae hyn yn ymddangos yn gamddealltwriaeth o egwyddor hawliau datblygu a ganiateir, sy'n dileu'r angen am gais cynllunio. Er y byddai'n bosibl i awdurdod cynllunio lleol gynnig cyngor amserol ar hawliau datblygu a ganiateir, nid yw hon yn swyddogaeth statudol, ac nid ydym yn ystyried y dylai fod ychwaith. Mae'r cyfrifoldeb ar y datblygwr i sicrhau eu bod yn cydymffurfio â'r rheolaethau priodol ar gyfer datblygiad a ganiateir.
- 3.8.7 Rydym o'r farn y dylid bwrw ymlaen i weithredu newidiadau i reoliadau digolledu fel y nodir yn y ddogfen ymgynghori fel rhan o'r cam cynta o weithredu.

3.9 Ystyriaethau yn ymwneud â'r Gymraeg

Cwestiwn 47: Beth, yn eich barn chi, fyddai effeithiau tebygol y cynigion uchod ar y Gymraeg? Mae gennym ddiddordeb arbennig mewn unrhyw effeithiau tebygol ar gyfleoedd i ddefnyddio'r Gymraeg ac ar beidio â thrin y Gymraeg yn llai ffafriol na'r Saesneg.

A ydych chi'n meddwl bod cyfleoedd i hyrwyddo unrhyw effeithiau cadarnhaol?

A ydych chi'n meddwl bod cyfleoedd i liniaru unrhyw effeithiau niweidiol?

Cwestiwn 48: Yn eich barn chi, a fyddai modd ffurfio neu addasu'r cynigion er mwyn sicrhau:

- eu bod yn cael effeithiau cadarnhaol neu fwy cadarnhaol ar ddefnyddio'r Gymraeg a pheidio â'i thrin yn llai ffafriol na'r Saesneg; ac
- nad ydynt yn cael effeithiau andwyol ar gyfleoedd i ddefnyddio'r Gymraeg a pheidio â'i thrin yn llai ffafriol na'r Saesneg?

Trosolwg

- 3.9.1 Roedd sawl ymatebydd o'r farn ei bod yn hanfodol bod cynllunio a chreu lleoedd yn annog ffyniant y Gymraeg a'r diwylliant Cymraeg.
- 3.9.2 Mae rhai ymatebwyr yn ystyried ei bod yn angenrheidiol cryfhau rheolaeth gynllunio dros ddatblygiadau, yn enwedig ar gyfer tai a chyflogaeth, er mwyn sicrhau craffu priodol ar effeithiau andwyol posibl datblygiadau o'r fath ar y Gymraeg.
- 3.9.3 Roedd yr ymatebwyr o'r farn y dylai'r Comisiwn Cymunedau Cymraeg fod yn rhan o'r gwelliannau arfaethedig hyn. O ran y cynigion mewn perthynas â thai fforddiadwy a defnydd yn y cyfamser, mae'r ymatebwyr yn ystyried bod cyfle i ddatblygu polisi cynllunio sy'n diwallu'r angen am dai fforddiadwy wrth warchod a hyrwyddo'r Gymraeg.
- 3.9.4 Os caiff y newidiadau eu gweithredu, dylid ystyried canllawiau ychwanegol ar gyfer asesiadau effaith ar y Gymraeg i ategu'r gwelliannau tai fforddiadwy a defnydd yn y cyfamser.
- 3.9.5 Mae ymatebwyr o'r farn y dylai asesiadau'r Gymraeg gael eu cynnal gan unigolyn cymwys sydd â phrofiad o gynllunio ar gyfer y Gymraeg. Awgrymwyd y dylid rhoi hyfforddiant a chymwysterau i awdurdodau cynllunio lleol mewn ardaloedd lle mae sgiliau Cymraeg yn uwch i wneud yr asesiadau hyn. Roedd rhai ymatebwyr o'r farn y dylai hyn fod yn ofyniad fel rhan o unrhyw broses gymeradwyo ymlaen llaw.
- 3.9.6 Awgrymodd yr ymatebwyr fod angen diwydrwydd dyladwy ar gyfer tai fforddiadwy i sicrhau bod datblygiadau yn yr ardaloedd Cymraeg yn cael eu dyrannu i siaradwyr Cymraeg sydd angen tai cymdeithasol a fforddiadwy. Dylid gosod y cartrefi hyn drwy bolisiâu a chofrestrau dyrannu tai cyffredin, sy'n dangos yr angen am dai cymdeithasol ymhlith siaradwyr Cymraeg yn ogystal â'r rhai nad ydynt yn siaradwyr Cymraeg.
- 3.9.7 Pwysleisiodd yr ymatebwyr yr angen am arwyddion dwyieithog a deunyddiau sy'n wynebu'r defnyddiwr ar gyfer gwefru cerbydau trydan. Argymhellir cydweithio rhwng awdurdodau cynllunio, gweithredwyr pwyntiau gwefru, a Chomisiynydd y Gymraeg i ddatblygu canllawiau ymarferol a chynhwysol.
- 3.9.8 Roedd pwyslais ar yr angen am bolisi a chanllawiau cliriach ar safleoedd eithriad o ran maint, graddfa, lleoliad ac effaith ar y Gymraeg.
- 3.9.9 Mynegodd rhai ymatebwyr y farn ei bod hi'n bwysig gwarchod cymunedau gwledig bach rhag gorddatblygiad, yn enwedig os yw hyn yn gwanhau'r Gymraeg. Mae angen ystyried y diffiniad o 'ddatblygiadau mawr' mewn ardaloedd gwledig.
- 3.9.10 Effeithiau cadarnhaol y cynigion
- Roedd rhai ymatebwyr o'r farn y gallai'r cynigion, yn enwedig y rhai ar gyfer meysydd gwersylla, arwain at fwy o ymweliadau â Chymru, a allai arwain at fwy

o sylw i ddiwylliant ac iaith Cymru. Roeddent o'r farn y gallai'r newidiadau hyn hefyd ddarparu cyfleoedd i drigolion lleol ddefnyddio'r Gymraeg a mwy o siaradwyr Cymraeg.

- Roedd rhai ymatebwyr o'r farn na ddylid ystyried tai fforddiadwy yn risg i'r Gymraeg, a bod yn rhaid iddynt fod yn seiliedig ar angen lleol. Roeddent o'r farn y dylai ddiwallu galw sydd eisoes yn bodoli yn y gymuned ac felly'n cynnwys teuluoedd sy'n siarad Cymraeg.

3.9.11 Effeithiau negyddol y cynigion

- Mynegodd y tri pharc cenedlaethol, a Tirweddau Cymru, y farn y byddai newidiadau arfaethedig i 'ddefnydd yn y cyfamser' yn ei gwneud hi'n anoddach i awdurdodau cynllunio lleol ystyried materion y Gymraeg sy'n deillio o ddatblygiad o'r fath. Byddai lleihau'r gallu i ddefnyddio rhwymedigaethau cynllunio ar gyfer datblygiad o'r fath hefyd yn arwain at lai o gyllid yn cael ei neilltuo i addysg Gymraeg.
- Nododd ymatebwyr bryder bod llai o ymgynghori yn peri risg i siaradwyr Cymraeg gael eu heithrio, felly dylai dadansoddiad effaith ar y Gymraeg fod yn ofynnol fel rhan o'r broses gymeradwyo ymlaen llaw lle byddai mewnbwn cyhoeddus yn digwydd fel arall.

Ymateb y Llywodraeth

3.9.12 Roedd mwyafrif yr ymatebion i'r cwestiwn hwn yn ymwneud â'r cynigion mewn perthynas â 'tai fforddiadwy a defnydd yn y cyfamser'. Ni ddylid trin y Gymraeg yn llai ffafriol na'r Saesneg mewn dogfennau canllaw a allai gefnogi'r newidiadau arfaethedig pe baent yn dod i rym.

3.9.13 Byddwn yn ystyried sut y gellir defnyddio canllawiau i sicrhau arfer gorau wrth ddefnyddio'r Gymraeg er mwyn ymgysylltu â chymunedau a rhanddeiliaid eraill wrth weithredu'r cynigion a ddatblygwyd, a hefyd wrth gasglu tystiolaeth bellach ar gyfer cynigion eraill.

3.10 Ystyriaethau cyffredinol

Cwestiwn 49: Rydym wedi gofyn nifer o gwestiynau penodol. Os hoffech dynnu ein sylw at unrhyw faterion cysylltiedig nad ydym wedi mynd i'r afael â nhw'n benodol, gallwch wneud hynny yma:

3.10.1 Cododd sawl ymateb i'r cwestiwn hwn yr angen i ystyried hawliau datblygu a ganiateir pellach o dan sawl amgylchiad gwahanol nad ydynt wedi'u hystyried yn yr ymgynghoriad hwn.

3.10.2 Mae safbwyntiau perthnasol i'r ymgynghoriad a fynegwyd mewn ymateb i'r cwestiwn hwn, ac nad ydynt wedi'u mynegi mewn manau eraill yn yr ymgynghoriad, yn cynnwys y canlynol:

Cyfathrebu

- Dylai'r gorchymyn datblygu cyffredinol a ganiateir wedi'i ddiweddarau fod ar gael yn ei gyfanrwydd, er hwylustod cyfeirio ato.
- Mae angen hyrwyddo newidiadau'n gyhoeddus er mwyn sicrhau bod awdurdodau a datblygwyr yn eu defnyddio'n gyson.

Incwm a gweinyddu

- Mae'r ffi am gymeradwyaeth ymlaen llaw yn rhy isel. Mae pryder ynghylch yr adnoddau sydd ar gael i awdurdodau lleol i ymdrin â cheisiadau o ganlyniad i'r newidiadau arfaethedig i hawliau datblygu a ganiateir.
- Mae awdurdodau'r parciau cenedlaethol yn ceisio sicrwydd bod y newidiadau arfaethedig i'r rheoliadau datblygu a ganiateir wedi cael eu hystyried drwy asesiadau effaith statudol, fel sy'n ofynnol gan Reoliadau Asesiad Amgylcheddol Cynlluniau a Rhaglenni (Cymru) 2004 a Rheoliadau Cadwraeth Cynefinoedd a Rhywogaethau 2017. Gofynnir am gyhoeddi'r asesiadau effaith hyn.

Pryderon Tai

- Bydd defnyddio landlordiaid cymdeithasol cofrestredig ar gyfer tai fforddiadwy yn lleihau'r incwm ariannol o ffioedd cynllunio i rai awdurdodau, gan mai landlordiaid cymdeithasol cofrestredig yw un o'r prif ffynonellau incwm.
- Bydd cyflwyno rheoliadau datblygu a ganiateir ar gyfer tai yn cynorthwyo'r gwaith o ddarparu cartrefi o bob math y mae eu hangen yn fawr. Fodd bynnag, mae diweddariad (ac felly llwyddiant) unrhyw ddarpariaethau o'r fath yn ddibynnol iawn ar y rheoliadau datblygu a ganiateir sy'n cynnig budd ac effeithlonrwydd sylweddol y tu hwnt i'r broses ymgeisio am gynllunio iawn. Dim ond os cymerir dull 'ysgafn' gan gadw i'r lleiafswm o gyfyngiadau ac amodau o ran unrhyw reoliadau datblygu a ganiateir a gyflwynir y gellir cyflawni hyn.
- Datblygiad a ganiateir ar gyfer ffyrdd osgoi tai cyfraniadau Adran 106 a'r ardoll seilwaith cymunedol. Mae ymchwil y Senedd yn argymhell ardoll seilwaith i osgoi gorlwytho gwasanaethau cyhoeddus.

Pryderon ynghylch y Gymraeg

- Nododd Adroddiad y Comisiwn Cymunedau Cymraeg ar Gynllunio Gwlad a Thref (Chwefror 2025) sawl argymhelliad mewn perthynas â thai, a phwysleisiwyd y gallai math a chymysgedd y tai o fewn ceisiadau cynllunio gael effaith ar y Gymraeg. Dylid ystyried yr argymhellion hyn os caiff y cynigion ar gyfer tai fforddiadwy a defnydd yn y cyfamser eu datblygu.
- Mae'n ymddangos bod y cynigion mewn perthynas â hawliau datblygu a gynlluniwyd ar safleoedd a neilltuwyd, a hyd yn oed safleoedd eithriadau, yn

groes i'r argymhellion hyn ac yn gwaethygu gallu awdurdod cynllunio lleol i ystyried materion y Gymraeg. Mae ymatebwyr yn ystyried bod hwn yn fater arwyddocaol nad yw wedi'i asesu'n iawn wrth ddatblygu'r cynigion hyn.

Materion eraill a godwyd

- Nodwyd nad oes mecanwaith clir wedi'i ddarparu i warchod grwpiau sydd wedi'u hymylu, megis cymunedau Sipsiwn a Theithwyr, rhag effeithiau cronrus neu arferion allgáu.
- Dylid ystyried cyflwyno safonau gofod cenedlaethol fel dosbarth MA yn Lloegr (dosbarth MA Gorchymyn Datblygu Cyffredinol a Ganiateir, fel yn Lloegr).

Ymateb y Llywodraeth

3.10.3 Rydym yn ddiolchgar am yr ymatebion a gafwyd i'r cwestiwn eang hwn. Mae'r adran Ymateb y Llywodraeth i'r cynigion penodol yn nodi ein safbwynt ar lawer o'r materion a godwyd. Ar gyfer yr ymatebion hynny sy'n ymwneud â materion ehangach, bydd y rhain yn cael eu hystyried mewn gwaith a chynigion yn y dyfodol.

Atodiad A – Rhestr yr ymatebwyr

Nifer	Enw'r sefydliad	Categori
011	Thermal Earth	Cyrff proffesiynol / grwpiau buddiant
032	British Institute of Innkeeping (BII)	Cyrff proffesiynol / grwpiau buddiant
042	Cyngor Sir Penfro	Awdurdod cynllunio lleol
046	Network Rail	Asiantaeth Llywodraeth / sector cyhoeddus arall
047	OFTEC Ltd	Cyrff proffesiynol / grwpiau buddiant
083	Yr Awdurdod Glo	Asiantaeth Llywodraeth / sector cyhoeddus arall
085	Cyngor Sir Gâr	Awdurdod cynllunio lleol
088	Cyfeillion Parc Cenedlaethol Arfordir Sir Benfro	Sector gwirfoddol / grwpiau cymunedol
089	Cymdeithas Cyngorau Lleol Gogledd a Chanolbarth Cymru	Asiantaeth Llywodraeth / sector cyhoeddus arall
092	Cymdeithas Parciau Gwyliau a Pharciau Cartrefi Prydain	Cyrff proffesiynol / grwpiau buddiant
097	Cyngor Bwrdeistref Sirol Merthyr Tudful	Awdurdod cynllunio lleol
100	Sefydliad Brenhinol y Syrfewyr Siartredig	Cyrff proffesiynol / grwpiau buddiant
104	Cymdeithas Cerbydau Trydan Cymru	Sector gwirfoddol / grwpiau cymunedol
105	Cyngor Sir Fynwy	Awdurdod cynllunio lleol
108	Energy UK	Cyrff proffesiynol / grwpiau buddiant
109	NFU Cymru	Cyrff proffesiynol / grwpiau buddiant
110	ChargeUK	Cyrff proffesiynol / grwpiau buddiant
111	Gofal a Thrwsio Cymru	Sector gwirfoddol / grwpiau cymunedol
113	Tîm Rheoli Llygredd Cyngor Abertawe	Asiantaeth Llywodraeth / sector cyhoeddus arall
116	Ymgyrch Diogelu Cymru Wledig	Sector gwirfoddol / grwpiau cymunedol
121	Cymdeithas Ddinesig y Fenni a'r Cylch	Sector gwirfoddol / grwpiau cymunedol
122	Tai Hanesyddol Cymru	Sector gwirfoddol / grwpiau cymunedol
123	Heat Pump Association	Cyrff proffesiynol / grwpiau buddiant
124	Comisiwn Dylunio Cymru	Asiantaeth Llywodraeth / sector cyhoeddus arall

126	Cyngor Castell-nedd Port Talbot	Awdurdod cynllunio lleol
127	SP Energy Networks	Cyrff proffesiynol / grwpiau buddiant
128	Awdurdod Parc Cenedlaethol Bannau Brycheiniog	Awdurdod cynllunio lleol
130	Cyngor Bwrdeistref Sirol Caerffili	Awdurdod cynllunio lleol
131	Comisiwn Seilwaith Cenedlaethol Cymru	Asiantaeth Llywodraeth / sector cyhoeddus arall
132	Y Swyddfa Reoleiddio Niwclear	Asiantaeth Llywodraeth / sector cyhoeddus arall
133	Cartrefi Cymunedol Cymru	Cyrff proffesiynol / grwpiau buddiant
134	Cyngor Sir Ceredigion	Awdurdod cynllunio lleol
136	Y Sefydliad Tai Siartredig	Cyrff proffesiynol / grwpiau buddiant
137	Cyfoeth Naturiol Cymru	Asiantaeth Llywodraeth / sector cyhoeddus arall
140	Y Sefydliad Cynllunio Trefol Brenhinol yng Nghymru	Cyrff proffesiynol / grwpiau buddiant
141	Grŵp Swyddogion Cadwraeth De Cymru	Cyrff proffesiynol / grwpiau buddiant
142	Cyngor Gwynedd	Awdurdod cynllunio lleol
143	Awdurdod Parc Cenedlaethol Eryri	Awdurdod cynllunio lleol
146	Sefydliad Siartredig y Technolegwyr Pensaernïol (CIAT)	Cyrff proffesiynol / grwpiau buddiant
148	Cymdeithas Genedlaethol y Landlordiaid Preswyl	Cyrff proffesiynol / grwpiau buddiant
149	Heddlu De Cymru	Asiantaeth Llywodraeth / sector cyhoeddus arall
151	Awdurdod Parc Cenedlaethol Arfordir Penfro	Awdurdod cynllunio lleol
153	Cadw	Asiantaeth Llywodraeth / sector cyhoeddus arall
154	Cymdeithas Siopau Cyfleustra	Cyrff proffesiynol / grwpiau buddiant
155	Cymdeithas Tir a Busnesau Cefn Gwlad (CLA Cymru)	Cyrff proffesiynol / grwpiau buddiant
157	Cyngor Dinas Casnewydd	Awdurdod cynllunio lleol
158	Cyngor Abertawe	Awdurdod cynllunio lleol
160	Cyngor Bwrdeistref Sirol Pen-y-bont ar Ogwr	Awdurdod cynllunio lleol
162	Cyngor Sir Ynys Môn	Awdurdod cynllunio lleol
164	Cyngor Bwrdeistref Sirol Rhondda Cynon Taf	Awdurdod cynllunio lleol
165	Hedyn	Sector gwirfoddol / grwpiau cymunedol
166	Cymdeithas Ganolog y Priswyr Amaethyddol	Cyrff proffesiynol / grwpiau buddiant

168	Cyngor Bwrdeistref Sirol Torfaen	Awdurdod cynllunio lleol
169	Crisis	Sector gwirfoddol / grwpiau cymunedol
172	ALGAO Cymru (Cymdeithas Swyddogion Archaeolegol Llywodraeth Leol – Cymru)	Cyrff proffesiynol / grwpiau buddiant
173	Shelter Cymru	Sector gwirfoddol / grwpiau cymunedol
175	Ffederasiwn Adeiladwyr Cartrefi	Cyrff proffesiynol / grwpiau buddiant
179	Y Gymdeithas Frenhinol er Gwarchod Adar	Sector gwirfoddol / grwpiau cymunedol